


江水


尚書禹貢岷山導江東別爲沱 又曰三江旣入震澤底定 春秋元命苞曰牛女爲江潮江潮者所以開神潤化故其氣湍急 孫卿子曰于路盛服見孔子孔子曰由是襜褕者何也在昔江出於汶山其始出源可以濫觴及其至江之津也不方舟不避風不可涉也非唯下流水邪今汝衣服旣盛顏色充盈天下且孰肯諫汝乎 列女傳曰楚昭王貞姜齊女也昭王出遊留夫人漸臺江水大至使使者迎夫人忘持符夫人不肯出使者還取符未及臺已壞流水而死 賢婦人辭又曰廣漢姜詩妻事姑至孝姑好飲江水水去家七里妻常雞鳴泝流而汲而阻風雪不時得水詩責遣之妻寄隣家紡績給與詩聞追還舍側立有涌泉出味如江水 謝承後漢書曰吳郡王闓渡錢塘江遭風船欲覆闓拔劍斫水罵伍子胥水息得濟 吳志曰魏文帝出廣陵望大江曰彼有人無未可圖也乃還 吳錄曰書云三江旣入震澤底定 震澤吳西南太湖也 又曰步騭表言此降人說此多作布囊欲以麻沙塞大江吳主見呂岱說騭言此欲以沙塞

塞江每讀其表輒獨失笑此江自開闢以來寧可以囊塞之乎 梁沈約泛永康江詩曰長枝萌紫葉清源泛綠苔山光浮水至春色犯寒來臨觀信永矣望冥曖悠哉寄言幽閨妾羅袖勿空裁 又渡新安江贈京邑遊好詩曰眷言訪舟客茲川信可珍洞澈隨深淺皎鏡無冬春千仞寫高樹百丈見遊鱗紛吾隔躡萍寧可濯衣巾願以潺湲末霑君衣上塵 梁任昉濟浙江詩曰昧旦乘輕風江湖忽來往或與歸波送乍逐颿流上近江無暇目遠峯更興想綠樹懸宿根丹崖頽久壤 又嚴陵瀨詩曰羣峯此峻極參差百重嶂清淺旣鍾滴激石復奔壯神物徒有造終然莫能仗 梁劉孝綽和太子落日望水詩曰川平落日迴落照滿川漲復此淪坡地 梁引別沮漳耿耿流長脉熠熠動輕光臨泛自多美况乃還故鄉榜人夜理纖棹女闌成粧欲待春江曙爭金向洛陽 梁王臺卿臨滄波詩曰高軒臨不測清江窮廣深天邊坐岸影水上結雲陰風來白華起潮滿黃沙沉 又泛江詩曰春江下白帝畫舸向黃牛錦纜迴沙磧蘭橈避荻洲濕花隨水泛空巢逐樹流岸社多喬木山城足迥樓 陳陰鏗晚出新亭詩



曰大江一浩蕩離悲足幾重潮落猶如蓋雲昏不作峯遠戍唯聞鼓寒山  
但見松九十方稱半歸途詎有蹤賦東晉郭璞江賦曰咨五才之並用  
寔水德之靈長惟岷山之導江初發源於溫觴趨括漢涇兼包淮湘江吞  
沅澧汲引沮漳源二分於岷岷流九派乎潯陽鼓洪濤於赤岸淪餘波於  
柴桑注五湖以漫漶灌三江而滿沛瀉汗六州之域經營炎景之外呼吸  
萬里吐納靈潮自然往復或夕或朝若乃巴東之峽夏后疏鑿絕岸萬丈  
壁立霞駁碧沙遺漣而往來巨石硨磲以前却魚則江豚海稀叔顛王鯨  
鱗鯨鱖鮪鮪鮪鮪爾其水物怪錯則有王珧海月土肉石華瑣蚌腹蟹  
水母目蝦紫蚌如渠洪蚶專車螯蚌喻曜以瑩珠石蚌應節而揚葩若乃  
龍鯉一角奇鷓九頭有鱷三足有龜六眸頑紫肺羅兩吐磯文鼈磬鳴以  
爭琛駟馬騰波以噓珠水兕雷咆乎兩陽候雷有餘糧星離沙鏡青綸竟亂  
縹緲爭映石帆蒙籠以蓋嶼滄瀟時出而漂泳其下則金礦丹礫雲精燭  
銀鳴石列乎陽渚浮聲聳乎陰瀆其羽族則有長鵠天雞鸕鶿鷓鴣千類  
萬聲自相詭語繁聲芳雜隱翳之松澗川渚羊棗蒼鶯慈龍爰有包山洞庭

巴陵地道潛達傍通幽岫窈窕金精玉英瑣其裏瑤珠怪石碎其表海童  
之所巡遊琴高之所靈矯水夷倚浪以傲脫江妃含嘯而聯眇若乃宇宙  
澄寂八風不翔舟子於是搦權涉人於是橫榜漂飛雲運餘舢舨相屬  
萬里連檣汧洄沕沕或漁或商長風颺以增扇廣莫颺而氣整徐而不  
颺疾而不猛鼓帆迅越起漲截澗倏忽數千里俄頃於是蘆人漁子擯  
落江山衣則羽褐食惟蔬鱸或揮輪於懸磳或中瀨而橫旋忽忘夕而宵  
蹙詠采菱以叩舷及其謫變儵恍符祥非一動應無方感事而出經紀天  
地錯綜人術妙不可盡之於言事不可窮之於筆 晉庾闡涉江賦曰發  
中州之曲沅沔石頭之岩岵遡晨風而遙邁乘濤波而容與於是時也夕  
日將昏天吳駭奔陽侯漂海若泛江豚爾乃雲霧勃起風流瀾滄排岩拒  
瀨觸石興濤澎湃洗滯鬱怒咆哮連波以岳墜壑后土而川宵惣百川  
之殊勢集朝宗乎滄浪注天波於析木歛東極乎扶桑體含弘而彌泰道  
謙專而逾光齊山海以比量冠百谷而稱王此則水之勢也且夫山川環  
怪水物含靈鱗千其族羽萬其名毛羣詭觀保類殊形明月晞光以夕耀



金沙逐波而吐瑛撫楫中流汨徂西土過乎歷陽之津迄乎橫江之浦若乃越三江之下口眇濡須以逕渡邈天險之遐勢歷習坎之重固川瀆泓澄以含景山水泮瀦而鱗布晉南眺涉江賦曰迄越屯歷彭川脩岸靡靡莞葦芊芊紫蓮被翠波而抗英碧楫乘天岸而星懸百籟夕奏山精夜靡任颺蕭瑟以洞駭洪濤突兀而橫峙爾乃江旆彭澤夜火輝煥凌錯吐颺駭鯨噴濶采峰於是汎波文魚於是登岸歌晉夏侯湛江上泛歌曰悠悠兮遠征倏倏兮暨南荆南荆兮臨長江臨江河兮討不庭江水兮浩浩長流兮萬里洪浪兮雲轉陽侯兮奔起驚翼兮垂天鯨魚兮岳峙麋蕪紛兮被臯陸脩竹鬱兮駭崖趾望江之南兮遠目桂林桂林翁鬱兮鷓鴣揚音凌波兮願濟舟楫不具兮江水深沉嗟廻眄於北夏何歸軫之難尋

淮水

尚書禹貢曰道淮自桐栢毛詩曰率彼淮浦省此徐上水經曰淮水

出南陽平氏縣昭稽山東北過桐栢山山海經曰淮水出餘山山在朝

陽義都西入海圖魏文帝浮淮賦曰建安十四年師自譙東征大興水

軍泛舟萬艘雖孝武舳艫千里殆不過也沂淮水而南邁泛洪澤之皇波仰岩岡之隆阻經東山之曲阿於是驚風泛涌波駭衆帆張群檣起爭先逐進莫過適相待魏王粲浮淮賦曰從王師以南征浮淮水而遐逝北背渦浦之曲流望馬丘之高窪於是迅風興濤波動長瀾潭濃滂沛凶浴

漢水

山海經曰嶧冢之山漢水出焉東南流注於江尚書禹貢曰嶧冢道漾

東流爲漢毛詩曰漢廣德廣所及也文王之化被乎南國美化行於江

漢之域漢有游女不可求思左氏傳曰屈宇謂齊桓公曰楚國方城以

爲城漢水以爲池詩梁簡文帝玩漢水詩曰雜色崑崙水泓澄龍首渠


豈若茲川麗清流疾且徐離離細磧爭藹藹樹陰踞石衣隨溜卷水芝扶

浪舒連翩寫去楫錯澈倒暹摭聊持點纓上於是祭川魚詩後漢蔡邕

漢津賦曰夫何大川之浩浩披厚土以載形納陽公之所吐兼漢沔之殊

名愆呖澮之群液演西土之陰精過曼山以左廻遊襄陽而南肇於是遊

目騁觀南援三州北集京都上控隴坻下接江湖導財運貨懋遷有無既



乃風焱蕭瑟勃焉並與陽侯沛以奔鶩洪濤涌以沸騰願乘流以上下窮  
滄浪乎三溼觀固宗之形兆看洞庭之交會

洛水

山海經曰洛水出洛西山東北注河入成臯之西 易曰河出圖雒出書  
聖人則之 尚書曰道洛自熊耳東北會於澗澗 國語曰靈王二十二  
年穀洛龍鬪將毀宮室王欲壅之太子晉曰夫山土之聚也數物之歸也  
川氣之導也澤水之鍾也夫水聚於高歸於下今吾執政無乃實所解而  
禍夫二川之神王卒壅之王室大亂 淮南子曰雒水輕利宜禾 謝承  
後漢書曰沛國陳宣建武十年雒水出造天津城門欲欲築塞之宣諫曰  
昔王尊正身金堤水退况聖人邪言未絕而水去 漢官典職曰德陽殿  
周遊容萬人自偃師去宮四十五里激洛水於殿下 太宗皇帝臨洛  
水詩曰春蒐馳駿骨摠轡脩長河霞處流縈錦風前滾卷羅水花翻照樹  
澗蘭倒插波笠必汾陰曲秋雪發棹歌 蘇味道和受圖溫洛詩曰綠綺  
應河檢青壇俯洛履天旋俄制禪孝享屬殿裡陟配光三祖懷柔泊百神

霧閣中道日雪歛屬車塵預奉咸英奏長歌億萬春 李嶠和拜洛詩曰

七萃鑿輿動千年瑞檢開文如龜貝出圖似鳳銜來躬薦三神享明祠萬

國陪周旗黃鳥集漢幄紫雲迴日暮鈞陳轉清歌上帝臺 牛鳳及和受

圖溫洛詩曰八神承玉輦六羽驚瑤溪戒道伊川北通旌澗水西御圖開

洛匱刻石與天齊晞日波中上仙禽霧裏低微臣矯弱翮并舞接鸞鷲

魏曹子建洛神賦曰余從京城言歸東藩皆伊闕越轅轅經通谷凌

景山容與乎陽林流眇乎洛川覩一麗人于巖之畔乃援御者而告之曰

彼何人斯若此之艷也御者對曰臣聞河洛之神名曰宓妃若王所見無

乃是乎余告曰其形也翩若驚鴻婉若游龍鬋髮兮若輕雲之蔽月飄飄


兮若流風之迴雪於是忽焉縱體以游以嬉左倚采旄右陰桂旗攬皓腕

於神游採湍瀨之玄芝收和頰而靜志兮申禮防以自持爾乃衆靈雜還

命儔嘯侶或戲清流或翔神渚或采明珠或拾翠羽從南相之二妃攜漢

濱之游女體迅飛鳥飄忽若神凌波微步羅襪生塵於是屏翳收風川后

靜波馮夷鳴鼓女媧清歌騰文魚以警聳鳴玉鑿以借逝六龍儼其齊首



載雲車之容裔

藝文類聚卷第八

藝文類聚卷第九

水部下壑 四瀆 濤泉 湖陂 池 溪 谷 澗

壑

浦 渠 井 水 津 橋

山海經曰東海之外有大壑 列子曰渤海之東不知幾億萬里有大壑  
實惟無底之谷 莊子曰諄芒東之大壑遇苑風於東海濱苑風曰子將  
之大壑奚為夫壑之為物注焉而不滿取焉而不竭 又曰藏舟於壑藏  
山於澤謂之因矣然而夜半有力者負之而走昧者不知也 離騷曰降  
望大壑 梁簡文帝大壑賦曰渤海之東不知幾億大壑在焉其深無  
極悠悠既漭滔滔不息觀其浸受壯其吞匿歷詳衆水異導殊名江出濯  
錦淇吐珠瑛海逢時而不通河過壑而知清嗟乎使夫懷止之水積天漢  
之流駛彭潛以渭濕俱臻四瀆與九河同至余乃知巨壑之難滿尾閭之  
為異

四瀆



國立中央圖書館, 臺灣, R.O.C.

載雲車之容裔

藝文類聚卷第八

藝文類聚卷第九

水部下壑 四瀆 濤泉 湖陂 池 溪 谷 澗

壑

山海經曰東海之外有大壑 列子曰渤海之東不知幾億萬里有大壑  
實惟無底之谷 莊子曰諄芒東之大壑遇苑風於東海濱苑風曰子將  
之大壑奚爲夫壑之爲物注焉而不滿取焉而不竭 又曰藏舟於壑藏  
山於澤謂之因矣然而夜半有力者負之而走昧者不知也 離騷曰降  
望大壑 梁簡文帝大壑賦曰渤海之東不知幾億大壑在焉其深無  
極悠悠既漭滔滔不息觀其浸受壯其吞匿歷詳衆水異導殊名江出濯  
錦漢吐珠璣海逢時而不通河過壑而知清嗟乎使夫懷止之水積天漢  
之流駛彭潛以渭濕俱臻四瀆與九河同至余乃知巨壑之難滿尾閭之  
爲異

四瀆




國立中央圖書館, 臺灣, R.O.C.

爾雅曰江河淮濟爲四瀆四瀆者發源注海者也 栢譚新論曰四瀆之源最高而長從高注下其流激湍故爲平地災害 博物志曰四瀆濟出王屋山其江河淮所出已具別卷 周王褒四瀆祠碑銘曰靈祠岳立貝關雲浮寂寥詭怪髮鬚神遊姬嬴分國河渭合流桃花春水靈草孤洲潼鄉河曲汾陰睽壤亂流不度龍門難上河魚送迎江妃來牲水開通跡山臨高掌智以藏往神以知來榮光離合雲氣徘徊水仙遺操津吏餘杯波息川后浪靖澹臺

濤

廣雅曰陽侯濤波也 吳越春秋曰吳王賜子胥劍遂伏劍而死吳王乃取子胥之尺盛以鴟夷之器投之江海子胥因隨流揚波成濤激岸隨潮來往 論衡曰儒書言吳王夫差殺伍子胥煮之於鑊盛以囊投之於江子胥恚恨臨水爲濤溺殺人夫言吳王殺伍子胥投之於江實也言其恨志臨水爲濤者虛也衛蒧子路而漢烹彭越子胥勇猛不過子路彭越然二士不能發怒於鼎鑊之中子胥亦然自先入鼎鑊後乃入江在鑊之時其神豈怯而勇於江水哉何神怒氣前後不相副也 博物志曰東海中有牛魚其形如牛剥其皮懸之潮水至則毛起潮去則伏 晉蘇彥於西陵觀濤詩曰洪濤奔逸勢駭浪駕丘山匄隱振宇宙湍礚津雲連

梁徐昉賦得觀濤詩曰雲容雜浪起楚水漫吳流漸看遙樹沒稍見遠天浮漁人迷舊浦海鳥失前洲不測滄溟曠輕鱗幸自游 晉顧愷之觀濤賦曰臨浙江以北春壯滄海之宏流水無涯而合岸山孤映而若浮旣藏珍而納景且激波而揚濤其中則有珊瑚明月石帆瑤瑛彫鱗采介特種奇名崩巒填壑傾堆漸隅岑有積嶺嶺有懸魚謨茲濤之爲體亦崇廣而宏凌形無常而參神斯必來以知信勢剛凌以周威質柔弱以協順 晉曹毗觀濤賦曰伊山水之遼迥何秋月之淒清瞻滄津之騰起觀雲濤之來征爾其勢也發源溟池迴衝天井灑拂滄溟遙櫟星景子結誓於陰府洪湍應期而來騁泪如八風俱臻隗若崑崙抗嶺 晉伏滔望濤賦曰若夫金祗理響素月告望宏濤於是鬱起重流於是電驪起沙渚而迅邁觸橫門而剋壯灌江津而砰礚鼓赤岸而激揚鬱律騰隗兀連罡重




壘巘而天竦洞滯澀而起漲

泉

爾雅曰泉一見一否爲灑濫泉正出正出涌出也沃泉懸出懸下出也汎泉仄出仄出旁出也 論語撰考識曰水名盜泉仲尼不嗽 呂氏春秋曰太公釣於滋泉 淮南子曰崑崙四水者帝之神泉以和百藥以潤萬物東觀漢記曰耿恭爲校尉居疎勒匈奴來攻城中穿井十五丈無水恭曰聞二師將軍援佩刀剗山而飛泉出今漢德神靈豈有窮乎乃正衣冠向井拜爲吏請禱有頃井泉湧出 應邵漢官儀曰酒泉城下有金泉泉味如酒故曰酒泉 吳郡錄曰始興有始興山山出溫泉 天門零縣有溫泉丹陽江乘縣有湯山出溫泉 二所以治雞 廣志曰溫泉西者在新豐北者在廣平有美泉出漑種出穀香美在汲郡 新成縣有冷泉水冷如冰在湖縣有鹽泉煮則爲鹽有醴泉用之愈疾 晉安帝紀曰吳隱之性廉操爲廣州刺史界有一水謂之貪泉古老云飲此水者廉士皆貪隱之始踐境先至水所酌而飲之因賦詩以言志若使夷齊飲終當不易心

清擇逾厲 宣城記曰臨城縣南四十里有蓋山百許步有姑舒泉昔有舒女與其父析薪於此泉女因坐牽挽不動乃還告家比還唯見清泉湛然女母曰吾女好音樂乃作絃歌泉涌洄流有朱鯉一雙令人作樂嬉戲泉故涌出 漢水記曰漢水有溫泉方圓數十步冬夏常沸涌望見白氣衝天能老百病 江乘地記曰東南三十五里有半湯泉半冷半溫共同一壑 盛弘之荊州記曰新陽縣蕙澤中有溫泉冬月未至數里遙望白氣浮蒸如煙上下采映狀若綺䟽又有車輪雙轆形世傳昔有玉女乘車自投此泉今人時見女子姿儀光麗往來倏忽 又曰夷道縣句將山下有三泉傳云本無此泉居者皆苦遠汲人人多賣水與之有一女子孤貧繼縷無以貿易有一乞人衣麓貌醜瘡痍竟體村人見之無不穢惡唯女子獨加哀矜割飯餽之乞人食畢曰我感卿行善欲思相報爲何所須女荅曰何恩可報且今所須之物非君能得因問所須女子曰正願此山下有水可汲乞人乃取腰中書刀剗山下三處即飛泉涌出因便辭去忽然不見 括地圖曰負丘之山上有赤泉飲之不老神宮有英泉飲之眠三





百歲乃覺不知死 十洲記曰瀛洲有玉膏山出泉如酒味名爲玉酒


**詩**北齊劉逖浴湯泉詩曰驪岫猶懷玉新豐尚有家神井堪銷癩溫泉足蕩邪紫苔生石岸黃沫攤金沙振衣珠未已翻然停使車

**賦**後漢張

衡溫泉賦曰陽春之月百草萋萋余在遠行顧望有懷遂適驪山觀溫泉浴神井風中巒壯厥類之獨美思在化之所原覽中域之珍無斯水之神靈控湯谷于瀛洲濯日月乎中營隆高山之北延處幽屏以閒清於是殊方交涉駿奔來臻士女睇其鱗萃紛雜遐其如細 晉傅咸神泉賦序曰余所居庭前有涌泉在夏則冷沙冬而溫溫則水物冬生冷則冰可以過每夏遊之不知歲之有暑耳惟茲神泉厥理難原在冬則溫既夏而寒混混洋洋載清載灑遂乃坵以文石樹之柳杞家華雲覆重陰蔽止氣冷冷以含涼風蕭蕭而恒起于時沐明紀運旭日馳光鬱鬱隆暑赫赫太陽盟玉體於素波身妻焉而自清不知天時之有暑忽謂繁霜之墮庭逮至曼秋既逝司寒聘節六合蕭條嚴風凜冽河洛輟流太陰凝結彼澄澄而含凍此灼灼而含熱綠竹倚倚蒼苔青者是託斯茂見殖斯榮


**周王襄**

溫湯碑曰原夫二儀開闢雷風以之通響五材運行水火因而並用炎上作苦既麗純陽之德潤下作鹹且協凝陰之度至於遷陵熱溪沉魚涌浪炎洲燒地穴鼠含煙火井飛泉垂天遠扇焦源沸水衝流迸集甘川浴日跳波邁椒立之野湯谷揚濤激水疾龍門之箭故以地伏流黃神泉愈疾云云其銘曰挺此溫谷驪岳之陰自礬上徹丹沙下沉華清駐老飛流瑩心谷神不死川德愈深 周庾信溫湯碑曰咸池浴日先應綠甲之圖砥柱浮天始受文夷之命仁則滌蕩埃氛義則激揚清濁勇則負山餘力弱則鷓毛不勝仲春則榆莢同流三月則桃花共下其色變者流爲五雲之漿其味美者結爲三危之露煙青於銅浦色白於鈇溪非神鼎而長沸異龍池而獨涌灑胃滌腸與巖起瘡秦皇餘石仍爲鴈齒之階漢武舊陶即用魚鱗之瓦山間湧水實表忠誠室內江流彌彰純孝豈若醴泉消疾聞乎建武之朝神水蠲痾在乎咸康之世嵩岳三仙之館不孤擅於天池華陰百丈之泉豈獨高於蓮井



說文曰湖大陂也楊州浸有五湖水澤所仰以溉灌也 越絕書曰太湖  
 周三萬六千頃 神異經曰北方荒外有石湖其水 淮南子曰夫歷  
 陽之郡一夕反而為湖歷陽淮南國名昔有老嫗常行仁義有兩書生過  
 之謂曰此國當沒為湖視東城門閭有血便走上山勿反顧也自爾此嫗  
 數往視門閭吏問之嫗對如其言暮門吏殺雞以血塗門明日嫗早往視  
 門血便走上山國沒為湖 風俗通曰越滅吳范蠡乘舟於五湖 語林  
 曰褚公與孫綽遊曲阿後湖狂風忽起舫欲傾褚公已醉乃曰此舫人皆  
 無可以招天謹者唯有與公多塵滓正當以厭天欲耳便欲捉擲水中孫  
 綽無計唯大啼曰季野卿念我 述異記曰栢冲為江州刺史乃遣人周  
 行廬山冀觀靈異既陟崇巖有一湖匠生桑樹有大羣白鶴湖中有敗扁  
 赤鱗魚 劉道真錢塘記曰明聖湖在縣南去縣三里父老相傳湖有金  
 牛 鄭緝之東陽記曰北山有湖故老相傳云其下有居民曰徐公者常  
 登嶺至此處見湖水湛然有二人共博於湖間自稱赤松子安期先生有  
 一壺酒因酌以飲徐公徐公醉而寤其側此醒不復見二人而宿草積焉

其上家人以為死也喪服三年服竟徐公方及令其處猶為徐公湖 裴  
 氏廣州記曰廬山頂有湖廣數頃有楊梅山桃止得於上飽漱不得持去  
 秦州記曰武都山前有湖冬夏無增減義熙初有白龍於此湖升天 鄧  
 德明南康記曰平固縣覆笥山上有太湖周數十里靈異其物皆不可識  
 又有石鴈浮在湖中每至秋天石鴈飛鳴如候時也 風土記曰陽美縣  
 東有大湖中有包山山下有洞穴港行地中云無所不通謂之洞庭地脉  
 也 荆山記曰巴陵南有青草湖周迴百里日月出沒其中湖南有青草  
 山故因名 晉李顛涉湖詩曰旋經義興境弭棹石蘭渚震澤為河  
 在今唯太湖浦圍徑繁五百里目須無觀高天祿若岸長津雜如縷 宋  
 孝武游曲阿後湖詩曰宵登毗陵路巨過雲陽郭平湖曠津濼渚迭明  
 蕪和風翼歸采夕氣晦山嶺驚瀾灑魚藻相霞照桑榆 宋謝靈運石壁  
 還湖中作詩曰昏旦變氣候山水含清暉暉暉能娛人遊子澹忘歸出谷  
 日尚早入舟陽已微林密欲暝色雲霞收夕霏支荷迭映暎蒲稗相因依  
 披拂趨南逕愉悅偃東扉 宋謝惠連汎南湖至石帆詩曰軌息陸塗初



TIFFEN Color Control Patches


© The Color Company, 2007

柷鼓川路始連漪繁波漾參差層峯峙蕭疎野趣生逶迤白雲起登陟苦  
跋涉躡窮樂心耳即翫翫有竭在與與無已梁元帝泛蕪湖詩曰桂潭  
連薊岸桃李蹊成蹊石文如濯錦雲飛似散桂橈度菱根及舫去苻枝佞  
颿隨迎雨鶯鼓逐伺潮雞梁范雲治西湖詩曰史氏導漳水西門漑河  
潮岳始未能悅克終良可要擁鍾勸年首提爵勞春朝千臯草色嫩通林  
鳥聲嬌已集故池鴛行時新田苗何吁忝桑苦方躡魚稻饒陳陰鏗渡  
青草湖詩曰洞庭春溜滿平湖錦帆張源水桃花色相流杜若香穴去茅  
山近江連巫峽長帶天澄迥碧映日動浮光行舟逗遠樹渡鳥息危檣滔  
滔不可測一葦詎能航陳劉刪汎宮亭湖詩曰廻艫乘派水舉帆逐分  
風澆養疑無際飄揚似度空隋烏桎路船影没河宮孤石滄波裏匡山  
苦霖中寄言于金子安知黃平蓬吳楊杲五湖賦曰乃天地之玄源  
陰陽之所徂上侑箕子之昔與雲漢乎同樓受三方之灌溉爲百川之巨  
都居揚州之大澤苞吳越之具陳南與長江分體東與巨海合流太陰之  
所盛安靈之所遊追湖水則往還蓬萊與瀛洲爾乃詳觀其廣深之所

波

極延袤之規方邈乎浩浩滄乎洋洋西合乎濛汜東苞乎扶桑日月於是  
出入與天漢乎相望左有苞山連以醴濱宇鎮崔嵬穹窿紆曲右有平原  
廣澤萼苑旁薄原隰陂阪各有條格茹蘆葵亂隱軫有錯街風之所去零  
雨之所薄

毛詩曰彼澤之陂有蒲與荷史記曰高祖母曰劉媪常息大澤之陂夢  
與神遇事具帝淮南子曰譬若同陂而溉田其愛水均也續漢書曰郭  
泰入汝南交黃叔度至南州先過袁高不宿而去從叔度累日或以問  
泰泰曰袁奉高之器譬諸軌濫雖清而易挹也叔度之器汪汪若萬頃之  
陂澄之而不清混之而不濁不可量也魏略曰明帝出次摩陂有龍見  
於井中帝出觀因改摩陂爲龍陂漢宮殿疏曰鴈鶩陂蓋地六頃承昆  
明池下流抱朴子曰葛仙公每飲酒醉常入家門前陂水中臥竟日乃  
出汝南先賢傳曰鄭敬去吏隱居于蟻陂之陽以漁釣自娛彈琴詠詩  
常方坐於陂側襄陽耆舊記曰宜城縣東北角有尉斗陂魏文帝



於玄武陂作詩曰兄弟共行遊駢車出西城野田廣開關川渠互相經黍  
稷何鬱鬱流波激悲聲菱芡覆綠水芙蓉發丹榮柳垂重陰綠向我池邊  
生乘者望長洲羣鳥謹譁鳴萍藻之濫浮澹澹隨風傾晉張載洪池陂銘曰開源東注出自城池魚鼈藏殖木鳥盈涯菱藕狎鴉稻連畦漸臺中起列館參差惟木泐泐厥大難訾

池

毛詩曰東門之池可以漚麻

又曰王在靈沼於物魚躍

沼池六韜曰駁

君喜爲酒池迴船糟丘穆天子傳曰天子西征至于玄池天子三日休

于玄池之上乃奏廣樂而歸是曰樂池又曰天子觴西王母于瑤池之

上西王母爲天子謠樂部其韓詩外傳曰齊景公出弋昭華之池也漢書

曰賈山奏事吳王曰吳有諸侯之位而實富於天子游曲臺臨上路不如

朝夕之池深壁高壘副以闕城不如長江之固江淮之險又曰太液池

中有蓬萊方丈瀛洲象神山也魏志曰黃初三年穿靈芝池逸士傳

曰亮讓天子於許由許由逃巢父聞之而洗耳於池顧子曰與子寧處

東池子華曰水有四德池爲一焉沐浴羣生澤流萬世仁也揚清激濁滌

蕩塵穢義也弱而難勝勇也導江疏河變盈流謙智也顧子曰我得女於

池上矣華陽國志曰滇池縣有澤水周迴二百里所出深廣下流淺狹

似如倒流故俗曰滇池長老傳信池中有神馬與家馬交則生駿駒世稱

滇池駒日行五百里襄陽記曰峴山南習有大魚池依范蠡養魚澤種

椒芙蓉菱芡山季倫每臨此池輒大醉而歸恒曰此我高陽池也城中小

兒歌之曰山公何所往來至高陽池日夕倒載歸酩酊無所知王羲之

書云張芝臨池學書池水盡黑寡人耽之若是未必後之事具藝文類聚續述征

記曰大梁西南七十里尉氏縣有蓬池梁州記曰明月池南二里有七

女池詩魏文帝芙蓉池詩曰乘簾夜行遨道遙步西園雙采相濯漑嘉

木繞通川甲枝拂羽蓋條摩蒼苔丹霞夾明月莖星出雲間遨遊快心

意保已終百年魏陳王曹植詩曰逍遙芙蓉池翩翩戲輕舟南陽栖雙

鷓比柳有鳴鳩梁武帝首夏泛天池詩曰薄遊朱明節泛漾天淵池舟

楫互容與藻蘋相推移碧吐紅茵苗白沙青漣漪新枝拂舊石殘花落故



池葉軟風易出草密路難披 梁簡文帝山池詩曰日暮芙蓉水聊登鳴  
鶴舟飛艦飾羽珥長幔覆綈細停輿依柳息住蓋影空留古樹橫臨沼新  
藤上挂樓魚游向閣集戲鳥逗楂流 梁庾肩吾山池應令詩曰闌苑秋  
光暮金塘收潦清荷低芝蓋出浪湧鷺舟輕逆湍留棹唱帶谷聚茄聲野  
竹交臨浦山桐迴出城水逐雲峯閣寒隨殿影生 梁王臺卿山池詩曰  
歷覽周仁智登臨歡豫多穿渠引金谷關道出銅駝長橋時跨水曲閣乍  
臨波巖風生竹樹池香出芰荷石幽銜細草林末度橫柯 梁鮑至山池  
詩曰望園光景暮林觀歇秀埃荷跡不礙橫石淺好繁苔風花逐榜轉山  
望向橋開樹交樓影没岸暗水光來 後魏溫子升春日臨池詩曰光風  
動春樹丹霞起暮陰嗟嗚嗚連壁飄飄下散金徒自臨濠渚空復撫鳴琴  
莫知流水曲誰辨游魚心 周庾信奉和山池詩曰樂官多暇豫望苑暫  
迴輿鳴笳陵絕限飛蓋鷹通渠柱亭花未落桐門葉半疎荷風驚浴鳥橋  
影聚行魚日落含山氣雲歸帶雨餘 又晚讌昆明池詩曰春餘足光景  
趙李舊經過上林薶薯細新豐酒泛多小舡行釣鯉新盤待摘荷蘭皋徒

稅駕何處有凌波

又奉和初瀆池成清晨臨泛詩曰千金高堰合有

凌波問磯逢積草浪更識昆明 明仄虎嘯風還急雞鳴潮即來時看青雀舫

遙逐貴舟迴 周王褒玄圃池詩曰長洲春水滿臨汎廣川中石壁如

明鏡飛橋類飲虹垂楊夾浦紅新桃綠逕紅對樓還泊岸迎波覽守風漁

舟釣欲滿蓮房採半空於茲暗比闕非復坐墻東 又山池落照詩曰竹

館掩荆扉池光晦晚暉孤舟暗荷出輕棹染苔歸浴禽時似翼驚羽忽單

飛 徐陵山池應令詩曰畫舸圖仙獸飛艎挂采笏榜人事金漿釣女飾

銀鈎鉤萍時帶檝低荷乍入舟後啼知谷晚蟬噓覺山秋 又奉和山池


詩曰羅浮無定所鬱鳥屢遷移不覺因風雨何時入後池樓臺非一勢臨

翫自多奇雲生對戶石後挂入欄枝 陳陰铿經豐城劍池詩曰清池自

湛淡神劍久遷移無復連星氣空餘似月池夾篠簷深淥含風結細漪唯


有蓮華草遠想匣中雌 隋江惣秋日昆明池詩曰玄沼蕭條望遊人意

緒多終南雲影落渭北雨聲過蟬噪金堤柳鶯飲石鯨波珠來照似月織  
處寫成河詎知臨水歎非復採蓮歌 隋薛道衡遊昆明池詩曰霸陵因



靜退靈沼暫徘徊新舫木蘭機舊宇豫樟材荷心宜露泣竹徑重風來魚  
潛疑刻石沙闢似沉灰晉張載濼池賦曰麗華池之湛淡開重環  
以停源激通渠於千金承灑洛之長川挹洪流之注濺包素瀨之寒泉既  
乃北通醴泉東入紫宮左面九市右帶闕風周甍建乎其表洋洋波廻乎其  
中幽澹傍集潛流獨注仰承河漢吐納雲霧緣以采石殖以嘉樹水禽育  
而萬品珍魚產而無數蒼苔汎濫脩條垂幹綠葉覆水玄蔭珍岸紅蓮輝  
而秀出繁葩絕以幽爛遊龍躍翼而上征翔鳳因儀而下觀想白日之納  
光觀洪暉之皓盱於是天子乘玉輦時數遊排金門出千秋造綠池鏡清  
沉翳華蓋以逍遙攬魚釣之所收織緒挂而鱸鮪來芳餌沉而鯁鯉浮豐  
駉踰於巨壑信可樂以忘憂晉郭璞鹽池賦曰水潤下以作鹹莫斯鹽  
之最靈傍峻岳以發源池茫爾而海萍嗟玄液之潛洞兔莫知其所生狀  
委醜其若漢流漫漫以添添吁繫繫以祭祭色隔然而雪朗揚赤波之煥  
爛光盱盱以晃晃隆陽映而不熯洪沃沃而不長磊崔嵬確鑿鏗鏘碁方玉  
潤膏津雪白凌罔祭如散如煥如布如璋爛然漢明晃耀震赤望之絲承即

之雪積翠塗內映頰液外暴動而心慙生損而滋益若乃前海鏤泉或東或  
漣所瞻不過一鄉所管不過鍾斛公茂見軫於西隣火井檀奇乎巴濮豈  
若茲池之所產帶神邑之名嶽吸靈潤於河汾摠膏液乎滄漣宋謝莊  
悅曲池賦曰北山兮黛栢南谿兮頽石頽岸兮若虹黛樹兮如畫暮雲兮  
十里朝霞兮千尺步東池兮夜未兮八臥西窻兮月向山引一息於窻內擾  
百緒於眼前隋江惣芳林園玉潤池銘曰歲久執徐月維大呂爰命  
梓匠廣脩舂錘標置舊趾開浚甘其坐東西瀟望雲霧之所澄滄南北紆紫  
虹霓之所引曜曉川漾壁似日御之在河宿夜浪浮金景月輪之馳水府  
前瞰萬雉列榭參差却拒三襲危巖聳峭疎鳥異禽自學歌舞神不靈丹  
不知搖落但叔皮覽海序螭蛟之泛濫吉甫臨舟美煙松之蒼苴尚復著  
在吟詠緘彼緹細况我君門盛事未紀諺頌特詔謹製銘石云溝瀆密蘭  
渚湖平九華閣道百丈層盤液搖殿色殿寫波明晉江追諫鑿北池  
表曰伏承當鑿北池及立閣道雖缺阨陋！用功其微又役不擾民賦不  
及外至簡至約誠不可加然於愚懷實有眷眷





谿

卷之六

爾雅曰水注川曰谿山瀆無所通曰谿 管子曰桓公北征孤竹至卑耳  
 之谿武部俗說曰郗僧施青溪中洗到一曲之處輒作詩一篇謝益壽見  
 詩笑曰青谿之曲復何窮盡 武昌記曰樊山東有小谿夏時懷袖恒有  
 寒氣故謂之寒谿 裴氏廣州記曰管谿周圍丈餘水極沸涌如猛火煎  
 油聲 荆州記曰鄖縣北五十里有菊谿源出縣西北五十里石澗山東  
 南流會專水兩岸多甘菊 咸弘之荆州記曰桂陽郡西南宿山水出注  
 大谿號曰橫谿水甚深冬夏不乾俗謂之倉泉飲者輒冒於財賄 詩梁  
 任昉泛長谿詩曰徇祿聚歸糧依隱謝羈勒絕物甘離羣長懷忽去國長  
 谿水東舍震區窮水域道遇垂綸叟聊訪問津惑弭楫申九言無爲累牽  
 纏長泛滄浪水平明至曛黑 又落日汎舟東谿詩曰踟躕桑柘繁凡凡  
 麻麥盛交柯谿易陰反景澄餘暉於吾生雖有侍樂天庶知命不學梁甫吟  
 唯識滄浪詠田荒我有役秩滿小謝病宋謝靈運長谿賦曰潭結綠  
 而澄清顏揚白而戴華飛急聲之悲泪散輕文之連羅始鏡底以如玉終  
 積崖而成沙

谷

爾雅曰水注谿曰谷 毛詩曰葛之覃兮施于中谷維葉萋萋 又曰伐  
 木丁丁鳥鳴嚶嚶出自幽谷遷于喬木事與鳥部又曰皎皎白駒在彼空谷  
 老子曰谷得一以盈谷無以盈將恐竭 韓子曰昔齊桓公入山問父老  
 此爲何谷谷荅曰臣舊畜牛生犢以子買駒少年謂牛不生駒遂持而去傍  
 鄰謂臣愚遂名爲愚公谷說苑又載事與人部謝靈運詩外傳曰孔子南遊適楚至於  
 阿谷之隧有處子佩璜而浣者孔子抽篲以授子貢曰以觀其辭 劉向  
 別錄曰方士傳言鄒衍在燕燕有谷地美而寒不生五穀鄒子居之吹律  
 而溫氣至而穀生今名黍谷 漢武故事曰上微時行至相谷舍於逆旅  
 逆旅翁罵之因從乞漿翁曰止有溺無漿也 博物志曰夏桀之時爲長  
 夜官於深谷之中男女雜處三旬不出聽政其後大風揚沙一夕填此谷  
 周景式廬山記曰石門是一大谷谷中有脩林萬頃偉木千尋日月之光  
 罕照焉 戴延之西征記曰梓澤去洛城六十里梓澤金谷也中朝賢達

五十六

所集賦詩猶存是石崇居處賦晉胡濟湮谷賦曰嘉高崗之崇峻兮臨玄谷以遠覽仰高丘之崔嵬兮望清川之澹澹爾乃涉重險陟榛薄倚春木臨幽壑深谷豁以窈窕高峯鬱而峩峩

澗

釋名曰澗澗也言在兩山間也 說文曰澗山夾水也從水間聲也 爾雅曰山夾水曰澗 韓宣子曰董安子爲趙上地守行右阜山見深澗峭如墻深百仞問其鄉左右曰人嘗有入此乎曰無有有嬰兒狂聾人入此乎曰無有有牛馬犬入此乎曰無有安子歎曰吾能治矣使吾法之無改猶入澗之必死則民莫之犯也 漢書曰沛公與項籍臨廣武澗而語數籍以十罪 石崇金谷序曰余有別廬在河南界金谷澗中或高或下有清泉茂樹衆果竹木草藥之屬 異苑曰符堅爲慕容冲所襲堅馳驅馬墮而落澗追兵幾及計無由出馬所踟躕臨澗垂控與堅堅不能及馬又跪而授焉堅援之得登岸而走 梁劉孝威賦得曲澗詩曰澗流急易轉溪竹間難開近樓俄已失前川夕復廻石岸生寒蘚沉根清水若菱舟 失道去歸鳥迷逕來 宋徐謨華林北澗詩曰惣長潭兮拈遠源下沉澗兮起輕泉迴溪淺兮曲沼阻衝波激兮瀨淺淺貫九谷兮積靈芝飛清澗兮潔澄連

浦

說文曰浦水濱也 風土記曰大水小口別通爲浦 楚辭曰出澗浦而遭迴 又曰望美人兮南浦 述征記曰與浦舊魏步道 吳楊水灌之今絕道爲浦 顧微廣州記曰溪浦口有浦母養龍裂斷其尾因呼龍掘人時見之則土墮天豐而利涉也 劉楨京口記曰縣城東南大路過長堙五里得屠兒浦者昔諸屠兒居此小浦因爲名也 伏滔北征記曰廣陵西一里水名公路浦表街自九江東奔袁譚於下邳由此浦渡因名也

梁丘遲巨蔡魚浦潭詩曰魚潭霧已開赤亭風未颺權歌發中流鳴鸞響香暗村蓋葱桐叢野老時一望詭怪石異象危絕峰珠狀森森

蘇軾游沙灘藤華亭異陟崖傾嶼難傍 宋王弘廣陵前浦開





表曰伏聞唐陵前浦榛蕪歷久近復開除清涼處遠合明內鑿瑞以敷政  
象以類應夫如是者聖澤廣懷可俾屬而須矣

渠

史記曰韓聞秦之好與事欲罷之無令東伐乃使水工鄭國間說秦令鑿  
涇水自中山西抵鞏口爲渠並比山東注路三百里欲以溉田中作而覺  
欲殺鄭國鄭國曰始臣爲間然渠成亦秦之利也卒使就渠渠就而用注  
四萬餘頃收皆畝二鍾於是關中爲沃野秦以富強因命曰鄭國渠 漢  
書曰振掖郡有千金渠 地理書曰秦陽有浪蕩渠 後漢蔡邕京北  
樊惠渠頌曰洪範八政一曰食周禮十職一曰農生民之本於是乎出豈  
殖財用於是乎在陽陵縣東厥地汙泥嘉穀不殖光和五年京兆尹樊君  
勤恤民隱乃命立新渠繫之毒田化爲甘壤相與謳談斐然成章謂之樊  
惠渠其歌曰我有長流莫或閔之我有溝澮莫有達之田疇斥鹵莫修莫  
治飢饉困瘵莫恤莫思

井

歐弘之荊州記曰隨郡北界有九井井傳神農既育九井自穿又云浚一  
井則衆井水皆動 又曰江陵縣東北十里天井臺東臨天井井周迴二  
里許中有潛室人時見之輒有兵寇 戴延之西征記曰太極殿上有金  
井金博山鹿盧交龍負山於井上有金師子在龍下 潯陽記曰益城灌  
嬰所築孫權經此城自標井地令人掘之正得故井銘云穎陰侯所開云  
三百年當塞塞後不滿百年當爲應運者所開權忻悅以爲己瑞井甚深  
大江中風浪此井輒動常當之 嵩高山記曰少室山有雲母井 異物  
志曰廬陵城中有一井中有二色水半青半黃黃者灰汁取作糜粥皆作  
金色土人名灰汁爲金因名爲金井 異苑曰句容縣有延陵季子廟廟  
前井及漬恒自涓沸故曰沸井于今猶然 又曰臨邛有火井漢室之隆  
則炎井彌熾暨桓靈之際火勢漸微諸葛亮一職而更盛 梁范雲詠  
井詩曰乃鑿長林曲有淩巖庭前即源以爲浪因方自成圓兼冬積溫水  
疊暑必寒泉不甘未應竭既涸斷來翻 又悲故井詩曰因舊未嘗改緣  
甘故先竭歷稔久無禽一朝見開渠泌泉既斯涌短綆將安設 晉郭

璞井賦曰益作井龍登天鑿石土洞黃泉潛源存溱滴澗有洧爾乃冠玉  
檻梵鱗錯鼓鹿盧揮勁索飛輕祛之續紛手爭鶩而乎弱長縲委地以曾  
繁瑤雍龍騰而灑激乃回澄以靜映狀固然而鏡灼挹之不損停之不溢  
莫察其源動而愈出信潤下而德施壯邑移以不改獨星陳於丘墟兮越  
百伐而猶在守虛靜以玄澹兮不東流而注海 晉孫楚井賦曰若行潦  
之滓濁靡清流以自娛乃喟爾而有感幸隣左之數夫脉厥土以興作登  
甘醴於玄虛渴人來翔行旅是賴輟耕息肩不期而會沉黃李淳朱奈雜  
狸首之班如飛清塵以泚汰枕玄石以盥嗽喜邀怡以緩帶 晉江迥井  
賦曰穿重壤之十仞兮構玉甃之百節管之不日既汲既湛滂流炤炤寒  
泉列冽挹之不損澹之不充納而不虞其有興而不墮其豐先王借象以  
辨義君子擬淡以自緩神龍來蟄以育鱗列仙一嗽而雲飛 晉下敬  
宗溝井贊曰爰有濛井冽彼下泉引流重壤合耀青天蘊甘澄潔湛爾終  
年圖象懷測窺且嘉荃 後漢李允井銘曰井之所尚寒泉冽清法律  
取象不繁自平多取不損少汲不盈執憲若斯何有邪傾

水

勿坤卦曰初六履霜堅冰至象曰履霜堅冰至陰始凝也 毛詩曰誕真  
之寒水鳥攬翼之 又曰二之日鑿冰沖沖三之日納于陵陰二日夏之  
十二月三日夏之正月鑿取水沖沖聲貌陵陰冰室也 漢書曰晁錯上  
書曰夫胡格之地積陰之處也木皮三寸水厚六尺 孫盛雜語曰王祥  
字休徵性至孝後母苛虐欲危害祥祥色養無怠感寒之月後母曰吾思  
生魚祥脫衣將剖冰求之有少處氷解下有魚出因以奉養 楚辭曰魂  
兮歸來北方不可以止增冰峩峩飛雪千里 鄧析書曰明君之御民若  
乘奔而無轡履水而負重也 孫卿子曰水生於水而寒於水 淮南子  
曰見一葉之落知歲之將暮脂瓶中之水而知天下之寒以近諭遠也  
左傳曰古者日在北陸而藏冰西陸朝靚而出之其藏冰也深山窮谷固  
陰泮寒於是乎取之 老子曰渙若水將釋 史記曰周紀曰姜嫄爲帝  
嚳元妃出里見巨人跡而履之身動如孕暮而生子以爲不祥弃於水之  
上鳥以翼覆薦之 論衡曰夫糞一炬火燻一鑽水終日不熱也倚一尺



水置庖厨中終夜不寒也何則微小之感不能動大也今鄉衍之嘆不過如  
一炬尺水而皇天巨大不徒鑊水庖厨也一夫仰嘆天爲降霜何天之易  
感霜之易降也 吳越春秋曰越王念吳欲復怨非一曰也苦思勞心夜  
以接日冬寒則抱冰夏熱則握火愁心苦志懸膽於戶出入嘗之不絕於  
口 魏子曰危殆之國治不益之民是猶薄冰當白日聚毛過猛火也


博物志曰削水令圓舉以向日以艾承其影則有火出東晉集曰君聞薄  
水凝池非登朝之寶零露垂林非綴冕之飾必將採芣薢於層山探圓珠  
於重泉也

晉顧凱之水賦曰激厲風而貞質仰和景而融暉清泠離  
之光徹遶雲英之嶽巍爾乃連綿絡幕乍結乍無義剛有折照臺則虛託  
形超象比朗玄珠若乃上結薄暎下鏡長泉靈葩隨流含馨揚鮮 晉庾  
峻水井賦曰嘉隆陽之博施美天地之廣宣萬物雜而無越不易類以相  
干或專陽負暑或固陰互寒奎雖殊而同歸信協德而俱延於是孟冬之  
月寧陰畢升霜雪紛其交淪流波結而成凌啓南壙之重隄將却熱以藏  
水納速官之速宇靜幽炎以清微抱堅精之玄素發川靈而長疑於是寒

往暑來四時代序帝將攘患炎災是禦爾乃携我同類援我蒸徒將涉寒  
藪害氣是除攀靈艦而增舉爰自託於城隅仰瞻重構俯臨穴妻清驚  
冷感發栗烈餘寒嚴悴凄若霜雪 梁沈約謝勅賜冰啓曰竊唯司寒  
輒響眇目前代凌室曠官歷茲永久聖聖功闡物逸典備窮深既採園池  
靡用有籍羔秬無災霜雹

津

說文曰津水渡也濮小津也 論語曰長沮桀溺耦而耕孔子過之使子  
路問津焉長沮曰夫執輿者爲誰子路曰孔丘曰是知津矣 列女傳曰  
趙簡子南擊楚津吏醉臥不能渡簡子召欲殺之津吏女子持幟而前曰  
妾父聞君東渡不測之水恐風波之起故禱九江三淮之神不勝巫祝杯  
酌餘瀝醉至於此妾願以鄙軀易父之死簡子將渡少一人乃備負持幟  
遂與渡中流發激棹之歌簡子悅以爲夫人 續漢志曰河東大陽縣有  
茅津北屈縣有採桑津 後漢李尤孟津銘曰洋洋河水赴宗於海經  
自中州龍圖所在黃函白神赤行以信昔有周武集會孟津魚入王舟乃




往克殷

橋

說文曰橋水橋也東楚謂橋爲圯 紀年曰周穆王三十七年伐楚大起九師至於九江比鼃鼃爲梁 燕丹子曰燕太子丹質於秦秦王遇之無禮乃求歸秦王爲機發之橋故以陷丹丹過之無虞 戰國策曰豫讓欲爲智伯報讎趙襄子當出伏於橋下至橋馬驚曰必是豫讓也求之果是史記曰秦昭王四十九年初作河橋 又曰文帝行出中謂有一人從橋下走出乘輿馬驚使騎捕之屬廷尉廷尉張釋之治問曰縣人來聞蹕匿橋下見車騎即走耳張廷尉奏一人犯蹕當罰金漢書亦云具官轡部 黃圖曰秦始皇兼天下都咸陽端門四達以則紫宮渭水貫都以象天漢橫橋南渡以法牽牛 論衡曰高麗國有侍婢自云有氣如鷄子來下我故有身後生子曰東明東明善射王恐害其國欲殺之東明走至掩水以弓擊水魚驚浮而爲橋梁事載魏畧亦具餘介部 蘇子曰微生與婦人期不來水至抱梁柱而死誠詐王隱晉書曰杜豫啓建河橋字富平津衆論以爲周所都經聖

而不作者必不可作故也豫曰昔造舟爲梁則河橋之謂也遂作橋成上從百官臨會舉杯勸豫曰非君橋不立也 豫荅詔曰非陛下之明臣亦不獲奉成聖制也衆咸稱善 梁簡文帝賦得橋詩曰浮梁旣衝輪通波信可陵乘空寫渭石跨岸擬河米斜闌隱濁霧布影入清澗方知歌綠水無待掬蒼鷹 又詠壞橋詩曰虹飛亘林際星渡斷山隅斜梁懸水跡畫柱脫輕朱 又石橋詩曰惠子臨濠上秦王見海神寫虹虹便欲飲圖星逼似真 梁蕭若靜石橋詩曰連延過絕澗迢遞跨長津已數逢仙客兼曾度僞人 梁徐擗壞橋詩曰匝欄生閨薛覆版沒魚衣岸曲斜梁咀何時香步歸 周庾信看治渭橋詩曰大夫叅下位司職渭之陽富平移鐵鑊甘泉運石梁跨虹連絕岸浮龜續斷航洲鸚鵡色流水桃花香 周王褒和治渭橋詩曰東流仰天漢南度似牽牛長堤通角道飛梁跨造舟使老開金堰太守擁河流廣陵侯濟水荆峽望陽侯波生從故舶沙漲漏新洲天星識辯對揜玉應沉鉤 陳陰鏗賦得渡岸橋詩曰畫橋長且曲俯嶺復憑流寫虹晴尚飲圖星畫不收跨波連斷岸接路上危樓欄高荷不



及池清影自浮何必橫南渡方復似牽牛 太宗文皇帝賦得浮橋詩曰  
曲听非千里橋斜異七星斲低逢壑度還高值浪驚水搖文鷁動纜轉錦  
花繁遠近隨輪影輕重應人行 梁庾肩吾石橋詩曰秦王金作柱漢帝  
王爲欄仙人飛往易道士出歸難 張文瓘賦橋詩曰造舟浮渭日鞭石  
表秦初星文遙瀉漢虹勢尚凌虛已授文成履空題武騎書別有臨濠上  
樓偃獨觀魚 後周宗羈登滑橋詩曰仲山朝飲馬還坐滑橋中南瞻臨  
別館比望盡離官四面衣裾合三條冠蓋通蘭香想和季雲起憶成公圯  
上相知早雞鳴幸共同

藝文類聚卷第九

藝文類聚卷第十

符命部

符命

渤海歐陽

論

撰

春秋潛潭巴曰里社鳴此里有聖人其响則百姓歸之社里之君也鳴則  
之响也春秋合誠圖曰堯毋慶都出觀三河奄然陰風赤龍與慶都合生  
之怒也 河圖曰湯毋扶都見白氣貫月意感而生湯 春秋元命苞曰殷紂  
之時五星聚於房房者蒼神之精周據而興周起於房而五星尚書中候  
曰季秋赤雀銜丹書入鄴止于昌戶昌拜稽首受最最要也曰姬昌蒼帝子  
又曰呂尚釣磻谿得玉璜刻曰姬受命呂佐佐理也呂氏春秋曰周文王  
時見大赤鳥銜書集于周社文王曰火氣勝故其色上赤 尚書中候曰  
武王發渡于孟津中流白魚躍入王船王俯取魚長三尺有文王字 史  
記曰帝嚳少死有娥氏女簡狄以春分玄鳥至之日祀于高禘有玄鳥遺  
其卵簡狄吞之孕生契爲殷始祖 又曰帝高陽氏元妃姜嫄見大人之  
跡履之欣然若感而生后稷棄之寒冰之上鳥翼覆之又棄之隘巷羊牛



及池清影自浮何必橫南渡方復似牽牛 太宗文皇帝賦得浮橋詩曰  
曲听非千里橋斜異七星斲低逢壑度還高值浪驚水搖文鷁動纜轉錦  
花繁遠近隨輪影輕重應人行 梁庾肩吾石橋詩曰秦王金作柱漢帝  
玉爲欄仙人飛往易道士出歸難 張文瓘賦橋詩曰造舟浮渭日鞭石  
表秦初星文遙瀉漢虹勢尚凌虛已授文成履空題武騎書別有臨濠上  
樓偃獨觀魚 後周宗羈登滑橋詩曰仲山朝飲馬還坐滑橋中南瞻臨  
別館比望盡離官四面衣裾合三條冠蓋通蘭香想和季雲起憶成公圯  
上相知早雞鳴幸共同

藝文類聚卷第九

藝文類聚卷第十

符命部

符命

渤海歐陽

論

撰


春秋潛潭巴曰里社鳴此里有聖人其响則百姓歸之社里之君也鳴則  
之响也春秋合誠圖曰堯毋慶都出觀三河奄然陰風赤龍與慶都合生  
之怒也 河圖曰湯毋扶都見白氣覆月意感而生湯 春秋元命苞曰殷紂  
之時五星聚於房房者蒼神之精周據而興周起於房而五星尚書中候  
曰季秋赤雀銜丹書入鄴止于昌戶昌拜稽首受最最要也曰姬昌蒼帝子  
又曰呂尚釣磻谿得玉璜刻曰姬受命呂佐佐理也呂氏春秋曰周文王  
時見大赤鳥銜書集于周社文王曰火氣勝故其色上赤 尚書中候曰  
武王發渡于孟津中流白魚躍入王船王俯取魚長三尺有文王字 史  
記曰帝嚳少死有娥氏女簡狄以春分玄鳥至之日祀于高禘有玄鳥遺  
其卵簡狄吞之孕生契爲殷始祖 又曰帝高陽氏元妃姜嫄見大人之  
跡履之欣然若感而生后稷棄之寒冰之上鳥翼覆之又棄之隘巷羊牛




國立中央圖書館

乳之又棄之平林之上人收養之為周始祖 又曰高祖毋媪嘗息大澤之阪夢與神遇時雷電晦冥父大公往視見交龍於上已而有娠遂生高祖 又曰高祖被酒夜經豐西澤中令一人行前行前者還報曰前有大地當徑高祖乃前後劔斬地地分為兩道開後人來至地所有一老姬夜哭問之姬曰吾子白帝子化為地當道今為赤帝子斬之因忽不見 漢書曰高祖元年冬十月五星聚于東井從歲星也東井秦分野漢以又曰義取天下之應也又曰孝昭帝時太山萊蕪山南洶洶有數千人聲民視之有大石自立高丈五尺大三十八圍入地深八尺三石為足石立後有白鳥數千集其旁宣帝中興之瑞也 又曰昭帝時上林柳樹斷卧地一朝起立生枝葉有虫食其葉成文字曰公孫病已立 又曰昌邑王問社有枯樹復生枝葉畦孟以為木下民象當有廢改之象公孫氏從民間受命為天子者後宣帝立帝本名病已 隋巢子曰昔三苗大亂天命夏厲於玄宮有大神人面鳥身降而福之司祿益富而國家實司命益年而民不天四方歸之乃克三苗而神民不違 子曰夏桀時天乃命湯於驪宮有神來告曰夏德

大亂往攻之乎必使汝大戡之 又商王紂時周武王見三種曰予既沉濟躬紂于酒德矣汝往攻之乎必使汝大戡之 東觀漢記曰光武帝夜生時有赤光室中盡明皇考異之使卜者王長卜之長曰此善事不可言是歲有嘉禾生一莖九穗長大於凡禾縣界大豐熟因名上曰秀 又曰光武從邯鄲避王郎兵至呼池河導吏還言河水流澌無船不可濟左右皆惶畏為王郎所及上命王霸前往視之實然霸念還言驚眾雖不可渡且臨水正尚可為阻即白曰水堅可渡士眾大喜上大笑曰果妄言也叱至河流澌水合可履彊以囊盛沙布水上乃渡渡未畢數車而水陷也 琴操曰魯哀公十四年西狩新者獲麟擊之傷其左足將以示孔子孔子道與相逢見免而泣抱麟曰爾孰為來哉孰為來哉及袂拭面仰視其人龍顏日角天子奉麟之口須臾吐三卷圖一為赤伏劉季興為王二為周滅天子將終三為漢制造作考經天子還謂子夏曰新主將起其人如得麟者 帝王世紀曰謎人之世有大迹出雷澤華胥履之生庖犧氏於成紀也 又曰神龍感女登於常年生炎帝 又曰電光繞北斗極星照郊





卷之六十一

野感附寶孕二十月生黃帝於壽丘 又曰黃帝時有大星如虹下流華渚女節夢接之意感生少昊 又曰陶唐之世握登見大虹意感生舜於姚墟 又曰脩己山行見流星貫昴意感嫫嫫然又吞神珠薏苡剖圻而生禹 又曰漢昭靈后名含始遊浴池有玉雞銜赤珠出刻曰王英吞此者王含始吞之生高祖 魏氏春秋曰明帝青龍三年張掖郡刪丹縣金山玄川溢涌寶石異圍狀象靈龜立千川西有石馬七其一仙人騎之其一羈絆之其五有形而不善成有王匣開蓋於前有王字玉玦二玉璜一又有麒麟在東鳳皇在南白虎在西犧牛在北馬自中布列南方有字曰大討賈金但取之此司馬氏革運之徵 魏志曰桓帝時有黃星見於楚宋之分遼東殷墟善天文言後五十歲當有真人起於梁沛之間其鋒不可當至是凡五十年而太祖破袁紹天下莫敵矣 吳錄曰孫堅墓上數有光如雲氣五色上屬天下屬延數里父老相謂曰此非凡氣孫氏其興乎 吳書曰孫堅母懷妊夢腸繞吳昌門孫策母懷策夢月入懷懷孫權夢日入懷 晉中興書中宗元皇帝初誕有神光之異一室盡明所藉

如始川 豫章記曰松陽門內有大梓樹大四十五圍舉樹盡枯死永嘉

中一旦忽更榮茂太興中元皇帝果繼大業 庾仲初楊都賦所云苑木

蒼于豫章 郭璞南郊賦云弊梓擢秀于祖邑也宣帝祖為豫章太守故

云祖邑也 臧榮緒晉書曰王廙為鄱陽太守有枯樟樹更生王敦表勸

進中宗曰皓獸應瑞而來臻樟樹久枯而更榮 孫盛晉陽秋曰秦始皇

時望氣者言五百年後金陵之地有天子氣於是改金陵曰秣陵灑北山

以絕其勢秦政東遊以厭之後五百二十六年而中宗即位於江南 又

曰太安中歲鎮辰太白四星聚於牛女之間後中宗即位於楊州也 武

昌記曰孫權獵於樊山見一雉問獵何得荅曰止得一豹雉曰何不擊其

尾忽然不見因為立樊燒廟 徐爰宋書曰武帝夜生有神光之異室內


盡明是夕甘露降于墓樹 又高祖舉目瞻睞常見二龍在焉始尚微小

及貴龍形漸長光色轉明左右侍者亦數見徵異 宋書曰高祖既登祚謂羣臣曰朕始望不至此衆人咸撰辭欲盛稱功德王弘率爾對曰所謂天命求之不可得推之不可去衆皆以為知言 又漢司馬相如封禪文



曰伊上古之初肇自吳穹之生民歷選列辟以迄于秦率邇者踵武述一  
者風聲紛紛戲麋湮滅而不稱者不可勝數也繼昭夏崇號謚略可道者  
七十有二君書曰元首明哉股肱良哉因斯以談君莫盛於唐堯臣莫賢  
於后稷后稷創業於唐堯公劉發跡於西戎文王改制大行越成故軌跡  
夷易易遵也淇恩龐鴻易豐也憲度著明易則也垂統理順易繼也是以  
業隆於樞柞而崇冠于二后未有殊尤絕跡可考於今者也然猶躡梁父  
登泰山建顯號施尊名大漢之德漢蜂涌源泉沕瀟曼羨旁魄四塞雲布  
霧散上暢九垓下泝八埏昆蟲閭澤廻首而內然後囿騶虞之珍羣微麋  
鹿之怪獸導一莖六穗於庖犧閭澤雙脰共軀之獸招翠黃乘龍於沼欽哉符  
瑞臻茲猶以為德薄不敢道封禪蓋周躡魚隕航休之以燎此之為符也  
以登介丘不亦慝乎進讓之道何其爽與於是大司馬進曰陛下仁育羣  
生義征不諱德侔往初功無與二意者泰山梁父設壇場望幸蓋上帝垂  
恩儲社將以慶成陛下謙讓而弗發也契三神之歡缺王道之儀羣臣而  
焉夫脩德以錫符奉符以行事不為進越也故聖王不替而脩禮地祇

款天神勒功中嶽以章至尊皇皇哉斯事天下之壯觀王者之不業不可  
貶也願陛下全之俾萬世得激清流揚微波飛英聲騰茂實前聖之所以  
永保鴻名而常為稱首者用此宜命掌故悉奏其儀而覽焉於是天子沛  
然改容曰俞乎朕其試哉乃遷思迴慮摠公卿之儀詢封禪之事詩大澤  
之博演符瑞之富遂作頌曰自我天覆雲之油油甘露時雨厥壤可遊滋  
液漉漉何生不育嘉穀六穗我稽曷蓄匪唯雨之又潤澤之匪唯徧之我  
祀布護之名山顯位望君之來君乎君乎侯不邁哉般般之獸樂我君圓  
白質黑章其儀可嘉取政穆穆君子之態蓋聞其聲今親其來厥途靡從  
天瑞之徵茲爾於舜虞氏以興濯濯之麟遊彼靈時孟冬十月君徂郊祀  
馳我君與帝以享祉宛宛黃龍興德而升正陽顯見覺悟黎蒸於傳載之  
云受命所乘依類託寓喻以封巒披藝觀之天人之際已交上下相發允  
荅聖王之德競競翼翼故曰於興必慮衰安必思危是以湯武至尊嚴不  
失肅祇舜在假典顧省闕遺此之謂也魏魏傳遐皇初頌云尋盛德以  
降應者顯符于方臻積嘉祚以待期儲鴻施於真人昔九代之革命咸受




天之休祥匪至德其焉昭匪至仁其焉章懿大魏之聖后罔上天之所興  
應靈運以承統排闥闔以龍升據皇象以闡化順帝則以播音邊陽春以  
行施揆四時以立信運聰明以舉善宣柔惠以養人於赫我后邁德如神  
化不暮月令不泆辰於是天地休豫靈祇歡欣嘉瑞雲集四靈九臻甘露  
霏零於宮庭醴泉冬涌於中原白雉素烏丹芝朱魚鱗集羣萃不可勝書  
信應天之美瑞受命之靈符也然後覽公卿之讜議詢百僚之典謨天子  
乃登彫瑩戴羽蓋佩玉鐙鐙鑿聲噦噦拜上皇告受位兆休祚導神氣於  
是建皇初之上元發曠盪之明詔青炎肆赦盪滌瑕穢崇設九賓溥延公  
卿嘉羞千品俎豆充庭金石具懸鐘鼓畢作歌九功舞八佾鴻澤普皇恩  
洽民欲得神望塞後漢傳王命叙曰昔在唐虞之禪列于帝典殷  
周之代叙于詩書天之歷數昭焉著明周篤后稷公劉積德行仁至乎文  
武遂成王業雖五德殊運或禪或征其變化應天與時消息其道一也故  
雖有威力非天命不授雖有運命非功烈不章自我高祖襲唐之統受  
命龍興討秦滅項尤有萬國世祖攘亂奪復帝宇人鬼協謀徵祥煥然皆

順乎天而應乎人也然則帝王之起必有天命瑞應自然之符明統繼  
豐懿之業加以茂德成功賢智之助而後君臨兆民爲神明所保佑永世  
所尊崇未見運敘無紀久勳澤不加於民而可力爭覬覦神器者也豪桀  
見二祖無尺地之階爲專智力乘釁而起不知天祚聖哲帝上自有貞也  
衰哉非徒闇於將來又不考之於既往矣自開闢已來姦維妄動不識天  
命勇如蚩尤強如共工威如夷羿然皆從分橫裂爲天下賊又况淺智小  
才勇不足畏強不足憚未有成資而敢失順視不軌之事也哉夫行潦之  
流不致江海之深丘垤之資不成太山之高魚鼈之類不希雲龍之軌一  
官之守不經天人之變當王莽之末英雄四起而鄧禹耿弇識世祖之福  
祚龐參閻行進其策謀遂荷昔附之任享佐命之寵張玄慕蘇秦蒯通之  
業周旋黨述西說竇融言未及終而梁統已誅之矣禹弁見命祚之非其  
福如彼張玄蔽逆順之理其禍如此審斯二事極舍之分明矣且世祖之  
興有四一曰帝皇之正統二曰形相多異表三曰體文而知武四曰履信  
而好士加以聰明獨斷達於事機發策如神應視遠如見近偏狃首進




摧莽軍百萬之衆，單師獨征，平河北，萬里之功，識鄧隆之將敗，知劉興之必死，然猶乾乾日昃，惓惓采芻，拔吳漢於小尹，擢馬武於行伍，龍功臣以兼國之爵，顯卓茂以非次之位，言語政事，文學之士，咸盡其材，致之宰相，權勇畢力於征伐，搢紳悉心於左右，此其所以成大業也。高祖方娠，有雲龍之表，其始入秦，五星同軌，以茲于東，并在天之符也。世祖之徵符，其詳可聞也。其初育，則靈光鑒于室，隕嘉禾，滋于邑，壤其望，舊廬有火光之異，其渡呼池，有河合之應，西門君惠光識其諱，強華獻符千里，同驗劉歆改名而隕其身，王長錯卦而見吉兆，故王遵謂之天授，非人力也。覽廢興之運，會觀徵瑞之攸祚，審天應之明兆，察人物之所附，念功成而道退，無非次而妄據後之人，誠能昭然遠覽，曠然深悟，孜孜不倦之聞，感忠鄧狀之弘慮，好謀而要成，臨事而知懼，距張玄之邪說，思在三之明數，則福祿衍於無窮，亦世不失其通路矣。漢楊雄劇秦美新曰：上因顯於義皇，中莫盛於唐虞，邇靡者於成周，仲尼不遭，用春秋因斯發言，神明所祚，兆民所託，罔不云道德仁義禮智，獨秦崛起西戎，因喪文宣靈之僭跡，基孝公廢

惠文奄昭，莊至政破從，擅衡并吞，六國塗稱，平皇帝盛，次載儀，韋斯之邪政，馳驚起翦，恬其之用，兵剽滅古文，剖語燒書，弛禮崩樂，塗民耳目，遂流唐漂虞滌，眇蕩周難，除仲尼之篇籍，自勒功業，改制度軌量，咸稽之於秦紀，是以著儒碩老，抱其書而永遜，禮官博士，卷其舌而不談，二世而亡，何其劇歟！帝王之道，競競乎不可離也。夫能貞而明之者，窮祥瑞而昧之者，極妖魘，故若古者稱堯舜，咸悔者，陷桀紂，况盡汛掃前聖，數千載功業，專用己之私，而能享祐者，故會漢祖龍騰，豐沛奮迅，宛葉自武，開與項戮力，咸陽創業，蜀漢發跡，三秦克項，山東而帝天下，捷奉政，慘酷尤煩者，應時獨始，儒林刑辟，歷紀圖典之用，稍增焉，秦餘制度，項氏歸號，雖遠古而猶襲之，是以帝典闕而不補，玉網弛而未張，逮至大新受命，上帝還質，后土顧棟，玄符靈契，雲動風偃，震聲日景，炎光飛響，盈籙天泉之間，乃奉若天命，窮靈極岸，與天剖符，地合靈契，創儀兆，覩萬世貞，燧煌煌，真天子之表也。若夫白鳩丹鳥，素魚斷地，方斯茂矣，是以發秘府，覽書林，遙集乎文雅之園，翔翔乎禮樂之場，胤殷周之夫業，昭唐虞之絕風，懿律嘉量，金




科王修煥燭明耀靡不宜臻振驚之聲充庭鳩鸞之黨漸陪前聖之緒  
布斐流衍而不韞積郁郁于煥哉天人之事盛矣鬼神之望允塞紹少典  
之黃著黃虞之喬帝典闕者已補王綱弛者既張柄燁燁豈不懿哉而  
述前典巡四民迄四岳增封太山廣禪梁甫斯受命者之典業也崇嶽滄  
海通瀆之神咸設壇場望受命之臻焉海外遐方信延頸企踵回面內嚮  
喁喁如也帝者雖勤謬惡可以已乎宜命賢哲作以引一篇以示來人攝  
之罔極令萬世常戴巍巍復栗栗嗷嗷馨香含甘寶鏡純粹之至精聆清和  
之正聲則百工伊弼庶績越熙熙天衢砥地暨斯天下之上則已庶可試  
哉圖後漢班彪王命論曰昔有帝堯之神曰咨爾舜天之歷數在爾躬  
舜亦以命禹暨于稷契咸佐唐虞光濟四海亦世載德至于湯武而有天  
下雖其遭遇異時禪代不同至于應天順民其揆一焉是故劉氏承堯之  
所氏族之世著于春秋唐據木德而紹之始起沛澤則神毋夜號以彰赤  
帝之符由是言之帝王之符必有明聖顯赫之德豐功厚利積累之業然  
後符或通於神明流澤加於生民故能為鬼神所福嚮天下所歸往未見  
運世無本功德不紀而得崛起在此位者也世俗見高祖興於布衣不達  
其故以為適遭暴亂得奮其劍遊說之士至比天下於逐鹿幸捷而得之  
不知神器有命不可以智力求悲夫此世之所以多亂臣賊子者也若然  
者豈徒闇於天道哉又不睹之於人事矣夫餓饉流隸饑寒道路思有短  
褐之襲擔石之蓄所願不過一金終於轉死溝壑何則貧窮亦有命也况  
乎天子之貴四海之富神明之作可得而妄處哉故雖遭罹厄會竊其權  
柄勇如信布強如梁籍成如王莽然卒潤鑊伏鑕烹醢分裂又况公麼不  
及數子而欲闇于天位者乎是故駕寒之乘不騁千里之塗鸞雀之儔不  
奮六翮之用糞枕之材不荷棟梁之任斗筭之子不執帝王之重易曰鼎  
折足覆公餗不勝其任也當秦之末豪傑並起共推陳嬰而王之嬰母止  
之曰自吾為子家婦而世貧賤今卒富貴不祥不如以兵屬人事成少受  
其利不成禍有所歸嬰從其言而陳氏以寧王陵為漢將而母獲於楚有  
漢使來陵母見之謂曰願告吾子漢王長者必得天下子謹事之無有二  
心遂對漢使伏劍而死以固勉之夫以足婦之明猶能推事理之致探禍




福之幾而況大丈夫之事乎是故窮達有命吉凶由人嬰母知廢陵母知  
興此二者帝王之分決矣蓋在高祖其興也有五一曰帝堯之苗裔二曰  
體貌多奇異三曰神武有徵應四曰寬明而仁慈五曰知人善任使加之  
以信誠好謀達於聽受見善如不及用人如用已從諫如順流趨時如響  
起當食吐哺納子房之策拔足揮洗揖酈生之說悟成卒之言斷懷土之  
情高四皓之名割肌膚之愛舉韓信於行陣收陳平於亡命英雄陳力羣  
策畢舉此高祖之大畧所以成帝業也若乃靈瑞符應又可畧聞矣是以  
王武成物而折契呂公覲形而進女秦皇東遊以厭其氣呂后望雲而知  
所處始受命則白蛇分西入關則五星聚故淮陰留侯謂之天授非人力  
也歷古今之得失驗行事之成敗取舍不忒斯位符瑞不周斯度而苟昧  
權利越次妄據外不量力內不知命則必喪保家之主死天年之壽遇折  
足之凶伏斧鉞之誅英雄誠知覺寤寤收陵嬰之明分絕信布之覬覦拒逐  
鹿之孽說審神器之有授貪不可冀無爲二母之所笑則福祿作流于子孫  
天保其永終矣典引後漢班固典引曰陶唐含亂而禪有虞亦命夏后

稷契熙載越湯武股肱既周天乃歸功元首將授漢劉俾其承三季之  
荒木值亢龍之災孽懸象閭而恒文垂彝倫敦而舊章缺高光二聖辰居  
其域赫赫聖漢巍巍唐基沂測其源乃先孕虞育夏甄殷陶周然後宣二  
祖之重光襲四宗之緝熙神靈日照先被六幽仁風翔于海表咸靈行乎  
鬼區咸哉皇家帝世德臣列辟功君百王榮鏡宇宙煥揚富內是以來儀  
集羽族於觀魏肉角馴毛宗於外圍縷緇文館質於郊升黃輝采鱗於沼  
甘露宵零於豐草三足鸞翥於茂樹若乃嘉穀靈草奇獸神禽應圖合諶  
窮祥極瑞者朝夕罔牧日月邦畿卓犖方州美溢乎要荒昔周姬有素雉  
朱鳥玄桓黃髮莫候之事耳君臣動色左右相趨濟濟翼翼峨峨如也啓恭  
館之金膝御東序之秘寶是時聖上固已垂精游神苞舉藝文屢訪羣儒  
俞咨故老與之斟酌道德之淵源鑰覈仁義之林藪以望元符之臻焉將  
紛萬福揚洪暉奮景炎扇遺風播芳烈久而逾新用而不竭汪汪乎丕天  
之大律其曠能亘之哉唐哉皇哉皇哉唐哉詩魏陳王曹植魏德論曰  
元氣否塞玄黃憤薄星辰亂逆陰陽舛錯四海鼎沸蕭條沙漠武皇之興




也。以道凌殘，義氣風發，神戈退指，則妖氛順制，靈氛雲舉，則朝揚播越。唯  
我聖后，神武蓋天，威光佐掃，辰誓北轡，首尾爭擊，氣齊率然。乃電北席卷  
千里，憑乎若崩，獄盱乎若潰，海愠彼鬻，夏蠶爾弗恭，脂我蕭斧，簡武鍊鋒。  
星陳而天運振，耀乎南封，荆人風靡，交益影從，軍蘊餘勢，襲利乘權，蕩鬼  
區於白水，攜矯制乎遐川，仰屬目于條支，睠弱水之滄溟，薄張騫於大夏，  
笑駟騎於邠，連其化之也如神，其養之也如春，柔遠能邇，誰敢不賓，憲度  
增飾，日耀月光，跡存乎建安，道隆乎延康，於是漢氏歸義，顧音孔昭，顯禪  
天位，希唐放亮，上猶謙讓，弗納也發，不世之明詔，薄皇居而弗恭，蹈比人  
之清節，美石戶之高介，義貫金石，神明以興，神祇致祥，乾靈效祐，於是羣  
公卿士，功臣列辟，率爾而進，曰昔文王三分居二，以服事殷，非能之而非，  
欲盡欲之而非，能况天網不禁，皇綱紀紐，侯民非復，漢胡八土，非復漢有，  
故武皇創跡於前，陛下光美於後，蓋所謂勳成於彼，位定於此者也。將使  
斯民播柅，剏殖靈芝，鋤六穰把醴，滋遂乃凱，風廻迴甘露，匝時農夫，詠於  
田，甯織婦吟而綜絲，黃吻之亂含哺而怡，給背之老擊壤而嬉，古維繫乎

赫胥曷若斯之大治乎。于時上宮於春秋，聖德汪濊，奇志妙思，神鑒靈察，  
方將審御陰陽，增耀日月，極禎祥於遐奧，飛仁風以樹惠，旣遊精萬機，探  
幽洞深道，遙之藝兼覽，儒林抗思乎文藻之場，固容與乎道術之彊，畔超  
天路而高時，階清雲以妙觀，將參跡於三皇，豈徒論功於大漢，天地位矣，  
九域清矣，皇化四達，帝猷成矣，明哉元首，股肱貞矣，禮樂旣作，興頌聲矣，  
固將封泰山，禪梁甫，歷名川以祈福，周五方之靈宇，越八九於往素，踵帝  
皇之靈矩，流餘柞於黎蒸，鍾元吉乎聖主。隋李德林天命論曰：有娥玄  
鳥商以興焉，姜嫄巨跡，周以肆焉，邑姜夢帝，隋以興焉，古今三代，靈命如  
一天下之重，不可妄擬，軒初四帝，周餘六王，藉勢因基，自取而不得也。孟  
軻稱仲尼之德，過於堯舜，著述成帝者之事，弟子備王佐之才，墨不代蒼  
泣麟歎鳳，栖栖汲汲，雖聖達而莫許也，蚩尤則黃神抗衡，共工則黑帝就  
敵，項羽誅秦，擅漢宰神州，角逐爭驅，盡威力而無就也，其餘欽起，叛妄何  
足數者，若使四凶執八元之誠，三益懷九巨之志，韓信彭越，深明帝子之  
符，孫述隗囂，妙識真人之出，尉佗，詭歌之類，王謙比獄訟之民，福祿蟬



昭胡可窮也而違天逆物獲罪人神嗚呼此前事之大戒矣誅夷京醜歷  
 代共尤僭逆凶邪時煩獄吏其不戒慎何哉蓋積惡既成心自絕於善道  
 物類相感理必至於誅戮天奪其魄是惡其盈故也大帝聰明羣王正直  
 耳目監於率土賞罰參於國朝輔助一人覆育兆庶豈有食人之祿受人  
 之榮苟藏禍心不殲盡者也必當執法未處其罪司命已除其藉自古明  
 哲慮遠防微位尊而心愈下祿厚而志彌約納寵思之以擢道高守之以  
 恭克念於此則奸回不至謙光滿復義在知幾吉凶由人媛不自作風沙  
 則主雖愚蔽民盡知歸有苗則始為跋扈終而大服漢南諸國見一面以  
 從汾河西將軍率五郡而臣漢故能招信順之功保太山之安也述  
 邨鄆淳上受命迷曰伊上天闡誠自民主肇建曆聽風聲陶唐為盛虞夏  
 受終殷周革命有禪而帝有代而王禪代雖殊大小蘇同於是以漢歷在  
 親赤運歸黃也是故大魏之業皇輶震靈肅清宇內萬邦有截師義翼漢  
 本禮不越飭躬戮力茂亮弘烈樹深根以厚基播醇澤以醴味含光而弗  
 遠戕翼而弗發將俟聖嗣是遂是達聖嗣承統爰宣重光陳錫裕下臣惟

無疆三神宣釐四靈順方元龜介玉應龍粹黃若云魏德據茲以昌爾乃  
 鳴玉陟壇三摺以俟既受休命龍旋鳳峙煌煌碾碾穆穆容止臨下有赫  
 允也天子既踐帝位納璽要綬太常司燎升炮告類珪璋峨峨髦士棣棣  
 踰踰聖躬御策以莅魏觀乎崇功顯顯乎德容信帝者之壯紫天休之所  
 鍾也于時天地咸和日月光精氛祲不作風塵弭清凡在壇場之份舉目  
 平廣庭莫不君臣和德咸玉色而金聲屢有萬機訪謀老成治誥儒墨納  
 策公卿昧旦孜孜夕惕乾乾務在諸萬國敘彝倫而折不若懷遠人混六  
 合之風納于仁壽之門刑錯靡試偃伯靡軍然後乃勒功岱獄升中上玄  
 斯因我皇之大基思心之所存也案魏邨鄆淳上受命述表曰臣聞雅  
 頌作於盛德典謨興於茂功德盛功茂傳序弗忘是故竹帛以載之金石  
 以聲之垂諸來世萬載彌光陛下以聖德應期龍飛在位其有天下也恭  
 已以受天子之籍無為而四海順風若乃天地顯應休徵祥瑞以表聖德  
 者不可勝載鏤平煥顯真神明之所以祚命世之令主也凡自能言之類  
 莫不謳歎於野執筆之徒成竭文思獻詩上頌臣抱疾伏葦作書一篇欲



謂之頌則不能雍容盛懿列伸玄妙欲謂之賦又不能敷演洪烈光揚緝熙故思竭愚稱受命述

藝文類聚卷第十

藝文類聚卷第十

已後俱如書

帝王部

物載帝王

天皇氏

地皇氏

人皇氏

有巢氏

燧人氏

太昊庖犧氏

帝女嫫氏

炎帝神農氏

黃帝軒轅氏

少昊金天氏

顓頊高陽氏

帝嚳高辛氏

帝堯陶唐氏


帝舜有虞氏

帝禹夏后氏

物載帝王

帝王部一

尚書刑德攷曰帝者天號也王者人稱也天有五帝以立名人有三王以正度天子爵稱也皇者煌煌也 春秋演孔圖曰正氣爲帝間氣爲臣秀氣爲人 禮斗威儀曰帝者得其根核王者得其英華霸者得其附枝故帝道不行不能王王道不行不能霸霸道不行不能守其身 管子曰明一者皇察道者帝通德者王謀得兵勝者霸 呂氏春秋曰始生之者天也養成之者人也能養天之所生而爲天子 春秋考耀文曰王者往也神所輸向人所樂歸 春秋繁露曰德俟天地者稱皇帝天祐而子之號



國立中央圖書館 國家中央圖書館 國立中央圖書館 國家中央圖書館 國立中央圖書館 國家中央圖書館 國立中央圖書館 國家中央圖書館



謂之頌則不能雍容盛懿列伸玄妙欲謂之賦又不能敷演洪烈光揚緝熙故思竭愚稱受命述

藝文類聚卷第十

藝文類聚卷第十

已後俱如書

帝王部

物載帝王

天皇氏

地皇氏

人皇氏

有巢氏

帝王部

燧人氏 太昊庖犧氏 帝女嫫氏 炎帝神農氏

黃帝軒轅氏 少昊金天氏 顓頊高陽氏

帝嚳高辛氏 帝堯陶唐氏 帝舜有虞氏

帝禹夏后氏


物載帝王

尚書刑德攷曰帝者天號也王者人稱也天有五帝以立名人有三王以正度天子爵稱也皇者煌煌也 春秋演孔圖曰正氣爲帝間氣爲臣秀氣爲人 禮斗威儀曰帝者得其根核王者得其英華霸者得其附枝故帝道不行不能王王道不行不能霸禹道不行不能守其身 管子曰明一者皇察道者帝通德者王謀得兵勝者霸 呂氏春秋曰始生之者天也養成之者人也能養天之所生而爲天子 春秋考耀文曰王者往也神所輪向人所樂歸 春秋繁露曰德俟天地者稱皇帝天祐而子之號



稱天子 董子曰古之人造文字者三書而連其中謂之王三書者天地  
與人也連中者通其道也取天地與人之才而參之非王者其孰能當是  
故王者必法天以大仁覆育萬物既化而生之又養而成之 韓詩外傳  
曰君者何曰羣也敢羣天下萬物而除其害者謂之君 白虎通曰帝王  
者號也號者功之表也所以表功明德號令臣下者也德合天地者稱帝  
仁義合者稱王別優劣也 又曰按上稱天子者明以爵事天也接下稱  
帝王者明位號天下至尊之稱 漢雜事曰古者天子稱皇其次稱王秦  
承百王之末爲漢駢除自以德兼三皇五帝故并爲號 帝王世紀曰孔  
子稱天子之德感天地洞八方是以化合神者稱皇德合天地者稱帝仁  
義合者稱王 蔡邕獨斷曰上者尊位所在也太史令司馬遷記事當言  
帝則依違之但言上不敢泄瀉者尊號言尊尊之義也乘輿出於律文曰  
敢盜乘輿服御物謂天子所服食者也天子至尊不敢泄瀉言之故託於  
乘輿也天子以天下爲家不以京師宮室爲常處當乘輿以天下故謂之  
東宮天子自謂行在所今雖在京師言在行所也巡行天下所奏事處曰

爲宮在長安則曰長安宮在泰山則曰泰山宮唯當時所在 禮記曰天  
子者與天地參德配天地兼利萬物與日月並明明照四海而不遺微小  
其在朝廷則道仁聖禮義之序燕處則聽雅頌之音行步則有環珮之聲  
升車則有鸞和之音居處有禮進退有度百官得其宜萬事得其序 六  
韜曰王者之道如龍之首高居遠望深視而審聽神其形而散其精若天  
高而不可極若川深而不可測故可怒而不怒臣乃爲虎可殺而不殺大  
賊乃發兵勢不行敵國乃強 管子曰黃帝立明堂之議上觀於賢也堯  
有衢室之問下聽於民也舜有告善之旌而主不蔽也禹立諫鼓於朝而  
備訊也湯有總街之廷觀民非也 武王有靈臺之宮賢者進也此古聖帝  
明王所以有而勿失得而勿止也 尸子曰孔子曰商汝知君之爲君乎  
子夏曰魚失水則死水失魚猶爲水也孔子曰商知之矣 莊子曰赫胥  
氏之時民居不知所爲行不知所之含哺而熙鼓腹而遊 又曰昔容成  
氏大庭氏栢皇氏軒轅氏尊盧氏伏羲氏當是時也結繩而用之甘其食  
美其服樂其俗安其居鄰國相望雞狗之音相聞民至老死不相往來若



此時則至治也

孫卿子曰人主者守至約而詳事至狹而切垂衣裳不

下簞席之上而海內之民莫不願得以爲帝王 呂氏春秋曰五帝先道而後德故德莫盛焉三王先德而後事故事莫功焉五伯先事而後兵故兵莫強焉 韓子曰明王制其臣下者二柄而已矣二者刑德也殺戮之謂刑慶賞之謂德 淮南子曰帝者體太一王者法陰陽霸者則四時君

者用六律體太一者牢籠天地彈壓山川含吐陰陽申洩四時紀綱八極經緯六合覆露照導普汎而無私 翺飛蠕動莫不仰德而生法陰陽承天地之和形萬類之體含氣化物以成形類則四時者春生夏長秋收冬藏取與有節出入有時開闔張歛不失其序喜怒剛柔不雜其理用六律者生之與殺也賞之與罰也予之與奪也非此無道 又曰人主者以天下

之目視以天下之耳聽以天下之智慮以天下之力動是故號令能下究而臣情得上聞百官修道羣臣輻湊喜不以賞賜怒不以罪誅 潛夫論曰太古之時兆黎初載未有上下而自順序天未事焉君未設焉未後矯處或相凌虐爲萌巨害於是天命聖人使司牧之勿令失性四海蒙利草

木被德恭儉奉戴謂之天子

晉潘尼乘輿箴曰皇極肇建兩儀既分彝倫未序萬邦糾紛國事明主家奉嚴君各有攸尊德用不勤煌煌四海鵠萬乘匪賢焉倚匪哲焉憑左輔右弼前疑後承一日萬機業業兢兢夫出其言善則千里是應而莫余違亦喪邦有徵辛作琬室而夏興璣臺

糟丘酒池象著玉杯叔世道衰末俗化淺耽樂逸遊荒淫沉湎不式古訓而好是佞辯不遵正路而覆車是踐滅敗之効載在前典匪唯凌夷厥世用殄故曰樹君如之何將民是司牧視之猶傷知其寒煖故能撫之斯柔而敦之斯睦無遠不懷靡思不服夫豈厭縱一人而玩其耳目內迷聲色

外荒馳逐不修政事而終於顛覆 漢賈誼過秦論曰秦考公據崑崙之固擁雍州之地君臣固守以窺周室有席卷天下包舉宇內囊括四海之意并吞八荒之心當是時也商君佐之內立法度務耕織脩守戰之具外連衡而闢諸侯侯恐懼會盟而謀弱秦不愛珍器重寶肥饒之地以致天下之士合從締交相與爲一當此之時齊有孟嘗趙有平原楚有春


申魏有信陵此四賢者皆明智而忠信寬厚而愛人尊賢重士約從離橫



使


兼韓魏燕楚宋衛中山之衆嘗以什倍之地百萬之師仰關而攻秦秦人開關延敵九國之師遁逃而不敢進秦無亡矢遺鏃之費天下諸侯已困矣及至秦始皇奮六世之餘烈振長策而御宇內吞二周而亡諸侯履至尊而制六合執敲扑以鞭笞天下威振四海南取百越之地以爲桂林象郡百越之君僂首係頸委命下吏乃以蒙恬比築長城而守藩籬却匈奴七百餘里胡人不敢南下而牧馬士不敢彎弓而報怨然後踐華爲城因河爲池據億丈之城臨不測之谿以爲固良將勁弩守要害之處信臣精卒陳利兵而誰何天下已定始皇自以爲關中之固金城千里子孫帝王萬世之業也始皇既沒餘威振于殊俗然而陳涉甞牖繩樞之子叱隸之人而遷徙之徒也材能不及中人率罷散之卒將數百之衆轉而攻秦山東豪俊蜂起而亡秦族矣且夫天下非小弱也雍州之地崤函之固自若也陳涉之位非尊於齊楚燕趙魏宋衛中山之君也鋤耰棘矜非鈇於鈞戟長鍛也謫戍之衆非抗於九國之師也深謀遠慮行軍用兵之道非及襄時之士也然而成敗異變功業相反試使山東之國與陳涉度長絜大

比權量力則不可同年而語矣然秦以區區之地致萬乘之權招八川而朝同列百有餘年矣然後以六合爲家峭函爲宮一夫作難而七廟隳身死人手爲天下之笑者何也仁義不施而攻守之勢異也魏王爰難鍾荀太平論曰聖莫盛於堯而洪水方割丹朱淫虐四族凶侯炎帝舜因之而三苗畔戾矣禹又因而防風爲戮矣此三聖古之所大稱也繼踵相承且二百年而刑罰未嘗一世而乏也然則此三聖能乎三聖能乎則何世能致之乎孔子稱曰唯上智與下愚不移不移者丹朱凶凶三苗之謂也當紂之世殷罔不小大好草竊姦究周公遷殷頑民于洛邑其下愚之人必有之矣周公之於三聖不能踰也三聖有所不化矣有所不移矣周公之不能化殷之頑民所可知也苟不可移必或犯罪罪而弗刑是失所也犯而刑之刑不可錯矣孟軻有言盡信書不如無書有大而言之者刑錯之屬也豈億兆之民歷數十年而無一人犯罪一物失所哉謂之無者盡信書之謂也魏曹罔六代論曰昔者夏殷周歷世數十而秦二世而亡何則三代之君與天下共其民故天下同其憂秦王獨制其民故傾危而




莫救先王獨知治之不能久也故與人共治之知獨守之不能固也故與人共守之兼親疎而兩用參同異而並立是以輕重足以相鎮親疎足以相衛兼并路塞逆節不生及其衰也桓文率禮包茅不貢齊師伐楚宋不城周晉戮其宰王綱弛而復張諸侯傲而復肅二霸之後浸以陵遲吳楚憑江負固方城雖心希九鼎而畏迫宗姬姦情散於曾懷逆謀消於脣吻斯豈非信重親戚任用賢能技葉碩茂本根賴之至於王叔降爲庶人猶枝幹相持得居虛位海內無主四十餘年秦據勢勝之地騁譎詐之術征伐關東蠶食九國至於始皇乃定天位曠日若彼用力若此非深根固蒂不拔之道乎漢祖奮三尺之劍騁烏合之衆五年之中而成帝業自開闢已來其興功立勳未有若漢之易者也夫伐深根者難爲功摧枯朽者易爲力理勢然也漢鑿秦之失封植子弟及諸呂擅權圖危劉氏而天下所以不傾動百姓所以不易心者徒以東牟朱虛受命於內齊代吳楚作衛於外向使高祖踵亡秦之法忽先王之制則天下以傳非劉氏有也大魏之興觀五代之存亡而不用其長策觀前車之顛覆而不改其轍跡子弟

王空虛之地君亡使民之失宗室竄於閭閻不聞邦國之政權均死夫勢齊几度內無深根不拔之固外無盤石宗盟之助非所以安社稷爲萬世之業也晉陸機辨亡論曰昔漢氏失御姦臣竊命禍基京畿毒偏宇內皇綱弛紊王室遂卑於是羣雄蜂駁義兵四合吳武烈皇帝慷慨下國電發荆南權略紛紜忠勇伯世威稜則夷羿震盪文交則醜虜授馘遂掃清宗祧蒸禋皇祖于時雲興之將帶州颺起之師跨邑雖兵以義合同盟戮力然皆包藏禍心阻兵怙亂或師無謀律喪威稔寇忠規武節未有如此其著者也武烈既沒長沙相王逸才命世弱冠秀發招攬遺老與之述業神兵東驅奮寡犯衆攻無堅城之將戰無交鋒之虞誅叛柔服而江外底定飭法脩師則威德翕赫將北伐諸華誅鉏干紀旋皇輿於夷庚反帝座于紫闥挾天子以令諸侯清天步而歸舊物戎車旣次羣凶側目大業未就中世而殞用集我大皇帝以奇蹤襲於逸軌虐心因乎令圖從政咨於故實播憲稽乎遺風而加以篤固申之以節儉疇咨俊茂好謀善斷束帛旅於丘園旌命交乎塗巷故豪彥尋聲而響臻志士希光而景驚異人



輻輳猛士如林謀無遺蹟舉不失策故遂割據山川跨制荆吳而與天下爭衡矣故魏人請好漢氏乞盟遂躋天號鼎峙而立於是講八代之禮蒐三王之樂告類上帝拱揖羣后虎臣殺卒循江而守長棘勁鏃望塵而奮庶尹盡規於上四民展業于下化協殊裔風衍遐圻乃俾一介行人撫巡外域巨象逸駁擾於外開明珠寶耀於內府珍瑰重跡而至竒玩應響而赴輜軒馳於南荒德昔息於朔野齊民免干戈之患戎馬無展服之虞而帝業固矣爰及末葉羣公旣喪然後黔首有瓦解之志皇家有土崩之釁歷命應化而徵王師躡運而發卒散於陣民奔于邑城池無藩籬之固山川無溝阜之勢軍未決辰而杜稷夷矣雖忠臣發憤烈士死節將奚救哉夫曹劉之將非一世所選向時人之師無曩日之衆戰守之道抑有前符險阻之利俄然未改而成敗朝理古今詭趣何哉彼此之化殊授任之才異也又辨云論下曰昔三方之王魏人據中夏漢氏有岷益吳制荆揚而掩交廣曹氏雖功濟諸華虐亦深矣其民怨劉公因險飾智功已薄矣其俗陋夫吳桓王墓之以武太祖成之以德聰明睿達懿度深遠矣其

求賢如弗及恤民如稚子盡感德之容親仁壘丹府之愛拔呂蒙於戎行擢潘濬於係虜推誠信士不恤人之我欺量能授器不患權之我逼地方幾萬里帶甲將百萬其野沃其民練其器利其財豐東負滄海西阻險塞長江制其區宇峻山帶其封域國家之巨利未有弘於茲者矣借使中才守之以道善人御之有術敦率遺典勸民謹政循定策守常險則可以長世永年未有危亡之患易曰湯武革命順乎天玄曰亂不極則治不形言帝王之因天時也古人有言曰天時不如地利易曰王侯設險以守其國言爲國之恃險也又曰地利不如人和在德不在險言守險之由人也吳之興也參而由焉孫卿所謂合其參者也及其亡也恃險而已又孫卿所謂捨其參者也夫四州之萌非無衆也大江之南非乏俊也山川之險易守也勁利之器易用也先政之策易循也功不興而禍遽何哉所以致人和寬冲以誘俊又之謀慈和以結士民之愛是以其安也則黎元與之同慶及其危也則兆庶與之共患安與衆同慶則危不可得也危與



下共患則其難不足恤也夫然故能保其社稷而固其土宇麥秀無悲殷之思黍離無愍周之感矣 晉于寶晉紀惣論曰昔高祖宣皇帝以雄才碩量應運而仕至於百姓與能大象始構矣世宗承基太祖繼業始當非常之禮終受備物之錫至于世祖遂享皇極正位居體聿修祖宗之志思輯戰國之苦腹心不同公卿異議而獨納羊祜之策至于咸寧之末遂排羣議而仗王杜之決汎舟三峽分馬桂陽役不二時江湖來同掩唐虞之舊域班正朔於八荒太唐之中天下書同文車同軌牛馬被野餘糧棲畝行旅草舍外閭不閉雖太平未洽亦百代一時矣二十餘年而河洛爲墟戎羯稱制二帝失尊山陵無所何哉樹立失權託付非才四維不張而苟且之政多也夫天下者大器也器大者不可以小道理勢重者不可以爭競擾古先哲王知其然也是以抑其大患而不有其功禦其大災而不尸其利是以感而應之悅而歸之如晨風之鬱其林魚龍之趨淵澤也然後設禮文以理之斷刑罰以威之故衆悅其教而安其俗君子勤禮小人盡力廉耻篤於家閭邪僻銷於骨髓又况可奮臂大呼聚之以干紀作亂之事乎加之朝寡醇德之士鄉乏一二之老風俗淫僻趣向失所學者以莊老爲宗而黜六經談者以虛薄爲辨而殘名檢當官者以望空爲高而笑勤恪劉頌屢言治道傳咸每糾邪正皆謂之俗吏若夫文王日昃不暇食仲山甫夙夜匪懈者蓋共嘆黜以爲灰塵而相詬病矣由是毀譽亂於善惡之實情應奔於貨欲之塗選者爲人擇官官者爲身擇利其婦女莊櫛織紉皆取成於婢僕未嘗知女功經業之業中饋酒食之事也故皆不耻淫佚之過不拘妬忌之惡有殺戮妻媵有躪亂上下父兄不之罪天下莫之非又况責之聞四教於古脩貞順於今以輔佐君子者哉禮法刑政於此大壞如室之斯構而去其鑿契如水斯積而決其隄防如火斯畜而離其薪燎也國將亡本必先顛其此之謂乎

天皇氏

顏峻始學篇曰天地立有天皇十三頭號曰天靈治萬八千歲 洞冥記曰一姓十三人也 徐整三五曆紀云歲起攝提元氣肇有神靈一人有十三頭號天皇 春秋緯曰天皇地皇人皇兄弟九人分九州長天下也



遁甲開山圖曰天皇被跡在柱州崑崙山下

地皇氏

如學篇曰地皇十一頭治八千歲帝系譜曰地皇治一萬八千歲以火德王 遁甲開山圖曰地皇與於鹿耳龍門山

人皇氏

顏峻始學篇曰人皇九頭兄弟各三百歲依山川土地之勢裁度為九州各居其一方因是而區別 弟氏曰人皇兄弟九人生於刑馬山身九色

有巢氏

顏峻始學篇曰上古皆穴處有聖人教之巢居號大巢氏皇甫謐以為有巢在女媧之後 遁甲開山圖曰石樓山在琅琊昔有巢氏治此山南

燧人氏

尚書大傳曰燧人為燧皇以火紀官 禮含文嘉曰燧人始鑽木取火炮生為熟食人無腹疾遂天之意故為燧人

大昊庖犧氏

易曰古者庖犧氏之王天下也則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情結繩而為網罟以收以漁蓋取諸離 禮含文嘉曰伏羲德洽上下天應以鳥獸文章地應以龜書伏羲乃則象作易 帝王世紀曰太昊

帝庖羲贊曰木德風姓八卦創焉龍瑞名官法地象天庖厨祭祀罟網魚

政瑟以像時神德通玄

帝女媧氏

淮南子曰往古之時四極廢九州裂天不兼覆地不周載猛獸食精民精

地鷲鳥攫老弱於是女媧鍊五色石以補蒼天斷鼈足以立四方極


蒼天神四極正淫水涸冀州平狡蟲死精民生背方州抱圓天 帝王世

紀曰帝女媧氏亦風姓也作笙簧亦虵身人首一曰女希是為女皇其未

諸侯共工氏任知刑以強伯而不王 魏陳王曹植女媧贊曰古之國

君造黃作笙禮物未就軒轅纂成或云二皇人首虵形神化七十何德之

甚矣





靈


神農氏

易曰神農氏作斲木爲耜揉木爲耒耨之利以教天下蓋取諸益日中爲市致天下之貨交易而退各得其所蓋取諸噬嗑 周書曰神農之時天雨粟神農耕而種之作陶冶斤斧爲耜鉏耨以藝草芥然後五穀興以助菓麻實 春秋命歷序曰有神人名石年蒼色大眉戴玉理玉理隨玉英神農也呂氏春秋曰神農教日土有當年不耕者則天下或受其饑矣女有當年不績者則天下或受其寒矣故夫親耕妻親績 賈誼書曰神農以爲走禽難以久養民乃求可食之物嘗百草察實賦苦之味教民食穀 帝王世紀曰炎帝神農氏姜姓也人牛首長於姜水有聖德都陳作五絃之琴始教天下種穀故號神農氏諸侯夙沙氏怒不用命真文諫而殺之炎帝退而修德夙沙之民自攻其君而歸炎帝 魏陳王曹植神農贊曰少典之胤人德承木造爲耒耨導民播穀正爲雅琴以暢風俗

黃帝軒轅氏

易曰黃帝垂衣裳而天下治蓋取乾坤也 左傳曰剡子曰黃帝以雲紀官故爲雲師而雲名 河圖挺佐輔曰黃帝修德立義天下大治乃召天老而問焉余夢見兩龍挺白圖以授余於河之都天老曰河出龍圖雒出龜書紀帝錄列聖人之姓號興謀治太平然後鳳皇處之今鳳皇以下三百六十日矣天其受帝圖乎黃帝乃夜齋七日至於翠嬀之川大鱸魚折溜而至乃與天老迎之五色畢具魚汎白圖蘭葉朱文以授黃帝名曰錄圖 龍魚河圖曰黃帝時有蚩尤兄弟八十一人並獸身人語銅頭鐵額食沙石子造立兵杖刀戟大弩威振天下誅殺無道不仁慈萬民欲令黃帝行天下事黃帝仁義不能禁蚩尤黃帝仰天而嘆天遣玄女下授黃帝兵信神符制伏蚩尤帝因使之主兵以制八方蚩尤沒後天下復擾亂黃帝遠畫蚩尤形像以威天下天下咸謂蚩尤不死八方萬邦皆爲弭伏 春秋內事曰軒轅氏以土德王天下始有堂廡高棟深宇以避風雨 列子曰黃帝喜天下之戴己也養正命娛耳目乃喟然歎曰養一已治萬物其患如此於是放萬機舍宮寢退而閑居大庭之館齋心服形三月不親





政事晝寢而夢遊於華胥華胥氏國不知距齊國幾千里

齊中

蓋非舟車

足力之所及神遊而已其國入水不溺入火不熱乘空如履實寢虛若處

牀黃帝既寤怡然自得又二十八年天下大治幾若華胥國矣淮南子

曰黃帝治天下而力牧太山稽輔之使強不得掩弱眾不得暴寡人民保

命而不夭歲時熟而不凶百官正而無私輔弼公而不阿道不捨遺市不預

賈城郭不閉邑無盜賊人相讓以財狗彘吐菽粟於道路而無忿爭之心

於是日月精明星辰不失其行風雨時節五穀登熟虎豹不妄噬鷙鳥不

妄搏鳳皇翔於庭麒麟遊於郊青龍進駕飛煌伏皂

飛黃出西方其狀如  
皂背上有角束之壽

上天羣臣葬其末冠 帝王世紀曰黃帝有熊氏少典之子姬姓也生壽

立長于姬水龍顏有聖德受國於有熊居軒轅之丘故因以爲號治五氣

設五量及神農氏衰黃帝修德撫民諸侯咸去神農而歸之黃帝於是乃

擾馴猛獸與神農氏戰于阪泉之野三戰而克之又徵諸侯使力牧神皇

直討蚩尤氏擒之于涿鹿之野使應龍殺之于凶黎之丘五十二戰而

天下大服有妃生二十五子黃帝在位二百年而崩年百一十歲矣或傳以

爲仙或言壽三百歲葬于上郡陽周之橋山 抱朴子曰黃帝生而能言

役使百靈可謂天授自然體之者猶復不敢端坐而得道故陟王屋而受

丹經到鼎湖而飛流珠登崆峒而閉廣成之具茨而事大隗適東岱而奉

中黃入金谷而諮子心論導養而質玄素二女精推步則訪止稽力牧講

**頌**

晉牽秀黃帝頌曰邈矣黃軒

**頌**

魏陳王曹植黃

**贊**

帝贊曰少典之孫神明聖哲土德承火赤帝是滅服牛乘馬衣裳是制氏

**贊**

雲名官功冠五列 又黃帝三鼎贊曰鼎質文精古之神器黃帝是鑄以

棘應玄期幻能惚百神體鍊五靈妙氣含雲露津捺石曾城岫鑄鼎荆山  
濱谿焉天扉闢飄然跨騰鱗儀轡灑長風塞裳躡紫宸周使信黃帝見  
廣成晝贊曰治身紫府問政青丘龍湖鼎沒丹竈珠流疎雲即雨落木先  
秋至道須極長生可求

少昊金天氏

左傳曰郟子曰我高祖少昊摯之立也鳳鳥適至故紀於鳥爲鳥師而鳥  
名焉帝王世紀曰少昊帝名摯字青陽姬姓也降居江水有聖德邑于  
窮桑以登帝位都曲阜故或謂之窮桑即圖讖所謂白帝朱宣者也故稱  
少昊號金天氏在位百年而崩贊陳思王曹植少昊贊曰祖自軒轅青  
陽之裔金德承土儀風帝世官鳥號名殊職別系農正扈氏各有品制


顓頊高陽氏


史記曰帝顓頊高陽者靜深有謀疏通知事北至幽陵南至交趾西濟流  
沙東至蟠木動靜之物大小之神日月所照莫不砥屬帝王世紀曰帝  
顓頊高陽氏黃帝之孫昌意之子姬姓也母曰景僕蜀山氏女蓀昌意正

妃謂之女樞金天氏之末女樞生顓頊於若水首戴干戈有聖德入昆侖  
雖黃帝之嫡以德劣降居若水爲諸侯及顓頊生十年而佐少昊二十而  
登帝位平九黎之亂以水事紀官南正重司天以屬神北正黎司地以屬  
民於是民神不雜萬物有序始都窮桑徙商丘命飛龍効八風之音作樂  
五英以祭上帝世有村子八人號八凱顓頊在位七十八年年九十一歲  
歲在鶉火而崩葬東郡頓丘廣陽里魏曹植帝顓頊贊曰昌意之子  
祖自軒轅始誅九黎水德統天以國爲號風化神宣威暢八極靡不砥虔

帝嚳高辛氏

史記曰帝嚳高辛氏者黃帝之曾孫也父曰蟠極蟠極父曰玄囂玄囂父  
曰黃帝自玄囂與蟠極不得在位帝嚳生而神靈自言其名日月所照風  
雨所至莫不從助帝王世紀曰帝嚳高辛氏姬姓也有聖德年十五而  
佐顓頊四十登位都亳以人事紀官故以勾芒爲木正祝融爲火正厚收  
爲金正玄冥爲水正后土爲土正是五行之官分職而治諸侯於是化被  
天下遂作樂六莖以康帝位世有哲子八人號曰八元亦納四如十其子





皆有天下元妃有台氏女曰姜嫄生后稷次有娥氏女曰簡雍生高太陳  
豐氏女曰慶都生放勳次姬訾氏女曰常儀生摯帝嚳在位七十年年百  
五歲而崩葬東都頓丘廣陽里魏陳王曹植帝學贊曰祖自軒轅玄  
之喬生言其名木德帝世無章天地神聖靈祭教弭四海明並日月

帝堯陶唐氏

堯帝

尚書堯典曰若稽古帝堯曰放勳欽明文思安安允恭克讓光被四表格  
于上下克明俊德以親九族九族既睦乎章百姓百姓昭明協和萬邦黎  
民於變時邑 論語曰大哉堯之爲君也巍巍乎唯天爲大唯堯則之蕩  
蕩乎民無能名焉巍巍乎具有成功也煥乎具有文章 春秋元命苞曰  
堯眉八采是謂通明歷象日月璇璣玉衡 尚書中候曰帝堯即政榮光  
止河休氣四塞龍馬銜甲青文綠色龍形也其文赤而綠甲似龜背五色  
有列星之分斗政之度帝王錄堯興亡之數 大戴禮曰宰我曰請問帝  
堯孔子曰其仁如天其智如神就之如日望之如雲富而不驕貴而不豫  
淮南子曰人之所以樂爲天子者以其窮耳目之欲而適躬體之便也今


烏庭河勝

高臺曾樹人之所麗也而堯采椽不斲斤題不斲梁柱相角珍惟奇味  
人之所美也而堯糲梁之飯藜藿之羹文錦狐白人之所好也而堯布木  
掩形鹿裘禦寒養生之具厚不加以增之以大任重之憂故舉天下而傳  
之舜若釋負然 帝王世紀曰帝堯陶唐氏祁姓也母慶都孕十四月而  
生堯於丹陵名曰放勳烏庭河勝或從母姓伊氏年十五而佐帝摯受封  
於唐爲諸侯身長十尺嘗夢天而上之故二十而登帝位都平陽置敢諫  
之鼓命羲和四子羲仲羲叔和仲和叔分掌四時方嶽之職故名曰四嶽  
也諸侯有苗氏處南蠻而不服堯征而克之于丹水之浦乃以尹壽許由  
爲師夔放山川谿谷之音作樂大章天下大和百姓無事有五十老人擊  
壤於道觀者歎曰大哉帝之德也老人曰吾日出而作日入而息鑿井而  
飲耕田而食帝何力於我哉於是景星曜於天甘露降于地朱草生於郊  
鳳皇止於庭嘉禾孳於畝禮泉湧於山焦僥民來貢沒羽厨中自生肉脯  
其薄如髮形捏鼓自生風使食物寒而不是名曰嬰脯又有草夾階而生  
隨月生死王者以是占日月之數惟感德之君應和而生故堯有之名曰

壹美始封稷契各爵褒進伯禹納舜于大麓後年二月又率羣臣刻璧爲書東沉洛水言天命當傳舜之意今中候運衡之篇是也九堯即位九十八年年百一十八歲乃殂百姓如喪考妣三載四海遏密八音葬于濟陰之成陽西北是爲穀林堯取富宜氏女曰女皇生丹朱又有庶子九人皆不肖故以天下命舜曰咨爾舜天之曆數在爾躬允執其中四海困窮天祿永終及堯三年喪畢舜踐天子位符子曰堯曰余坐華殿之上森然而松生於棟余立樞扉之內霏焉而雲生於牖雖面雙闕無異乎崔巍之冠蓬萊雖背墉榭無異乎廻鑿之營崑崙余安知其所以安魏陳王曹植帝堯書贊曰火德統位父則高辛克平共工萬國同塵調適陰陽其惠如春巍巍成功配天則神


帝舜有虞氏

尚書舜典曰慎徽五典五典克從納于百揆百揆時敘賓于四門四門穆穆納于大麓烈風雷雨弗迷帝曰咨爾舜詢事考言乃言底可績三載汝陟帝位禮記曰子曰舜其大也與好察迺言隱惡而揚善執其兩端用其中於民其斯以爲舜乎又曰昔舜作五絃之琴以歌南風詩具論語曰無爲而治者其舜也與夫何爲哉恭己正南面而已矣孝經援神契曰舜龍頰重瞳大口手握袞重瞳采重多精光也大口象斗星口也握位雖書靈惟聽曰有人方面日衡重華表中有象字爲從若若起受感神狀大王斷之道也陳仲味論有聖智也舜受終鳳皇儀黃龍感朱草生苞莢擊西王母授益地圖西王母得益也孟子曰雞初鳴而起莘莘爲善者舜之徒也雞初鳴而起莘莘爲利者蹠之徒也蹠孟又曰堯之於舜使其子九男事之妻以二女焉百年牛羊倉庾備以養舜於畎畝之中而後舉加諸上位又曰舜聞一善言見一善行若決江河常然莫之能禦也尸子曰舜一徙成邑再徙成都三徙成國堯聞其賢徵之草茅之中與之語禮樂而不逆與之語政至簡而行與之語道廣大而不窮於是妻之以嬖勝之以娥九子事之而託天下焉韓子曰歷山農者侵畔舜往耕暴年而耕者讓畔河澗漁者爭坵舜往漁暴年而漁者讓長東夷之陶者苦窳舜往陶暴年而器以牢呂氏春秋曰舜有子九人不子其子而授禹至公也



帝王世紀曰帝有虞氏姚姓也日重瞳故名重華字都君有聖德始遷於  
夏夏取於顛丘傭於傅虛家本吳州每徒則百姓歸之堯於是見舜於武  
宮設饗禮送焉賓主南面而問政堯乃試以五典遂舉八凱佐佐后土以  
揆百事舉八元使布五教于四方舜於是有大功二十故夢晉長與髮等  
堯乃賜舜以昭華之玉老而命舜代已攝政舜東巡狩登南山觀河渚受  
圖書曩賜羣臣等任伯禹稷契皋繇伯益地有苗氏百國不服禹請征之  
舜曰表德不厚而行武非道也吾前教由未也乃修教三年親于賦而舞  
之有苗請服立誹謗之木申命九官十二牧三載一考績三載陟陟幽明  
禹爲司空功被天下棄爲后覆播時百穀粍爲司徒敬敷五教皋繇爲士  
典刑惟明德爲其工莫不致力益爲朕虞庶物繁植伯夷爲秩宗三禮不  
闕變爲樂正神人以和龍爲納言出內惟允於是俊又在官君后德護百  
僚師師以五采章施于五色爲服以六律五聲八音協治治用之和蒸民  
乃粒萬邦作乂庶績咸熙乃作大韶之樂韶韶九成鳳皇來儀擊石拊石  
百獸率舞故孔子稱韶盡美又盡善也景星曜於房羣瑞畢致地出乘

黃舜於是德被天下薦於天使禹攝政有苗氏叛南征崩于鳴條殞以瓦  
棺葬於蒼梧九疑山之陽是爲陵零謂之紀市在今營道下有羣象爲之  
耕靈魏陳王曹植帝舜贊曰顛項氏族重瞳神聖克協頑著應唐涖政  
除凶舉俊以齊七政應曆受禪顯天之命 晉夏侯湛虞舜贊曰有虞倍  
倍揖讓鼓琴垂拱臨民詠彼南音世膺道玄天下混心思民王度如玉如  
金 晉庾闡虞舜像贊并序曰夫至道玄妙非器象所載靈化潛融非軌  
迹所傳故道資冲樸則謂之三皇德被羣生則號稱舜禹是以先王因其  
會通制爲准極功格於天則配于上帝法施於民則載在祀典然後名教  
彰於至治王道煥乎無窮故茲堂之構也有自來矣然樹寢所以栖神而  
寢非神之所斯立像所以表德而像非德之所存若乃廢其軌景洞其玄  
真雖冥照之鑒獨朗天下惡乎注其耳目哉遂乃顯圖靈像廓其廟壇俾  
天光焜於宇宙南風散乎五絃豈謂神道之妙可寄之於有涯哉蓋亦暢  
悠悠者之心也其辭曰玄像焜耀萬物含靈飛龍在天陽德文明神道雖  
寂務由機生擁琴高詠寄和五聲玄風旣暢妙盡無名民鑒其朗孰測窈





冥 周庾信舜于賦畫贊曰平風變律擊石來儀先齊七政更服三危朱  
 于獨舞玉戚空麾南風一曲恭已無為謂後魏温子昇舜廟碑曰懷山  
 不已龍門未闢大道御世天下為公感夢長人明歎及陋釐降二女結友  
 九男執耜歷山耕夫所以謝旆施罟雷澤漁父於是讓川亦既登庸以之  
 納錄九官咸事百揆時叙有大功於當世集歷數而在躬受文祖之命致  
 昭華之玉班五瑞於羣后裡六宗於上玄舞千戚而遠夷賓棄金璧而幽  
 靈應青雲浮洛榮光塞河符瑞必臻休祥咸萃以君人之大德為帝王之  
 稱首陟方之駕遂往蒼梧之空不歸爰自先民實存舊廟既緝葺房遂鎮  
 理席龍駕帝服蓋依稀於慕舜爰鼓巨瑟實髮髯於聞韶其辭曰虹氣降  
 靈姚墟誕聖樹陰未徙帝圖已定乃賓四門以齊七政天眷功高民歸德  
 威治既蕩蕩化亦巍巍南風在詠西環有歸疑山永逝湘水長違靈官肅  
 肅神館微微又宋顏延之為張湘州祭虞帝文曰惟哲化神繼天作聖  
 載器漁陶致身愛敬是以二妃嬪德九子觀命在麓不迷御衡以正唐歷  
 既終虞道乃光容亮授禹素組承堂百齡厭世萬里陟方敬詢故老欽咨

聖君職奉西湘虔屬南雲神之醴之匪酒伊章  
 帝禹夏后氏

尚書大禹謨曰受命于神宗率百官若帝之初從舜初授帝論語曰子曰

禹吾無怨矣孔子推禹功之德大非飲食而致孝乎鬼神惡水服而致

美乎敬是 禮言又嘉曰禹卑宮室垂意於溝洫百教用成神龍至靈龜

服玉女敬養天賜 春秋元命苞曰禹之時民大樂其弊三聖相繼故夏

者大也 左傳曰禹會諸侯於塗山執玉帛者萬國 尚書中候曰伯禹

曰臣觀河伯面長人首魚身出水曰吾河精也授臣河圖 尚書璇璣鈴

曰禹開龍門導積石玄圭出刻曰延喜玉受德天賜禹禹功成天出玄


圭禹有治水功 禹氏春秋曰禹聞濟平江黃龍負舟 禹氏 淮南子曰

禹沐淫雨櫛疾風决河疏河鑿龍門闢伊闕乘四載隨山升木平治水土

定七百國 又曰禹為水以身解於陽野之河解陽也 吳越春秋曰禹

案黃帝中經見聖人所記曰在九疑山東南天柱號曰宛委承以文玉覆

以盤石其書金簡青玉為字編以白銀皆錄其文禹乃東巡登衡山求之



赤繡文衣男子自稱玄表蒼水使者來候禹令齋三月更求之禹乃三日齋齋宛委山取得書得通水之理遂周行天下使益疏記之名山海經也書子曰禹飯一饋而七起曰吾不忍四海之士留於道路也恐其留吾門也是以四海之士皆至禹當朝廷間可以羅雀 帝王世紀曰伯禹夏后氏姁姓也生於石砌虎鼻大口兩耳參漏首戴鈎鈐臂有玉斗足文履也故名文命字高密身長九尺二寸長於西羌西羌夷人也其父既放降在足庶有聖德夢自洗於河西四嶽師舉之舜進之堯堯命以爲司空繼鯀治水乃勞身涉勤不重徑尺之壁而愛日之才陰手足胼胝故世傳禹病偏枯足不相過至今巫稱禹步是也又納禮賢人一沐三握髮一食三起堯美其績乃賜姓姁氏封爲夏伯故謂之伯禹天下宗之謂之大禹年百歲崩于會稽因葬會稽山陰縣之南今山上有禹冢井祠下有羣鳥芸田又曰禹葬衣衾三領桐棺三寸塋以繡之下不父象上不通窆既葬收餘壤爲壠若黍耕之畝 符子曰禹讓天下於奇子奇子曰君言佐舜勞矣鑿山川通河漢首無髮股無毛故屍也以勞報于我生而逸不能爲君之

勞矣 魏陳王曹植夏禹贊曰吁嗟夫子拯世濟民克卑窳室致孝見神蔬食薄服縞冕乃新厥德不回其誠可親塵壘其德溫溫其仁尼稱無間何德之純 又曰禹治水贊曰嗟夫夏禹寔勞水功西鑿龍門躡河道江梁岐既闢九州以同天賜玄圭奄有萬邦 又禹渡河贊曰禹濟于河黃龍負舩舟人並懼禹歎仰天予受大運勤功恤民死天命也龍乃弭身周庚信渡江贊曰三江初鑿九谷新成風飛鷁涌水起龍驚樂天知命無待憂生危舟遂靜亂指還平







國家圖書館, NATIONAL CENTRAL LIBRARY TAIWAN, R.O.C.

110.100.100





國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




春秋元命苞曰湯誓四用是謂神州 尚書中候曰天乙在亳諸邦聞殷且歸 以親 三合璧黃金鑿躍出濟于壘化爲鳳王亦勅曰女補天之女 尚書湯誓曰伊尹相湯伐桀升自陟通與桀戰于鳴條之野 春秋元 苞曰湯之時其民大樂其教之外惠言放桀名大後漢書有故也云云 厥白氣而登湯 周書曰湯放桀而歸於亳三千諸侯大會湯取天 子 禮置之於天子之座左復而自拜從諸侯之皆湯曰此天子之位有 可以處之矣夫天下非一家之有也右道者之前也故天下者唯有道 理之唯有道者宜處之湯以此三讓三千諸侯致則位然後湯即天



國家圖書館, NATIONAL CENTRAL LIBRARY, TAIWAN, R.O.C.

20-711-1 v.2



藝文類聚卷第十二

帝王部二

殷成湯

周文王

周武王

周成王

漢高帝

殷成湯

漢文帝


漢景帝

漢武帝

漢昭帝

漢宣帝

春秋元命苞曰湯臂四肘是謂神肘 尚書珽璣鈴曰湯受金符帝籙白  
 狼銜鈎入殷朝 尚書中候曰天乙在亳諸鄰國徂負歸德東觀乎維降  
 三分璧黃魚雙躍出濟于壇化為黑王赤勤曰玄精天乙受神福伐桀克  
 尚書湯誓曰伊尹相湯伐桀升自陟遂與桀戰于鳴條之野 春秋元命  
 苞曰湯之時其民大樂其救之於患害故樂名大護護者救也 云云扶都  
 感白氣而生湯 周書曰湯放桀而歸於亳三千諸侯大會湯取天子之  
 璽置之於天子之座左復而再拜從諸侯之位湯曰此天子之位有道者  
 可以處之矣夫天下非一家之有也有道者之有也故天下者唯有道者  
 理之唯有道者宜處之湯以此三讓三千諸侯莫敢即位然後湯即天子



之位 孟子曰湯居亳與葛伯爲鄰葛伯不祀湯使人問何爲不祀曰無以供犧牲湯遣之牛羊葛伯得而食之又不知湯又問之曰無以供粢盛湯使亳民爲之耕老弱饋食葛伯率衆要其酒肉黍稷者遮而奪之不以饗長者則殺之有一童子以黍肉餉殺而奪焉湯乃興師伐葛伯天下聞之皆曰非當天下也爲疋夫疋婦報讎也 呂氏春秋曰成湯之時有穀生於庭昏生至旦而大合拱史請卜其故湯退卜者曰吾聞祥者福之先也見祥而爲不善則福不至妖者禍之先也見妖而爲善則禍不至於是早朝晏退問疾弔喪務鎮撫百姓三日而穀亡 尚書大傳曰夏人飲酒醉者持不醉者不醉者持醉者相和而歌曰盍歸于臺盍歸于臺上臺亦大矣故伊尹退而閑居深聽樂聲時伊尹化桀更曰覺于較于吾大命格 命之亡有日矣桀啜笑曰天之有日猶吾之有民也日亡吾亦亡矣是以伊尹遂去夏適湯 說死曰湯欲伐桀伊尹請且乞貢職以觀夏動桀怒起九夷之師伊尹曰未可彼尚能起九夷之師是罪在我也湯乃謝請服

入貢職明年又乞貢職桀起九夷之師九夷之師不起伊尹曰可矣湯乃興師伐桀桀之遷於南巢 帝王世紀曰成湯一名帝乙豐下銳上倨身而揚聲長九又有聖德諸侯有不義者湯從而征之誅其君吊其民天下咸悅故東征則西夷怨南征則北狄怨曰奚爲而後我凡二十七征而德施於諸侯出見羅者方祝曰從天下者從地出者四方來者皆入吾羅湯曰嘻盡之矣非桀其孰能爲此哉乃命解其三面而置其一而更教之祝曰欲左者左欲右者右欲高者高欲下者下吾取其犯命者漢南諸侯聞之咸曰湯之德至矣澤及禽獸況於人乎一時歸者三十六國及夏桀無道臯諫者湯使人哭之桀囚湯使於夏臺而後釋之諸侯由是咸叛桀附湯同日貢職者五百國三年而天下咸服湯自伐桀後大旱七年殷史卜曰當以人禱湯曰吾所爲請雨者民也若必以人禱吾請自當遂齋戒剪髮斷爪以已爲牲禱於桑林之社言未已而大雨方數千里湯踐天子位十三年年百歲而崩 魏陳王曹植殷湯贊曰殷湯伐夏諸侯振仰放桀鳴條南面以王桑林之禱炎災克償伊尹佐治可謂賢相 又湯禱



桑林贊曰惟殷之世炎旱七年湯禱桑林祈福于天剪髮離水自以爲牲  
皇靈感應時雨以零 周庚信湯解網贊曰連珠雨起合玉雙沉發爲祥  
樹桑成樂林三方落網一面駭禽德以行政仁乎用心

周文王

春秋元命苞曰文王四乳是謂含良蓋法酒旗布恩舒明酒者乳也能乳  
天下布恩之謂  
也周書曰文王在鎬召太子發曰我身老矣吾語汝我所保與我所守  
傳之子孫吾厚德而廣惠不爲驕侈不爲泰靡童牛不服童馬不馳土不  
失其宜萬物不失其性天下不失時以成萬材萬材已成收以爲人天下  
利之而勿德是謂大仁 墨子曰赤烏銜珪降周之岐社曰命周文王伐  
殷 韓子曰昔文王請入維西地亦襲之國方千里以解炮烙之刑天下  
皆說 仲尼曰大哉文王輕千乘之國而請解炮烙之刑 韓詩外傳曰  
昔周文王寢疾五日而地動東西南北不出四郊有司請曰臣聞地之動  
爲人主也今者君王寢疾五日而地動四面不出國郊群臣皆恐曰請移  
之文王曰柰何其移之也對曰興事動衆以增國城其可移之文王曰犬


天之見妖以伐有罪我必有罪故天以罰我也今又專興事動衆以增國  
城是重吾罪也不可請改行重吾移之其可以免乎於是遂謹其德袪皮  
革以文諸侯飾其辭令幣帛以出禮俊士頒其勳列等殺田疇以賞群臣  
行無幾何而疾止 琴操曰受命者謂文王受天命而王文王以紂時爲  
歧侯躬脩道德執行仁義百姓附親是時紂爲無道剝胎斲涉壞壞仁人  
天統易運諸侯瓦解歸文王其後有鳳皇銜書於文王之郊文王曰殷  
帝無道虐亂天下皇命已移不得復久乃作鳳皇之歌其章曰翼翼翔翔  
彼靈臺兮銜書來遊以命昌兮瞻天案圖殷將亡兮蒼蒼昊天始有萌兮  
神連精合謀於房兮 又曰文王備修道德百姓親附文王有二子周公  
武王皆聖是時崇侯虎與文王列爲諸侯德不及文王常嫉妬之乃譖文  
王於紂曰西伯昌聖人也長子發中子旦皆聖人也三聖合謀君其慮之  
乃囚文王於羑里將欲殺之於是文王四臣散宜生等周流海內經歷豐  
土得美女二人水中大貝白馬朱璣以獻於紂陳於中庭紂立出西伯文  
王在羑里時演易八卦以六十四作鬱厄之辭困於石據于疾藜乃申憤



以作歌曰殷道溷濁浸濁煩兮朱紫相合不別分兮迷亂聲色信讒言兮  
炎炎之虐使我愆兮幽閉牢寗由其言兮謹我四人憂勤勤兮 論衡曰  
文王飲酒千鍾孔子百觚言聖人能以德持酒也如一坐千鍾百觚此酒  
徒非聖人也 帝王世紀曰文王昌龍顏虎肩身長十尺臂有四乳敬老  
慈幼晏朝不食以延四方之上是以大顛闕天散宜生南宮适之屬咸至  
是為四臣文王雖在諸侯之位襲父為西伯紂既囚文王文王之長子曰  
伯邑考質于殷為紂御紂烹以為羹賜文王曰聖人當不食其子羹文王  
得而食之紂曰誰謂西伯聖者食其子羹尚不知也 贊魏陳王曹植文  
王贊曰於赫聖德寔惟文王三分有二猶服事商化加虞芮傍暨西方王  
業克昭武嗣遂光 又文王亦雀贊曰西伯積德天命攸順亦雀銜書爰  
巢昌戶瑞為天使和氣所致嗟爾後王昌期而至 周庚信文王見呂尚  
贊曰言歸養老垂釣西川岸止盤石溪唯小船風雨未感意氣怡然有此  
相望于今幾年

周武王

尚書中候曰太子發以紂存三仁雖即位不稱王 三仁箕子樂稽耀嘉曰  
武王承命興師誅于商萬國咸喜軍渡孟津前歌後舞克殷之後民乃大  
安家給人足酌酒鬱搖 鬱搖音兒 史記曰武王脩文王業東觀兵孟津為文王  
木主載以居中軍自稱太子發言奉文王以伐不敢自尊遂與師渡于河  
時諸侯不期而會孟津者八百諸侯皆曰紂可伐武王曰未可也乃還師  
居二年間紂昏亂滋甚殺比干囚箕子太師疵少師彊微子抱其祭器而  
奔周於是武王乃渡孟津伐紂紂師皆倒于戈以戰紂軍潰畔紂死 帝  
王世紀曰武王見囑人王自左擁而右扇之紂政彌亂殷太史向挈載其  
圖書而歸周王以告于諸侯四年起師而東至商郊牧野乃作木櫓王韞  
係解五人御於前莫肯為王係韞皆曰臣所以事君王非為係韞也王乃  
釋旄鉞而係之與紂戰紂師敗績禽費仲惡來紂赴于京自燔于宣室而  
死二嬖妾與妲己亦自殺乃以大白髦麾諸侯入殷商都百姓咸待于郊  
王使告曰上天降休商人皆拜王亦荅拜以兵入造紂及妲己尸王親射  
之三發然後下車以劍擊之周公為司徒使以黃鉞斬紂頭懸于大白之




旗召公爲司空又使以玄鉞斬妲己頸縣之小白旗置旌於商容之廬命召公釋箕子之囚賜貝千朋命原公釋百姓之囚歸琬臺之珠玉命南宮括散鹿臺之財發巨橋之粟以賑貧民命南宮伯達史逸遷九鼎于洛邑命閔天封比干之墓命宗祝饗祀于軍微子膠鬲皆委質爲臣殷人咸喜曰王之於人也死猶封其墓況其生者乎王之於賢仁也亡者猶表其廬況其存者乎王之於財也聚者猶散之況其復藉者乎王之於色也在者猶歸其父母况復徵之乎

周成王

魏陳王曹植周武王贊曰相桓武王纘世滅殷咸在尚父且作商臣功加四海救世濟民天下宗周萬國是賓

春秋元命苞曰文王造之而未遂武王遂之而未成周公旦抱少主而成之故曰成王 賈誼書曰周成王問鬻子曰寡人間聖人在上位使民富且壽若夫富則可爲也若夫壽則在天乎鬻子對曰夫聖王在上位天下無軍兵之事故諸侯不私相攻而民不私相鬪也則民得盡一生矣聖王在上則君積於德化而積於用方故婦人爲其所衣丈夫爲其所食則民

無凍餓已得生矣聖人在上則君積於仁吏積於受民積於順則刑罰廢而無天遏之誅民則得三生矣聖王在上則使人有時而用之有節則民無厲疾民得四生矣 史記曰成王少周公攝行政管叔蔡叔群弟疑周公與武庚作亂周公奉成王命誅武庚殺管叔放蔡叔以微子啓代殷後國於宋周公行政七年成王長周公反政成王北面就群臣之位成王在豐使召公復營洛邑如武王之意卒營築居九鼎焉曰此天下之中四方入貢道理均 帝王世紀曰成王元年周公爲冢宰攝政王生少未能治事故號曰孺子八年春正月朔王始躬政事以周公爲太師封伯禽于魯父子並命周公拜於前魯公拜於後王以周公有勳勞於天下故加魯以四等之上兼二十四附庸地方七百里既營都洛邑復居鄴鎬淮夷徐戎及奄叛王乃大搜於岐陽東伐淮夷 魏陳王曹植周成王贊曰成王繼武賢聖保傳年雖幼稚岐嶷有素初疑周公終焉克寤旦奭佐治遂至刑錯 又周公贊曰成王即位年尚幼稚周公居攝四海慕利罰叛柔服祥應仍至誦長反政達天忠義 周庚信成王刻桐葉封虞叔贊曰虞叔百




里居河之汾帝刻桐葉天書掌文禮以成德樂以歌勳天子無戲唐其有


漢高帝

河圖提劉曰帝季曰角戴勝斗胃龜背龍股長七尺八寸明聖寬仁好士主軫春秋孔演圖曰其人曰角龍顏姓如金含仁義史記曰高祖諱邦字季沛豐邑中陽里人為入隆準而龍顏美鬚髯左股有七十二黑子寬仁愛人意豁如也為泗上亭長常從王媪武負酒飲醉卧武負王媪見其上常有龍怪之高祖每留飲酒餽數倍呂公者好相人見高祖狀貌因敬重之呂公曰臣少好相人相人多矣無如李相願季自愛臣有息女願為笄簪妾女曰呂后也生孝惠帝魯元公主有一老父過請飲老父相呂后曰夫人天下貴人也令相兩子見孝惠帝曰夫人所以貴者乃此男魯元公主亦皆貴老父已去高祖從旁舍來呂后具言高祖乃追及老父老父曰向見者夫人兒子皆似君相君相貴不可言及高祖貴遂不知老父去處高祖以亭長為縣送徒於驪山刑豐西澤中亭止飲夜皆解縱所送徒高祖夜經澤中前有大白蛇當徑高祖拔劍斬之事具符命部秦始皇帝

當曰東南有天子氣於是東遊高祖隱於芒碭山澤間呂后與人俱求常得之高祖怪問呂后呂后曰季所在山居上常有雲氣故往常得季高祖與諸侯兵共擊項羽項羽敗而走使騎將灌嬰追殺羽東城正月諸侯尊漢王為皇帝又曰范增說項羽曰沛公居東貪於財貨好美姬今入關財物無所取婦女無所幸此其志不在小吾令人望氣皆為龍虎成五采此天子氣也漢書曰漢承堯運德祚已盛斷蛇著符旗幟尚赤協于火德自然之應得天統矣論衡曰項羽與高祖俱起成力輕重未有所定高祖誅羽難於斬鐵也武王伐紂易於摧木也然則漢力勝周多矣湯武伐桀紂一敵也高祖誅秦殺項羽兼勝二家力倍湯武五代之起皆有因緣力易為也高祖從亭長提三尺劍取天下光武由白水奮威武帝海內無尺土所因一位所乘直奉天命推敷自然此則起高於川汗為深於丘山也荀悅漢紀論曰高祖開建大業統畢元功度量規矩不可尚矣天下初定庶事草創故詔夏之音天下未聞焉帝王世紀曰禮稱至道以王義道以霸觀高祖之取天下也遭秦暴亂不階尺土之資不摧將相之



柄發迹涇亭奮其智謀銜勒英雄鞭駢天下或以德致或以義成事以權斷順逆不常霸王之道雜焉是以居帝王之位而無一定之制三代之美固難及矣後漢班固高祖紀述曰皇矣漢祖纂堯之緒實天生德聰明神武秦人不綱綱漏于楚爰茲發迹斷蛇奮旅神母告符朱旗乃舉兵蹈秦郊嬰來稽首革命創制三章是紀應天順民五星同晷項氏叛援黜我巴漢西土宅心戰士憤怨乘囊而運席卷三秦割據河山保此懷民股肱簫曹社稷是經瓜牙信布腹心良平恭行天罰赫赫明明魏陳王曹植漢高皇帝贊曰屯雲斬蛇靈母告祥朱旗旣抗九野披攘禽嬰克羽掃滅英雄承機帝世功著武湯晉傳玄漢高祖畫贊曰赫赫漢祖受命龍興五星協象神母告徵討秦滅項如日之升起從側隔光據萬乘周使信漢高祖置酒沛宮畫贊曰遊子思舊來歸沛宮還迎故老更召歌童雖欣入沛方念移豐酒酣自舞先歌大風後漢班固高祖泗水亭碑曰皇皇炎漢兆自沛豐乾降著符精感赤龍承魁流裔襲唐末風寸木尺土無矣斯亭建號宣基維以沛公揚威斬蛇金楮摧傷涉關凌灞受爵漢中勒兵陳東劉禽三秦陳畫策蕭勃翼終出爵褒賢列土封功炎火之德彌光以明源清流潔本盛末弘序將八十贊述股肱休勳顯杵末求無彊於皇舊亭留嗣是承天之福祐萬年是興後漢孔融周武王漢高祖論曰武王從后稷以來至其身相承積五十世俱有魚鳥之瑞至高祖一身修德瑞有四呂公望形而薦女呂后見雲知其處白蛇分神武哭內入關五星聚又武王伐紂斬而刺之高祖入秦赦子嬰而遺之是寬裕又不如高祖也魏高貴鄉公少康漢高祖論曰上問荀顛等曰有夏既衰后相殄滅少康收輯夏衆復禹之績高祖拔起堯或艾夷秦項考其功德誰宜爲先顛等曰造之與因難易不同少康功德雖美猶爲中興與漢世祖同流可也至如高祖臣等以爲優上曰少康生於滅亡之後降爲諸侯之孫能布其德而兆有其謀卒滅過戈復禹之績祀夏配天不失舊物非至德弘仁豈濟斯勳漢祖因土崩之勢救一時之權爲人子則數危其親爲人君則因賢相爲人父則不能衛身身歿之後社稷幾傾若與少康易地而處或未能復大禹之績也推此言之宜高夏康而下漢祖也




漢文帝

史記曰孝文皇帝初立爲代王都中都高后崩呂產等欲爲亂以危劉氏大臣共誅之使人迎代王代王問左右郎中令張武張武等議願大王稱疾以無往觀其變中尉宋昌進曰群臣議皆非也今高帝子獨淮南王與大王大王又長賢聖仁孝聞於天下故大臣因天下之心而欲迎立大王大王勿疑也廼命宋昌乘張武等六人乘傳詣長安馳入代邸代王西鄉讓者再遂即天子位 又曰孝文帝即位二十三年宮室苑囿狗馬服御無所增益有不便輒弛以利民常欲作露臺召匠計之直百金帝曰百金中民十家之產吾奉先帝宮室常恐羞之何以臺爲所幸慎夫人衣不曳地幃帳不得文繡以示敦朴先與匈奴和親匈奴皆約入盜然令邊備守不得發兵深入惡煩苦百姓群臣如袁盎等稱說雖切常假借用之群臣如張武受賂遺金錢覺上常發御府金錢賜之以愧其心專務以德化民是以海內殷富興於禮義 又曰孔子言必世而後仁善人爲邦百年亦可以勝殘去殺矣誠哉是言漢興至孝文四十有餘載德至盛也 漢

書曰孝文皇帝諱恒高帝中子也母曰薄皇后 又曰文帝斷獄四刑致刑措 又曰武帝問東方朔曰吾欲化民豈有道乎朔對曰願近述孝文皇帝之時當世者老皆聞見之貴爲天子富有四海身衣戈綈足履華舄以韋帶劍莞蒲爲席集上書囊爲殿帷 述後漢班固文帝述曰太宗穆穆允恭玄默化民以躬師下以德農不共貢罪不收帑宮不新館陵不崇墓我德如風民應如草國富刑清登我漢道 魏陳王曹植漢文帝贊曰孝文即位愛物檢身驕吳撫越匈奴和親納諫赦罪以德讓民殆至刑錯萬國化淳

漢景帝

史記曰漢興孝文施德天下懷安至孝景不復憂異姓而晁錯刻削諸侯遂使七國俱起合從而西鄉以諸侯大盛而錯爲之不以漸也及主父偃言之而諸侯以弱卒以安漢安危之幾豈不以謀哉 漢書曰孝景帝諱啓文帝大子也母曰竇皇后 又曰孔子稱斯民三代之所以直道而行也信哉周秦之弊網密文峻而姦究不勝漢興拂除煩苛與民休息至孝



文加之以恭儉孝景遵業六十載之間至於移風易俗黎民醇厚周云成康漢言文景美矣後漢班固景帝述曰孝景莅政諸侯方命剋伐七國王室以定非怠非荒務在農桑著于甲令民用寧康魏陳王曹植漢景帝贊曰景帝明德繼文之則蕭清王室克滅七國省役薄賦百姓殷昌風移俗易齊美成康

漢武帝

漢書曰孝武皇帝謹敬景帝中子也元封元年行自雲陽北歷上郡西河五原出長城登單于臺臨北河勒兵十八萬騎旌旗十餘里威震匈奴還登封泰山又自滎陽浮江親射蛟江中獲之舳艫千里又登之學東來有之學山祠浮大海山稱萬歲 又曰漢承百王之弊高祖撥亂反正文景務在養民至于稽古禮文之事猶多闕焉孝武初立卓然罷黜百家表章六經遂疇咨海內舉其俊民與之立功興大學修郊祀改正朔定曆數協音律作詩樂建封禪祀百神號令文章煥焉可述後嗣得遵洪業而有三代之風如武帝之雄材大略不改文景之恭儉以濟斯民雖詩書所稱何有加焉

荀悅漢紀曰武皇帝恢萬世業內脩文學外曜武威延天下之士濟濟盈朝興事創制無所不施先王之風粲然存矣然猶好其文未盡其實發其始不克其終奢侈無限窮兵極武百姓空竭萬民罷弊當此之時天下騷然海內無聊而孝文之業衰矣 劉歆七略曰孝武皇帝勅丞相公孫弘廣開獻書之路百年之間書積如丘山故外則有太常太史博士之藏內則有延閣廣內祕室之府 相子新論曰漢武帝材質高妙有崇先廣統之規故即位而開發大志考古今模範前聖故事建正朔定制度招選俊傑奮揚威怒武義四加所征者服興起六藝廣進儒術自開關以來唯漢家最為盛焉故顯為世宗可謂卓爾絕世之主矣然上多過差既欲斥境廣土又乃貪利爭物之無益者聞西夷大宛國有名馬即大發軍兵攻取歷年士衆多死但得數十疋耳又歌兒衛子夫因幸愛重乃陰求陳皇后過惡而廢退之即立子夫更其男為太子後聽邪臣之譖衛后以憂死太子出走滅亡不知其處信其巫蠱多徵會邪僻求不急之方大起宮室內竭府軍外罷天下百姓之死亡不可勝數此可謂通而蔽者也 典論論



曰孝武承四世之遺業過中國之殷阜府庫餘金餼倉廩畜腐粟因此有意乎滅匈奴而得清邊境矣故即位之初從王恢之畫設馬邑之謀自元光以迄征和四五十載之間征匈奴四十餘舉盛餘踰廣漢絕梓嶺封狼居禪姑蘇梁北河觀兵渤海刈單于之旗剿閼氏之首探符離之窟掃五王之庭納休屠昆耶之附獲祭天金人之寶斬名王以千數馘酋虜以萬計既窮追其散亡又摧破其積聚虜不暇於救死扶傷疲困於孕重墮殖元封初躬執武節告以天子自將懼以兩越之誅彼特號為威震匈奴矣後漢班固武帝述曰世宗曄曄思弘祖業疇咨熙載髦俊並作厥作伊何百蠻是攘恢我疆宇薄于四荒武功既抗亦迪斯文憲章六學統一聖真封禪郊祀祭旅百神協律改王饗茲永年魏陳王曹植漢武帝贊曰世宗光光文武是攘威震百蠻恢拓土疆簡定律曆辨脩舊章封天禪土功越百王周庾信漢武帝聚書贊曰獻書路廣藏書府開秦儒出谷漢簡吹灰芝泥印上玉匣封來坐觀風俗不出蘭臺


漢昭帝

漢書曰昭皇帝諱弗武帝子也母曰趙婕妤好本以有奇異得幸婕妤有奇指不

中及有及生帝亦奇異列生

四月又曰昔周成以孺子繼統而有管蔡四國

流言之變孝昭幼年即位亦有燕蓋上官逆謀之亂成王不疑周公孝昭委任霍光各因其時以成名大矣哉承孝武奢侈弊師旅之後海內虛耗戶口減半知時務之要輕徭薄賦與民休息至始元元鳳之間匈奴和親百姓充實舉賢良文學問民所疾苦議鹽鐵而罷榷酤尊號曰昭不亦宜乎後漢班固昭帝述曰孝昭幼冲冢宰推忠燕蓋詩張實啟實聰罪人斯得邦家和同魏文帝周成漢昭論曰或方周成工於漢昭帝僉高成而下昭余以為周成王體上聖之休氣稟賢妣之貽誨周召為保傅呂尚為太師口能言則行人稱辭足能履則相者導儀目厭威容之美耳飽仁義之聲所謂沉漬玄流而沐浴清風者矣猶有咎悔聆二叔之謗使周公東遷皇天赫怒顯明厥咎猶啟諸金滕稽諸國史然後乃悟不亮周公之聖德而信金縢之教言豈不暗哉夫孝昭父非武王母非邑姜養惟蓋主相則桀光體不承聖化不胎育保無仁孝之質佐無隆平之治所




謂生於深宮之中長於婦人之手然而德與性成行與體并年在二十七早  
智夙達發燕書之許亮霍光之誠豈將有啓金滕信國史而後乃寤哉使  
夫昭成均年而立易世而化質臣而治換樂而歌則漢不獨少周不獨多  
也魏丁儀周成漢昭論曰成王昭帝俱以襁褓之幼託於冢宰流言讒  
興此其艱險相似者也夫以發金滕然後垂泣與計日力使覺詐書明之  
遲速既有差矣且叔父兄子非相嫌之處異姓君臣非相信之地霍光罹  
人謗而不出周公賴天變而得入推此數者齊本而論未計重而况輕漢  
昭之優周成甚明者也成王秀而獲賞其美在終昭帝苗而未秀其得在  
始必不得已未論二主余與夫始者

漢宣帝

漢書曰孝宣皇帝諱詢字次御史帝曾孫戾太子孫也太子納史良娣生  
皇孫皇孫納王夫人生皇帝号曰皇曾孫生數月遭巫蠱事太子良娣皇  
孫王夫人皆遇害曾孫坐繫郡邸獄溲吉爲廷尉監治巫蠱憐曾孫之無  
辜使女徒乳養私給衣食至後望氣者言長安獄有天子氣上遣使

之內者令郭穰夜至郡邸獄吉拒閉不得入曾孫賴吉得全因遭赦高才  
好學然亦喜遊俠聞雞走馬具知閭里奸邪吏治得失時會朝請舍長安  
尚冠里身足下有毛卧居數有光耀昭帝崩無嗣霍光徵昌邑王賀賀淫  
亂廢光奏遺宗正德至尚冠里舍沐浴賜御府太僕以軫轎車奉迎曾孫  
就齊宗正府封爲陽武侯群臣上璽綬即皇帝位 又曰宣帝始立謁見  
高廟大將軍尤參乘上內嚴憚之若芒刺在背後張安世代光參乘天子  
從容肆意甚安 又曰孝宣之治信賞必罰綜覈名實政事文學法理之  
士咸精其能至于技巧工匠器械自元成間鮮能及之者亦足以知吏稱  
其職民安其業也遭值匈奴乖亂推亡固存信威北夷單于慕義稽首稱  
蕃功光宗祖業垂後嗣可謂中興侔德殷宗周宣矣 荀悅漢紀曰孝宣  
任法審刑綜覈名實聽斷精明事業修理下無隱情是以功光前世号爲  
中宗然不甚用儒術是以德化不能純備宋後漢班固宣帝述曰中宗  
明明寅用刑名時舉博納聽斷惟精柔遠能邇輝耀威靈龍荒漢朔莫不  
來庭丕顯祖烈尚於有成





後漢光武帝


東觀漢記曰世祖光武皇帝高祖九世孫出自長沙定王定王生春陵節侯春陵本在零陵郡節侯孫孝侯以土地下濕元帝時求封南陽蔡陽白水鄉因故國名曰春陵上隆雅日角大口美鬚眉身長七尺三寸仁智明達多權略樂施愛人在家重慎畏事勤於稼穡兄伯升好俠突上事田作比之高祖兄仲上歸舊廬望見廬南有火光以爲人持火呼之光遂赫然屬天有頃不見上異之初伯升之起也諸家子弟皆亡逃自匿曰伯升殺我及聞上至絳衣大冠乃驚以爲獨伯升如此謹厚者亦爲之 又曰王莽遣大司徒王尋大司空王邑將兵來征莽欲盛威武王齊則虎豹犀象奇偉猛獸以長人巨無霸爲中學校尉秦漢以來師出未嘗有也時漢兵八九千人二公兵以五六十萬到遂環昆陽城作營且圍之數百重有流星墜尋營中正晝有雲氣如壞山直下營而不及地尺而散吏士皆厭伏上選精兵三千人與戰大破之殺司徒王尋赴水溺死者以萬數渚水爲之不流更始以上爲大司馬遣之河北安集百姓破邯鄲誅王郎入宮

叔文書尋得吏民謗毀上言可擊者數千章上會諸將燒之曰令又側子自安也更始遣使者立上爲蕭王又擊破銅馬受降適畢賊亦兩心上勅降賊各歸勒兵待上輕騎入按行賊營賊曰蕭王推赤心置人腹中安得不投死由是皆自安 又曰諸將請上尊號初王莽時上與伯叔及姊弟鄧晨攬人蔡公坐語少公道誠言劉秀當爲天子或曰是國師劉子駿也上戲曰何用知僕非也坐者皆大笑時傳聞赤伏符不見文章軍中所上未信到鄣上所與長安同舍諸生強華自長安奉赤伏符詣鄣與上會羣臣復伏固乃舍有司設壇鄣之千秋亭六月即皇帝位 素宏漢紀曰南頓令欽生光武皇帝諱秀字文叔 帝王世紀曰春秋興夏少康之起有田一成有衆一旅若漢之策命世祖不階成放之資平暴反正遂建中興夏少康同美矣 續漢書曰昔羿寒浞篡夏數十年少康生爲牧人能修德復夏厥勳大矣然尚有虞思及靡有鬲内外之助至於光武承王莽之篡起自仄庶一民尺土靡有憑焉發迹於昆陽以數千屠百萬非膽智之至孰能堪之討賊平亂克復漢業號稱中興雖初興者無以加之矣中



國既定柔遠以德愛慎人命下及至賤武功既抗文德聿修動績弘矣  
薛瑩漢紀曰王莽之際天下雲亂英雄並發其跨州據郡僭制者多矣人  
皆有異於非望然考其聰明仁勇自無光武儔也加以寬博容納計慮如  
神是以任光寶融望風景附馬援一見覩顏識竒故能以十數年間掃除  
羣凶清復海內豈非天人之所輔贊哉古者師不內御而光武命將皆授  
以方略使奉圖而進其有違失無不折傷意豈文史之過乎不然雖聖人  
其猶病諸 袁松後漢書曰前漢自成哀已下天地縱橫巨猾竊命劉氏  
舊澤猶存而瞻烏之望殆絕世祖以眇眇之亂起白水之濱身屈無妄之  
力位舉羣賢並列于時懷璽者十餘建旗者數百高才者居南面疾足者  
爲王公茫茫九州分由切潞潞蒼生塵消鼎沸戎鎗之以仁風驅之以  
大威雪霜被而茨棘枯橫網振而逆鱗掃羣材畢湊人鬼與能數年之間  
廓清四海雖曰中興與夫始創業者庸有異乎誠哉馬生之言固已窳廓  
大度同符高祖又等太宗之仁恭孝宣之明一人之體其殆于周故能享  
有神器據乎萬葉之上矣 魏後漢蔡邕光武濟陽宮碑曰王室中微哀

平短祚姦臣王莽偷有神器十有八年罪盈惡孰天人致誅帝乃龍見白  
水淵躍昆滇破前隊之衆殄二公之師收兵略地經營河朔於是群公諸  
將據河洛之文協符瑞之徵僉曰歷數在帝踐祚允宜乃以建武元年六  
月卽位于鄗縣之陽五成之陌祀漢配天罔失舊物享國三十有三年方  
內又安蠻夷率服巡狩太山禪梁父皇代之遐迹帝者之上儀罔不畢舉  
道德餘慶延于無窮先民有言曰樂樂其所自生而禮不忘其本是以虞  
稱媯汭姬媯周原皇天乃眷神宮實始于此厥路藐哉所謂神麗顯融越  
不可尚小臣河尹瑋來在濟陽願見神宮追惟桑梓懷述之義用敢作頌  
其辭曰赫赫炎天爰曜其輝篤生聖皇貳漢之微稽虔虔則誕育靈姿黃  
髮作憲纂握天機帝赫斯怒爰整其師應期潛見扶陽而飛禍亂克定群  
凶殄夷匡復帝載萬國以綏巡于四岳展義省方登封降禪升于中皇爰  
茲初基天命孔彰子子孫孫保之無疆 魏陳王曹植漢二祖優劣論  
曰客有問余曰夫漢二帝高祖光武俱爲受命撥亂之君此時事之難易  
論其人之優劣孰者爲先余應之曰昔漢之初興高祖因暴秦而起遂誅



強楚先有天下功齊湯武業流後嗣誠帝王之元勳人君之盛事也然而名不繼德行不純道身沒之後崩亡之際果令凶婦肆醜酷之心嬖妾被入豕之刑亡趙幽囚禍殃骨肉諸呂專權社稷幾移凡此諸事豈非高祖寡計淺慮以致然彼之雄才大略傲儻之節信當世至豪健壯傑士也又其梟將畫臣皆古今之鮮有歷世之希覩彼能任其才而用之聽其言而察之故兼天下有帝位流巨勳而遺元功也世祖體乾靈之休德稟貞和之純精通畫中之妙理韜亞聖之懿才其爲德也聰達而多識仁智而明恕重慎而周密樂施而愛人值陽九無妄之世遭炎光厄會之運殷爾雷發赫然神舉用武略以攘暴興義兵以掃殘神光前驅威風先逝軍未出於南京莽已斃于西都夫其溢滌凶穢勦除醜類若頓迅風而縱烈火曬白日而掃朝雲也爾乃廟勝而後動衆計定而後行師故攻無不陷之壘戰無奔北之卒是以群下欣欣歸心聖德宣仁以和衆邁德以來遠故實融聞聲而影附馬援一見而歎息股肱有濟濟之美元首有穆穆之容敦睦九族有唐虞之稱高尚純朴有藪皇之素謙虛納下有吐握之勞留心庶事有日昃之勤乃規弘跡而造皇極創帝道而立德基是以計功則業殊比隆則事異旌德則靡愆言行則無穢量力則勢微論輔則力劣卒能握乾圖之休徵應五百之顯期立不刊之遐迹建不朽之元功金石播其休烈詩書載其勳懿故曰光武其後也

漢明帝

東觀漢記曰孝明皇帝世祖中子也母光烈皇后初讓尊位爲貴人故帝年十二以皇子立爲東海公三歲進爵爲王幼而聰明敏智容兒壯麗世祖異焉數問以政議應對敏達謀慮甚深溫恭好學敬愛師傅所以承事兄弟親密九族內外周洽世祖愈珍上德以爲宜承先序詔廢郭皇后立陰貴人以爲皇后上以東海王立爲皇太子治尚書備師法兼通四經略舉大義博觀群書以助術學 又曰建武四年皇子陽生豐下銑上顏赤色有似堯上以赤色名之曰陽年十三通春秋上循其頸曰吳季子 宋崧後漢書曰皇帝諱陽一名莊字子麗 華嶠後漢書曰世祖既以吏事自嬰明帝尤任文法撓攬威柄權不借下值天下初定四民樂業戶口滋



殖中興以來追蹤宣帝以鍾離意之廉淳諫爭懇懇常以寬和爲首以此推之難得而言也 薛瑩漢紀曰明帝自在儲宮而聰允之德著矣及臨萬機以身率禮恭奉遺業一以貫之雖夏啓周成繼體持統無以加焉是以海內又安四夷賓服斷獄希少有治平之風號曰顯宗不亦宜乎 范曄後漢書曰帝善刑理法令分明日晏坐朝幽枉必達外內無佞曲之私在上無矜大之色斷獄得情考居前世十二故後之言事者莫不先建武永平之政然而鍾離意宋均之徒尚以察惠爲言夫豈弘仁之度未優乎

**賈** 賈傳玄漢明帝贊曰肅矣孝明伏法任刑勤綜萬機察下以情未弘道治用致太平專信俗儒非禮之經 **漢** 漢傳毅明帝誅曰惟此永平其德不回恢廓鴻績遐方是懷明明肅肅四國順威赫赫盛漢功德巍巍躬履聖德以臨萬國仁風弘惠雲布雨集武伏蚩尤文騰孔墨下制九州上保皇極豐美中世垂葦億載冠冕佩舜踐履五代三雍既洽帝道繼備七經宣暢孔華淑著明德慎罰專上師傅薄刑厚賞惠慈仁恕明並日月無有偏照譬如北辰與天同耀發號施令萬國震懼庠序設陳禮樂宣布爽

職所建靡不奄有膏篚納賦如歸父母正朔永昌冠帶僖耳四方共貫八極同軌

漢和帝

東觀漢記曰孝和皇帝章帝中子也上自岐嶷至於總角孝順聰明寬和仁孝帝由是深珍之以爲宜承天位年四歲立爲太子初治尚書遂兼覽書傳好古樂道無所不照上以五經義異書傳意殊親幸東觀覽書林閱篇藉朝無寵族惠澤沾濡外憂庶績內勤經藝自左右近臣皆誦詩書德教在寬仁恕並洽是以黎元寧康萬國協和符瑞八十餘品帝讓而不宣故靡得而紀 帝王世紀曰孝和之嗣世正身履道以奉大業賓禮耆艾動式舊典宮無嬪嬙鄕衛之燕園無般樂遊畋之豫躬履至德虛靜自損是以屢獲豐年遠近承風 范曄後漢書曰自中興以後逮于永元雖頗有施張而俱存不擾是以齊民歲增關土世廣偏師出塞則漢北地空都護西指則通驛四萬豈其道遠三代術長前世將服叛懷來自有數也

**漢** 後漢蘇順和帝誅曰天王徂登率土奄傷如何吳穹奪我聖皇恩德



累代乃作銘章其辭曰恭惟大行配天建德陶元二化風流萬國立我蒸  
民宜此儀則厥初生民三五作剛載藉之盛著於虞唐恭惟大行爰同其  
光自昔何爲欽明允塞恭惟大行天覆地載無爲而治冠斯往代往代疇  
嶠諸夏嬪命爰茲發號民樂其政奄有萬國民臣咸秩天孝備矣闕宮有  
洫由昔姜嫄祖妣之室本枝百世神契惟一彌留不豫道場末命勞謙有  
終實惟其性衣不制新屨王遠屏履和而行威稜上古洪澤滂流茂化沾  
溥不慙少留民斯何怙獻歆成雲泣涕成雨昊天不弔喪我慈父 後漢  
崔瑗和帝誄曰玄景寢曜雲物見微馮相考妖遂當帝躬三載四海鴻容  
八音如喪考妣擗踊號吟大隧既啓乃祖玄宮永背神器升遐皇穹長夜  
冥冥曷云其窮

藝文類聚卷第十二

藝文類聚卷第十三


帝王部三 魏武帝 魏文帝 吳大帝 晉武帝 晉元帝

晉成帝 晉康帝 晉穆帝 晉簡文帝 晉孝武帝

宋武帝 宋孝武帝

魏武帝

魏志曰太祖武皇帝沛國譙人諱操字孟德漢相曹叅之後也時曹騰爲  
中常侍大長秋養子嵩嗣父嵩官至太尉太祖少機警有權數而任俠放  
蕩不治行業故世人未之竒也唯梁國喬玄南陽何顛謂太祖曰天下將  
亂非命世之才不能濟也能安之者其在君乎初相帝時有黃星見於楚  
宋之分遼東殷植善天文言後五十歲當有真人起於梁沛之間其鋒不  
可當也至是凡五十年而公破袁紹天下莫敵矣 魏陳王曹植武帝  
誄曰於惟我王承運之衰神武震發群雄殄夷拯民于下登帝太微德美  
旦奭功越彭韋九德光備萬國作師寢疾不興聖體長歸華夏歛淚黎庶  
含悲神翳功顯身沉名飛敢揚聖德表之素旗乃作誄曰於穆我王曹稷



TIFFEN Color Control Patches

© The Tiffen Company, 2007

累代乃作銘章其辭曰恭惟大行配天建德陶元二化風流萬國立我蒸  
民宜此儀則厥初生民三五作剛載藉之盛著於虞唐恭惟大行爰同其  
光自昔何爲欽明允塞恭惟大行天覆地載無爲而治冠斯往代往代疇  
嶠諸夏媼命爰茲發號民樂其政奄有萬國民臣咸秩天孝備矣闕宮有  
洫由昔姜嫄祖妣之室本枝百世神契惟一彌留不豫道場末命勞謙有  
終實惟其性衣不制新屨王遠屏履和而行威稜上古洪澤滂流茂化沾  
溥不慙少留民斯何怙獻歆成雲泣涕成雨昊天不弔喪我慈父 後漢  
崔瑗和帝誄曰玄景寢曜雲物見微馮相考妖遂當帝躬三載四海鴻容  
八音如喪考妣擗踊號吟大隧既啓乃祖玄宮永背神器升遐皇穹長夜  
冥冥曷云其窮

藝文類聚卷第十二

藝文類聚卷第十三


帝王部三 魏武帝 魏文帝 吳大帝 晉武帝 晉元帝

晉成帝 晉康帝 晉穆帝 晉簡文帝 晉孝武帝

宋武帝 宋孝武帝

魏武帝

魏志曰太祖武皇帝沛國譙人諱操字孟德漢相曹叅之後也時曹騰爲  
中常侍大長秋養子嵩嗣父嵩官至太尉太祖少機警有權數而任俠放  
蕩不治行業故世人未之竒也唯梁國喬玄南陽何顥謂太祖曰天下將  
亂非命世之才不能濟也能安之者其在君乎初相帝時有黃星見於楚  
宋之分遼東殷墟善天文言後五十歲當有真人起於梁沛之間其鋒不  
可當也至是凡五十年而公破袁紹天下莫敵矣 魏陳王曹植武帝  
誄曰於惟我王承運之衰神武震發群雄殄夷拯民于下登帝太微德美  
旦奭功越彭韋九德光備萬國作師寢疾不興聖體長歸華夏歛淚黎庶  
含悲神翳功顯身沉名飛敢揚聖德表之素旗乃作誄曰於穆我王曹稷



胤周賢聖是紹元懿允休先侯佐漢實惟平陽功成績著德昭二皇民以  
寧一興詠有章我王承統天姿時生年在志學謀過老成奮臂奮邦讎身  
上京表與我王兵交若神張陳肯誓傲帝虐民擁徒百萬虎視朔濱我王  
赫怒戎車列陳武卒爐闕如雷如震撓搶比掃舉不決辰紹遂奔北河朔  
是實振旅京室帝嘉厥庸乃位丞相惣攝三公光受上爵臨君魏邦九錫  
昭備大路火龍玄監靈蔡探幽洞微下無僞情姦不容非敦儉尚古不玩  
珠玉以身先下民以純樸聖性嚴毅平修清一唯善是嘉靡疏靡昵怒過  
雷霆喜踰春日萬國肅虔望風震懾既揔庶政兼覽儒林躬著雅頌被之  
瑟琴茫茫四海我王康之微微漢嗣我王匡之群策弱動我王服之喁喁  
黎庶我王育之光有天下萬國作君虔奉本朝德美周文以寬克衆每征  
必舉凶夷實服功踰聖武翼帝生世神武鷹揚左鈇右旄威凌伊呂年踰  
耳順體愉志蕭軋軋庶事氣過方叔直並南嶽君國無窮如何不弔禍鍾  
聖躬奪離臣子皆世長終兆民號咷仰想上穹旣以約終令節不衰旣即  
梓官躬御綴衣璽不存身唯紳是荷明器無飾陶素是嘉旣次西陵幽閨

啓路群臣奉迎我王安厝窈窕玄宇三光不入潛闈一扁尊靈永載聖上  
臨穴哀號靡及群臣陪臨佇立以泣云此昭昭於彼冥冥永乖兆民下君  
百靈千代萬葉曷時復形

**魏文**

文帝爲武帝策文曰痛神曜之幽潛

哀鼻祖之虛置舒皇德而詠思遂膈臆以莅事矧乃小子夙遭不造堯堯  
在戎嗚呼皇考產我曷晚棄我曷早群臣子輔奪我哀願猥抑奔慕俯就  
權變卜葬旣從大隧旣通漫漫長夜窈窕玄宮有晦無明曷有所窮幽簿  
旣整三官駢羅前驅建旗方相執戈棄此宮庭陟彼山阿

**魏文帝**


魏志曰文皇帝諱丕字子桓武帝太子也爲五官中郎將嗣丞相爲魏太  
子太祖崩繼位爲丞相魏王延康元年受禪于漢爲帝初帝自許昌南征  
諸軍兵並進孫權臨江拒守帝幸廣陵收城臨江觀兵戎卒十餘萬旌旗  
數百里江表傳曰魏文帝出廣陵欲伐吳臨大江歎曰吳據洪流且多  
糧穀魏雖武騎千隊無所用之乃還吳錄曰魏文帝至廣陵臨江觀兵  
見波濤洶涌歎曰此固天之所以隔南北也遂歸

**魏陳王曹植文帝**



誅曰天震地駭崩山墮霜陽精薄景五緯錯行哀殊喪考思慕過唐辨踴  
 郊野仰翹穹蒼考諸先紀尋之哲言生若浮寄德貴長傳朝聞夕逝死志  
 所存皇雖殪沒天祿永延何以述德表之素旃何以詠功宣之管絃乃作  
 誄曰元光幽昧道究運遷軋迴曆數簡聖授賢乃眷大行屬以黎元龍飛  
 踐祚合契上玄五行定紀改號革年明明赫赫授命自天風偃物化德以  
 禮宣詳惟聖質岐嶷幼齡研幾六典學不過庭潛心無內抗志高明才秀  
 藻朗如玉如瑩聽察無響視觀未形其剛如金其勁如瓊如水之潔如砥  
 之平爵功無重戮違無輕心鏡萬機鑒照下情宅土之中率民以漸道義  
 是圖弗營厥險六合通同齊契共檢導下以純民由樸儉紳冕崇麗銜統  
 惟新尊肅禮容瞻之若神方牧妙舉欽於恤民虎將荷節鎮彼四隣朱旗  
 所勒九壤披震嗜克不若孰敢不臣懸旌海表萬里無塵回回凱風祁祁  
 甘雨稼惟歲豐登我稷黍家佩惠尹戶蒙慈父在位七載九功仍舉將承  
 太和絕跡三五宜作物師長為神主壽終金石等筭東父如何奄忽摧身  
 后土俾我梵苑靡瞻靡顧嗟嗟皇穹穹寧忍乎明鑒吉凶體達存亡深垂  
 典制申之嗣皇聖上虔奉是順是將乃啓玄宇基干首陽擬跡穀林追堯  
 纂唐合山同阪不樹不疆塗車鞠靈珠玉靡藏百神警侍賓于幽堂於是  
 侯大隧之致功陳元辰之淑禎潛華體於梓宮憑正殿以居靈倬晏駕之  
 旣俟感容車之速征浮飛魂於輕霄就黃墟以藏形背三光之昭晰歸窀  
 窆之冥冥嗟一往之不返痛閔闈之長宿魏陳王曹植慶文帝受禪  
 章曰陛下以聖德龍飛順天革命允荅神符誕作民主乃祖先后積德累  
 仁世濟其美以暨于先王王勤恤民隱劬勞戮力以除其害經營四方不  
 遑殄處是用隆茲福慶光啓于魏陛下承統續戎前緒克廣德音絜靜內  
 外紹先周之舊跡襲文武之懿德保大定功海內為一豈不休哉 又慶  
 文帝受禪上禮章曰陛下以明聖之德受天顯命良辰即祚以臨天下洪  
 化宣流洋溢宇內是以溥天率土莫不承風欣慶執贄奔走奉賀闕下况  
 臣親體至戚懷歡踴躍魏文帝讓授禪表曰臣聞堯禪重華舉其克  
 諧之德舜授文命采其齊聖之美猶下咨四岳上觀璇璣今臣德非虞夏  
 行非二后而承曆數之詔應選授之命內自揆撫無德以稱日許由疋夫

善美和






循拒帝位善卷布衣而逆虞詔臣雖鄙蔽敢忘守節 魏辛毗等勸進表曰古先聖王所以受天命而不辭者誠急於蒼皇天之意副四海之望不得已也 魏相階等勸進表曰臣等以為天命不可稽神器不可黷昔周武中流有白魚之應不待濟而大號以建舜受禪大麓桑陰未移而已陟帝位所以祗承天命者若此之速也故無固讓之義不以守節為貴必信於神靈而符合於天地也

吳大帝

吳志曰孫權字仲謀漢以孫策遠修貢職遣使者劉琬加錫命琬語人曰吾觀孫氏兄弟雖各才秀明達然皆祿祚不終唯中弟孝廉形兒奇偉骨體不恒有大貴之表又最壽策薨以事授權 江表傳曰堅為下邳丞時權生方頤大口目有精光堅異之以為貴象及堅亡策起事江東權常隨從性度弘朗仁而多斷好俠養士 吳曆曰曹公出濡須權數挑戰乃自乘船從濡口而入公見舟船器仗徒伍整肅喟然歎曰生子當如孫權為劉景升子若侏犬耳 吳志曰孫權屈身忍辱任才尚計有勾踐之英奇人之傑矣故能自擅江表鼎峙之業性嫌忌果於殺戮既於末年彌以滋甚至于讒說殄行亂嗣廢斃豈所以貽厥孫謀以燕翼子者哉其後葉淩遲遂致覆國未必不由此也 謀 晉陸機吳大帝誅曰我皇明明固天寔生體和二合以察三精濯暉育慶懷諒載榮率性而和因心則靈厥靈伊何克聖克仁茂對四象克配乾坤齊明日月考祥鬼神誕自幼冲淑折筮昭甄化無形探景絕曜巍巍聖文文武既俊有覺德微兆民欣順將熙景命經營九圍登跡岱宗班瑞舊圻上玄匪惠早零聖暉神廬既考史臣獻貞龍輔啓殞香載紫庭辰旒飛藻以旗舉銘崇華媚燦翠蓋繁纓千乘結駟萬騎重營簫鼓振響和鑿流聲動軫闔闔永昔承明顯步萬官幽駢百靈隨化太素即宮杳冥億兆同慕泣血如雲

晉武帝

王隱晉書曰世祖武皇帝文帝太子也文帝初開晉國立為世子拜撫軍大將軍嗣相國文帝崩魏帝命上為相國晉王十一月受禪于魏有獻雉頭裘者上曰異服奇伎典制所禁也宜於殿前燒裘上與羊祜張華謀伐



吳朝士莫知也潛乃籌量虛實為戰備孫皓面縛輿觀降有司奏晉德隆茂光被四表吳會既平六合為一宜勒封岳以彰聖德詔曰此盛德之事所宜未議帝諱曰世祖武皇帝諱炎字安世晉書晉潘岳世祖武皇帝誅曰粵若稽古帝皇誕受休命作我晉室赫赫文皇配天並日大行龍飛創制政物沉恩汪濊流澤洋溢上齊七政下綏萬邦四門穆穆五典克從惟清緝熙於變時雍愛盡事親教加百姓于喪過哀在祭餘敬后鸞冕服躬籍粢盛六伐畢奏九功咸詠行敦醴懌思貫玄妙莅政端位臨朝光曜胄子入學辟雍宗禮國老恂恂貴遊濟濟莫孝匪子莫悌匪弟化自外明訓法以禮獮彼吳楚稱亂三代世歷五僞年幾百載邊垂虔劉王化阻闕羽檄星馳鉦鼓曰戒帝御群師奉辭奪旅腹心庭爭爪牙疑沮天監獨照聖策乃舉朝服濟江止戈曜武野無交兵役不淹月偕号歸命稽顙晉闕邪界壺流傍納百越表閭旌善德音爰發虞人獻箴周書垂誥酒懼其彝獸戒其冒干我人行縱心所好動不唯矩性與道與厭厭酣飲樂不辨顏栢栢振旅田無遊盤我德如風民應如蘭靡不夙夜無敢宴安務農望歲時或不稔小心翼翼恤民以甚御坐不怡撤膳賑廩西流垂精南金仰施永言孝思天經地義問誰贊事英彥髦士問誰翼侍博物君子潛明神鑒從衆屈已道濟群生為而不恃先天弗違後天降時萬物熙熙懷而慕思顛隕縉紳不謀同辭巖巖岱宗想翠旗恭惟大行功成不居議寢封禪心栢冲虛策告不足太平有餘七十二君方之費如思樂天德等壽嵩華如何寢疾背世登遐遷幸梓宮孤我邦家龜筮既襲吉日惟良永指太極寧神峻陽群后擗踴長訣輟轉聖靈斯顧豈伊不傷家無遠邇邦靡小大四海供職同軌畢會茫茫源野亭亭素蓋縞輅解駕白虎弭旒龍輅即定女闈載荷如天斯崩如地斯傾哀哀庶寮筑筑自慙彼蒼者天胡寧斯忍聖君不返我獨旋軫家範晉張華武帝哀策文曰感大饗之無虧哀躄俎之虛設叩龍輅以長叫痛靈暉之潛逝其辭曰欽惟皇考體道之真德伴乾坤齊曜三辰應期登禪協于天人上虔郊祀下惠兆民憲章唐虞允得其津搜揚仄陋故老是實百揆時序盛業日新恩從雲翔威猶震震江海靜波岷岳無塵四夷率服莫不來臣肅慎奉貢越裳効珍化此弊俗



歸之至淳皆在上聖咸享百年哀哀皇考用不是臻遺厲彌侵景命殞顛  
舍此昭晰即彼幽玄仰瞻靡怙廓若無天終制尚儉率由典度華幕弗陳  
器必陶素不封不樹所在惟固賙法來世是則是慕大隧既啓吉日將征  
鍾鼓雷震白虎抗旌龍螭駮首良駟悲鳴倡者振鐸挽夫齊聲背此崇殿  
將適下庭玄宮竊窺脩夜冥冥光燈永戢幽闇長宵仰誨皇穹零淚屏營  
云誰能忍寄之我情結心墳隴永憑聖靈

晉于寶晉武革命論曰帝  
王之興必俟天命苟或代謝非人事也文質異時興建不同故古之有天  
下者栢皇粟陸以前爲而不有應而不求執大象也羲黃世及以一民也  
堯舜內禪體文德也漢魏外禪順大名也湯武革命應天人也高光爭伐  
定功業也各因其運而天下隨時隨時之義大矣哉古者敬其事則命以  
始今帝王受命而用其終豈人事乎其天意乎

晉元帝

晉中興書曰中宗元皇帝諱睿字景文世祖咸寧二年生于洛陽初誕有  
神光之異一室盡明所籍葉如始刈及長白毫生日角之左眼有精曜唯

侍中譙國嵇紹少而異之謂其友曰琅瑯王毛骨非常殆非人臣之相惠  
帝幸臨漳中宗從駕是時中宗叔父東安王繇爲成都王穎所害懼禍及  
謀出奔其夜月明禁衛甚嚴不能得去有頃天暴風雨晦暝微者四散中  
宗間得脫及遷鎮建業以顧榮爲軍司馬禮接名豪設官分職隱恤士庶  
百姓歸心焉初性好酒王導深以爲誡乃命左右進觴躬引覆之自是不  
復飲也愍帝爲胡賊劉粲所沒中宗素服出大舉哀三日於是百僚稱上  
尊號帝固讓百僚又固請中宗慨然流涕曰吾木琅瑯王諸賢見逼不已  
乃乎呼奴命駕將反國群臣不敢復逼乃求依魏晉故事爲晉王許之愍  
帝崩于平陽百僚更上尊号是日即皇帝位 晉陽秋曰太安中童謡曰  
五馬浮渡江一馬化爲龍永嘉大亂王室淪覆唯琅瑯西陽汝南南頓彭  
城五王獲濟至是中宗登柞先是五鐸見于晉陵靈數玄感若合符契

策又 晉郭璞元皇帝哀策文曰永惟殷乎之廓寂悲曩典之莫歆感鸞  
輅之晏駕哀衮裘之委衿痛聖躬之遐往長淪景於太陰乃作策曰王之  
不極百六作艱鴉集瓊林鯨躍神淵懷愍失據海覆岳巔蠹蠹六合罔不




倒懸靈慶有底見龍在田誰其極哉我后先大人承運重明繼作撫征  
淮海駭命再廓仁風旁靡神化潛鑠處冲思挹居簡行約聖敬日邁玄心  
逾溟用物與能惣攬群略林無滯才山無遺錯恩靡不懷化靡不祛茫茫  
海域款塞慕義萬里同塵罔匪王隸熙熙遺黎莫知其寄括終宇宙混同  
天地曰功永年曰德慶隆奈何氛厲奮集聖躬大業未恢皇齡未中天惜  
其景崑頽其崇嶢筑小子藐藐孤冲靡天何戴靡地何憑恍惚極慕若存  
若終喪焉無聞廓焉長寂聆音靡瞻瞻顏失靚窮號曷訴叩心誰告何悲  
之哀何痛之酷嗚呼我皇逢天之戚嗚呼哀哉眇然升遐即安玄室煌煌  
火龍赫赫朱鞞終焉永潛曷其有出明訓長絕小子何述望皇增欲臨崩  
慟慄哀兼陟方痛過過密靈稟安之反真復實永合元漠終始得一

晉元帝答劉琨等令曰今方岳牧伯之任股肱腹心之臣萬邦之內九服  
之外咸見翼戴以隆天威是用辭不獲已而居王位尋覽所陳私旨優遠  
孤方當匡復帝祚豈可猥居極位昔有夏克復賴靡文之勲周宣中興由  
申邵之佐二公鎮御幽朝忠以衛上建功極難實憑遠略夷難雪耻於是

**表**


晉劉琨勸進元帝表曰不奉之運古今迭有宗子有明德曷當

不由多難以隆中興故猥狃殘周以改冒王巨猾竊漢乃發光武陛下天  
授至德聰明神武勞謙恭己早以自牧體伯禽經營之誠行公旦吐握之  
事上崇勤王之義下垂庇民之章收羅俊乂任賢以能綏爰陝東化流無  
外戎狄荒服請事率職重譯納貢不遠萬里功高德邵遐邇歸心况陛下  
道邁大宗勳莫與二且以親以賢義實兼之是以現敢緣天文人事徵祥  
之應昧死上事以奉尊號願陛下無常心以群心為心忘其身為萬物為  
公則宗廟蒸嘗不替於今逆虜通寇一討而滅無負於天下無愧於七后  
矣 又表曰臣聞台宿在天實承辰極股肱雖卑同體元首臣負乘前朝  
過充三吏國之崇替有與憂喜臣聞德合兩儀者固以四海為公智周萬  
物者不以一身為私舜禹揖讓以陟帝位湯武征伐以濟時難彼四王者  
遵會不同登受有異至夫外已存物憂世遺躬其致一也期於愛民治國  
應變合道以為天下利而已矣况宗廟是陛下之宗廟百姓是大晉之百  
姓耶陛下若忽七廟之重拒天人之心絕而不繼困而不拯則宗廟不歆



其裡祀群生無所措其手足矣况臣班具臣之列荷累世之恩上懷國家之統俯絕烏鳥之情者哉昔伍員發怒手撻平王之墓灌夫慷慨身蹇吳淩之旗皆能宣其臣節據其私忿戮尸斬將存亡罔恨臣誠無若人之才實有此人之憤苟得上憑天威展其微効雖隕九泉猶以明白 又表曰陛下之躬執謙光允恭克讓俛從吏議示撓萬機布曠蕩之詔開自新之路海隅漸惠朔南警聲有生之倫咸被嘉慶陛下量包宇宙明伴三辰靈祇稽應華戎同戴加以王室中微那基將絕遺民元元屬命陛下陛下以德則無所與讓言事固所宜荷誠宜遺小禮存大務援據圖錄居正宸極上副祖宗之心下一兆庶之望臣聞必也正名前聖大之春秋傳曰名以出信名苟不正則事有不從信苟不立則禮義或怨乃載籍之明誠開塞之所由也 又表曰臣聞天生蒸民樹之以君所以對越天地司牧黎元聖帝明王鑒其若此知天地不可以無饗故屈其身以奉之知黎元不可以無主故不得已而臨之社稷時難則戚蕃定其傾郊廟或替則宗折纂其祀所以弘振遐風式固萬世自元康已來艱禍繁興永嘉之際氛

彌昏宸極失御登遐醜裔國家之危有若綴旒天不悔禍大灾荐臻國禾亡難寇害尋興逆胡劉曜縱逸西都王上幽劫復沉虜庭神器流離再辱荒逆臣每覽史籍觀之前載厄運之極古今未有在食土之毛含氣之類莫不叩心絕氣行號巷哭况臣荷寵二世位廁鼎司承問震惶精爽飛越臣聞昏明迭用否泰相濟天命無改曆數有歸或多難以固邦國或隱憂以啓聖明是以齊有無知之禍而小白為五伯之長晉有驪姬之難而重耳以主諸侯陛下玄德道於神明聖姿合於兩儀應命世之期紹千載之運符瑞之表天人有徵中興之肇圖讖垂典自京畿殞喪九服崩離陛下撫寧江左奄有舊吳柔服以德伐叛以刑抗明威以懾不類杖大順以肅宇內純化既敷則率土宅心義風既暢則遐方企踵昔少康之隆夏訓以為美談宣王之興周詩以為休詠况茂勳格于皇天清暉光于四海蒼生顯顯莫不欣戴聲教所加願為臣妾者哉且宣皇之胤唯有陛下億兆攸歸曾無與二天祚大晉必將有主主晉祀者非陛下而誰是以邇無異言遠無異望謳歌者無不吟詠徽猷獄訟者無不思于聖德天地之際既交



華裔之情允合一角之獸連理之木以爲休徵者蓋有百數冠帶之倫要荒之衆不謀而同辭者動以萬計是以臣等敢考天地之心因函夏之趣昧死上尊号願陛下存舜禹至公之情狹巢由矯抗之節以社稷爲務不以小行爲先以黔首爲憂不以克讓爲事上以慰宗廟乃顧之懷下以釋普天頓首之望臣聞尊位不可久虛萬機不可久曠虛之一日則尊位以殆曠之決辰則萬機以亂陛下雖欲逡巡其若宗廟何其若百姓何

晉成帝

晉中興書曰顯宗成皇帝諱衍字世根肅祖長子也即位後蘇峻及祖約阻兵作逆詔庾亮下壺距之戰于青谿壺等敗績壺死之亮奔江州共陶侃溫嶠率衆下討峻臨陣斬之案晉成帝哀策文闕撰人姓名曰宸極寥廓聖靈遐之哀備物之虛在痛永往之無期乃命史官述德寄辭其辭曰五德代興素靈啓曜離光疊曜三辰重照明明我皇含貞挺妙玄秀夙達履德罔違鳳樓遐邇神宇疑夷文明外潤仁簡內綏舉無道中鑿無幽微韻隆分陽道伴垂拱靜恭清穆與功用疊疊神軌固天收縱爰在陽九

皇綱中替姦豎肆逆牢羅失衛升降艱難協應神契靈祚既保顯揚天命雲霧朝晡兩儀開鏡訓詔阿衡虛已納正九功潛流七德將表方振宏羅稜威電掃芟蕩神衢一我王道昊天不弔降兹大悔天傾其儀地覆其載大業未究神爽遷背哀貫三靈痛流萬代爰初不豫大漸在躬啓手歸全神氣爽中疑哉達識體正履終哀龍旣襲玉容斯幽登醪虛設觴爵靡酬墳隴莫啓聖跡誰修真冥我皇神馬何遊撫膺遐叫迸涕交流三筮告期將歸陵墟陛殯羽翼旋納龍輿玉輪動運錫鸞鳴鶴錫旃徘徊六驥踟躕輕雲蔭軌流風翼車哀哀同軌唯嗷輓夫長號永慕泣涕漣洳大塊獨運終歸其始我后永往寧神千祀悠悠上天執執惟已眇然靡憑廓焉無恃目範令儀徵音在耳

晉康帝

晉中興書曰康皇帝諱岳字世同成皇帝崩上即位憂哀不忍言政一委中書監庾冰案晉康帝哀策文闕撰人姓名曰感廣廈之空寂悲祖莫之虛陳痛皇神之邈遠哀靈景之長泯仰瞻宸極俯憑鸞軒五情摧裂號慟



煩冤遂命國史述德銘勲事以言顯功以名存其辭曰招拒降靈篤生我  
皇岐嶷妙哲幼有珪璋含真發曜蘭風載芳厥初肇建宗國是胤祗承師  
友執心淑慎微猷愷悌金質玉潤固天所啓應茲靈運入繼皇祚龍騰鳳  
迅因假任物惟精委順穆穆我皇風流疑廣聰鑒遐照思心內朗應變無  
方從善如響矩儀可慮法物可象覆燾群生靡物不養如何一旦神遊靈  
爽仰攀櫛躡觸物感想卜吉有期將即玄冥太常既建千乘列庭皓皓與  
服翩翩素旌笳蕭寥唳輓夫齊聲六驥躊躇蕭蕭悲鳴是用增哀雨泣霑  
纓痛貫五內哀切三情道隆名貴德享彌光灼灼皇猷終然允臧垂美兆  
祀芳風休揚

晉穆帝

晉中興書曰孝宗穆皇帝諱聃字彭子康帝子也崩時年十九  
穆帝哀策文闕撰人姓名曰欽明文思允恭克讓忽若布衣忘其矜尚體有示  
無德克神王冕旒兩楹委政元輔內倚公旦外仗尚父郁哉惟文赫斯惟  
武西厭岷河北清伊渚園陵聃修舊京式叙方板長慈風掃天宇休牛歸

馬峯旗卧鼓俾我蒸民擊壤谷與昊天不弔奄背率土哀同遏密痛方創  
鉅日月不居神道之幽三辰吉良五謀同休祖載華庭晏駕崇丘俯執饋  
奠仰攀龍輶爰爰黼翼飄飄素旂感想昔人懷崩抽號聲如震灑涕成  
流

晉簡文帝

晉中興書曰太宗簡文帝諱昱字道方中宗少子也 晉陽秋曰相温始  
以雄盛入輔係以廢立帝雖登祚內不自安初癸惑入太微尋廢海西公  
至是癸惑猶在太微帝惡之謂郗超曰命之修短大所不計故無復往日  
事耶超云大司馬温方內固社稷外布經略非常之事臣以百口保之起  
假還東帝謂之曰致意尊公家國之事遂至於此由吾不能以道匡樹思  
患豫防媿歎之深言何能喻又誦度闡詩云士痛朝危臣哀主辱泣下沾  
衣漣如相續 續晉陽秋曰帝弱而惠異中宗深器焉及長美風姿好清  
言舉心端詳器服簡素與劉惔王蒙等為布衣之遊 **策文** 晉簡文帝哀  
策文闕撰人姓名曰同軌畢至內外成列素旗宿懸輻輳首轍執行於前殿



奉靈輿而遷逝悲神宇之長違痛聖儀之幽翳攀龍輅以號慕撫素臍以泣血爰命史臣叙述聖德揚徽音於飛旌寫哀心于翰墨乃作策曰淳耀發暉皇曆攸膺聖祖啓運哲王遐承恭哉元后光我中興天基徙構朝陽再升皇矣聖考合一履中道心玄玄文明內融湛湛神儀穆穆靈風望之凝秀即之深冲爰在初齡至性自然水鏡一世堂堂重玄情愔素庭賢若丘園遂阿王室婉跡經綸時有汗隆道無屈伸如彼平流泯矣其津大過之時皇德不競天人革心謳歌徒詠時惟伊霍輔運以政欽若昊天祇此明命龍飛九五饗茲萬國居宗舉契允恭玄默綢繆哲輔虛已仗德天明方曜離暉翳朗玄化誰陶蒼生曷仰四運忽其遙邁日月飄以飛沉將寧神於玄宇遷玉輅於中林背華殿之昭晰即幽隧之重深奉神襯以永訣邈終天而莫尋神恍惚其若寄泣橫墜以流襟

晉孝武帝

晉中興書曰烈宗孝武皇帝諱昌明中宗第三子也晉王珣孝武童蒙策曰同軌畢至百司晉書去物夕陳輻輳風駕親執饋莫長號永夜

懼諷刻之端盡哀良辰之莫借悲官宇之寥廓痛聖儀之幽化夫至德無名固理絕稱謂然祝史陳辭亦臣子所貴寄窮情於翰墨庶遺塵之芳馨其辭曰惟皇作極五德迭胤康實復夏武亦隆晉寧暨太宗希表其韻鏡之者玄撫之者順於穆皇考嗣徽絕軌前聖後哲契合一揆心去其伐行遺其美廢華任誠捨筮存旨惟深逼志群方咸秩惟幾成務能事斯畢未若我皇至則不疾恢恢天網疏而莫失居有以虛宰多以少簡則可從易則不擾信及豚魚澤被億兆湛然司契坐一八表園陵旣衛威靈赫赫子來旣構震廟弈弈武曰止戈戎不極役文教聿脩有耻且格跡有遠邇感無高深道之所被改色革音皓默馴死素羽棲林柯柯通理異蒂同根方融玄液陶鑄斯民雲韶候泰比屋思淳積祐莫應天罰卷臻太山頽搆洪瀆竭津何殃之甚何酷之殷自罹旻凶二氣代變霜繁除風迴高殿帷幙空張有祖虛薦極聽無聞詳視罔見人神道殊吉凶有禮龜筮叅謀屢隧告啓史臣考古警者在陛攀援恰恰惟兄及弟龍輿肅以引邁前馳紛以抗旒城闕儼以整列馳道亘以通修感乎昔之所幸豈斯路之復由軌






哀唱以翼衝駢悲鳴而顧翰違華宇之晰晰即永夜之悠悠奉靈輓而長  
訣終終夫而莫收訢穹蒼以叫踊洞五內其若抽儻性命之可贖甘人百  
於山丘茫茫大運靡始不終哲王遺世貴在道融昭哉我皇萬代流風良  
史式述德音永隆

宋武帝

徐爰宋書曰武皇帝彭城縣綬興里人夜生有神光之異室內盡明是夕  
甘露降于墓樹少嘗遊下邳遇一沙門干逆旅舍沙門言及中原多故因  
云江表尋復喪亂能拯之者其唯君乎其意甚切至初高祖患三創積年  
未瘳沙門因出懷中黃散一裹留之沙門既去高祖追而望之條忽不見  
以散治創一傳而愈餘散寶錄之每被金創輒用有驗高祖舉目瞻睇常  
見二龍在焉始尚微小及貴龍形漸長光色轉明左右侍者亦數見徵異  
又曰君相轉進貴不可言唯願富貴無相忘高祖比征至洛陽常有紫雲  
見於軍上沈約宋書曰帝諱裕字德興小字寄奴初為冠軍孫司馬桓

女慕帝位遷天子於潯陽相修入朝高祖從至京邑玄見高祖語司徒王  
謐曰昨見劉裕風骨不恆蓋人傑也上清簡寡欲嚴整有法度未嘗視珠  
玉輿馬之飾後庭無絲竹之音寧州嘗獻琥珀枕光色甚麗將北征以琥珀  
珀治金創上大悅命搗碎分賜諸將平關中得姚興從女有盛寵以之廢  
事謝晦諫即時遣出宋臺建有司秦東西堂施高脚牀銀塗釘上不許使  
用直脚釘用鐵孝武帝大明中壞上所居陰室其處起玉燭殿與群臣觀  
之床頭有土障壁上挂葛燈籠麻繩拂侍中袁顛盛稱上儉素之德故能  
光有天下克成大業者焉宋謝靈運武帝誄曰九有同悲四海等哀  
矧伊下臣戀徘徊敢遵前典式述聖徽乃作誄曰舜潛歷巖高聃泗渚  
龍德而隱風積乃舉皇之遁世也難方阻眷此區靈閔爾淪胥太元之季  
權威携薄隆安之初王相蒙弱嶽牧糾虔朝廷紛錯妖橫乘隙蛟噴鯨躍  
旣擾輿區遂斥帝廛亂離斯瘼不後不先是賴明哲授手康旃紀度迴薄  
餘分成閭舊晉中微僞楚籍纂躡彼潛機整此英陣推亡必朽固存斯振  
盧循負險肆慝遐嶺殄我江稼迫我臺首民旣搖蕩國將遷鼎乘騶歸轅



式固皇境弘危濟險艱難釋殆虎騎驚隰舟師漲海傾穴尋窠窮幽測昧  
昔去洛汭息肩江泚世更十君年踰百祀國絕興復家成桑梓荒默莫恤  
賴國誰耻夏典載禹九道是行商誥述湯兼攻是并勤彼周流協此經營  
仗鉞伐鼓赫赫明明乃勅衆師竟執戎昭誨以三略惠以六韜雲撤周京  
席卷秦郊復禮前塋雪愧舊朝既清西關將旋東道中憇徐豫兼應燕趙  
業盛曩代惠伴大造澤及四海功格八表悠悠聲教綿綿川陸北獻甕表南  
貢金竹鬢首冠弁穿胃歛服寒宥欣日巢栖玩屋匪惟遐譚靈物偕就孰  
是人事自天所祐甘露芝草祥瑞瑞宿嘉木連木素鳥皓獸昔之所感詭  
頌同音今之所應幽顯一心宋克虞德晉猶唐欽曰惚八紘于茲二齡四  
維開張九流昭明敦倫務素欽賢愛萌制規作訓闡校修經禮樂已甄雲  
雨未弘將陟井陘薄掃白登北朔渴望飛旌衡軻東岱靈遲玉牒金騰天  
地不仁蒼生寡福已荷一遇棄我何速梁顛太頽甘頽以贖同軌畢至率  
土咸哀殊方均服藥藥素纒灑淚成雨響叫如雷史臣考卜高山開基貞  
龜無遠遷靈有期嗣皇辨標群后前悲執云不戚痛百在茲惟祖之夕流

火始變秋月未末飛漏急箭鳴簫哀歎金觴虛莫列駕長隧發輦華殿  
殿既謝長遂是幸雙蓋躊躇六闕引領攀援容貌眷戀俄頃哀哀百僚長  
辭含纓奉教百朝執鞭王始從屐五牧年歷十祀天光下濟認蒙眷齒愧  
微刀筆頗預遊止垂慕侍講接筵食理脩曙朗夕登臺泛沼匪月匪日無  
晏無早如何一旦緬邈穹昊微容未遠聖靈超然收淚即路含戚何言風  
霜蕭瑟山海蒼茫地苦情矜節速心傷孰是幽哀實戀我皇情思如環萱  
蘇豈忘宋宋顏延之武帝謚議曰以爲聖哲同風功美殊稱蓋出乎道  
者無方故刑于物者不一伏惟道塞人神信通期運愛敬所稟因心則遠  
英粹之照正性自天體苞潛躍慮周卷舒龍德在陰雖艱貞而不悶因時  
而惕故有來其必亨在晉之季皇塗荐阻攬捨千紀瓊瑛失取天鑒靈武  
民屬聖明不假十室之資不籍百乘之賦首義馳風一鼓靜亂落除泰階  
消殞薄蝕斯亮登庸之基經綸之始者也內難雖弭外圖未輯河華海岱  
負固相望荆濮燕亳侯服交侵春言帝畿周鼎王路戎不再駕遺珉即序  
斥候之所未羈亭徽之所不譯莫不飾誠請罪款塞來賓故能洒掃中獄




致廟九山神道會昌寶命既集損之而益後身愈先既而儀形帝載損讓  
天歷改玉乎文祖班瑞于神宗貫革寢機文武摺笏故展居兩楹坐一八  
表國訓成均之學家沾撫辜之仁大美配天必終之以儉德道固萬業猶  
申之以語言允所謂教思無窮樹之長世取高上代禩選前王矣

宋孝武帝

沈約宋書曰帝諱駿字休龍小字道民文帝第三子也元凶弒逆舉義兵  
克定京邑乃踐帝位年三十五崩在位八年  
**樂文** 宋謝莊孝武帝哀策  
文曰應門洞望馳道南除葢塗已撤鬱壘將虛哀子嗣皇帝擗標池絳周  
遑旌軫攀七緯之崩淪慟三靈之徂盡百神慕而行雲沉萬國哀而素霜  
霄衣冠緬逸弓劍不追敢捐謳頌髮髯希夷其辭曰樞電皇根月瑤國緒  
胤裔丹陵蟬聯華渚二后在天大行纂武克睿克聖重規葉矩昭昭金式  
明明玉溫望雲其遠就日其尊雨露湛冬暖春煦聲芳納薤道昭宵門  
上德無稱至功不器悵悵四始優遊六位綴響蘭深緝言瓊秘悠哉梁踐  
眇焉分肆敬業開寓離經作翰鴻起荆河鷹遊楚漢泗濱宿明江區

陝左清郊棠陰虛館地維不紐乾綱施機義庭薄蝕紫路流飛泣血派涘  
顧瞻川沂孝貴樞極義震寰圍璧鉞皇郊詔師牧回七景締華五雲卷屬  
雪然園邑掃耻瀛縣啓聖寔集寶龍見王室多故國步方蹇淮濟裂冠  
江荆毀冕東楚亂常西華汨興動兼揮圖爰戡爰剪決宙其澄綿區咸鏡  
修風曉逸德星夕映澤露飛甘舒雲結慶禎被動植信泊翔泳軼禮克宣  
墜章必構方堂饗極圓流肆豐南聳郊宮北清靈固瑤軒春藉翠華冬狩  
經緯窮文克定盡武鄙上呈祥介占載佇在盈念元成功弗虞斧鏡中世  
烏奕前古睿業初遠鴻化方亭丹雲承日素景騰星玉几去襲縵衣在庭  
辭重陽之昭昭降大夜之冥冥氣貫炎京史詔龜筮文物空嚴鑿和虛衛  
動簾輳之透遲顧壁羽之容裔出國門分天地向幽途異身世龍旌鬱而  
青槐遠驚葭亂而白楊翳觀初霜之變條聽秋風之下蒂橋山絙雲秋  
虧日輦道結寒松庭盡密芝蓋迫輦上曠春轡萬寓肅其北較靈阿聞其  
深隘南維有時傾離光不常鏡騰英聲與茂實方流華於舞詠



藝文類聚卷第十三

卷中梁威威字去聲讀

藝文類聚卷第十四

帝王部四 齊高帝 齊武帝 齊明帝 梁武帝 梁元帝

比齊文宣帝 陳武帝 陳文帝 陳宣帝

齊高帝

齊書曰高帝諱道成字紹伯蘭陵人受禪于宋在位四年(哀策文)齊王  
儉高帝哀策文曰降階執禮泣血纏心感客臺之罷御哀恭館之不臨仰  
神儀而邈絕視區物而懷陰俾茲良史敬修舊則敢圖鴻規式揚至德其  
辭曰靈源遙廣肇惟商立聖功寧夏賢識歸周我皇踵武起冠前猷英風  
允迪德音孔修月准敷仁日精表孝則地均和體天合照外弘三至內隆  
七教水祀將傾乾維晦象章弁長襲鼓警屬響聲化已淪政刑遂往國圖  
靡緝民規載爽康世以德撥亂資武威以雷霆潤以風雨六術允昭四義  
克舉自東徂北遐方即序功被河濟化隆江漢帝慕仰式王維竹幹改步  
藩屏來登翼翥綱繆總章因循陽館昔在保衡君遠斯正爰茲博陸亦鑒  
靈命放昏以忠登明資敬義煥金石功昭舞詠蠢爾荆漢悖亂人經謀遠



藝文類聚卷第十三

卷中梁威威字去聲讀

藝文類聚卷第十四

帝王部四 齊高帝 齊武帝 齊明帝 梁武帝 梁元帝

比齊文宣帝 陳武帝 陳文帝 陳宣帝

齊高帝

齊書曰高帝諱道成字紹伯蘭陵人受禪于宋在位四年(哀策文)齊王  
儉高帝哀策文曰降階執禮泣血纏心感客臺之罷御哀恭館之不臨仰  
神儀而邈絕視區物而懷陰俾茲良史敬修舊則敢圖鴻規式揚至德其  
辭曰靈源遙廣肇惟商立聖功寧夏賢識歸周我皇踵武起冠前猷英風  
允迪德音孔修月准敷仁日精表孝則地均和體天合照外弘三至內隆  
七教水祀將傾乾維晦象章弁長襲鼓警屬響聲化已淪政刑遂往國圖  
靡緝民規載爽康世以德撥亂資武威以雷霆潤以風雨六術允昭四義  
克舉自東徂北遐方即序功被河濟化隆江漢帝慕仰式王維竹幹改步  
藩屏來登翼翬綱繆總章因循陽館昔在保衡君遠斯正爰茲博陸亦鑒  
靈命放昏以忠登明資敬蕤煥金石功昭舞詠蠢爾荆漢悖亂人經謀遠



樞禁兵接神朔禦新以德禦允以刑獻捷宗寢飲至王庭政教雲行徽猷  
天造山鑑紫宸苑茂朱章玉檢騰輝金繩薦寶天鏡既穆地維既肅遐邇  
一體表裏稔福乃春斯民昧旦扞輶興文偃武績禹舊服所尚惟簡所保  
惟賢居尊彌約無善不延膠庠載緝風軌克宣王洞清儀下達玄泉聽覽  
閑日應物餘景怡慮以文棲心以靜鴻章晨映激言夕永迹在區服情深  
箕穎萬萬殫和百神受職梁甫欣依云亭望式輔德伊何奄指民極嵩岳  
長傾宸睇斯昊機照惟寂達鑿靡傷慎終敬始知微知章立言垂範玉潤  
金相瞻仰遺式哀結流霜旋玉軼之駉鏡動雲旗之逶迤振哀筵於八極  
響清蹕於咸池顧應掖而稍遠視機衡而長離風遲遲而懷暮日惜惜其  
若垂感衣冠於喬岳追弓劍之在斯悼丁年之薄祐訴窮心於兩儀表  
梁江淹齊高帝讓禪表曰陛下遠視唐虞永揖之典近慕漢魏高謝之禮  
既鑒金水昏明之數又協雲雷興替之徵若乃與能之交禪錫之會豈伊  
盧薄所可遵擬昔傳巖佐商秩終上公礪溪翼周名極列伯臣才非半古  
功隗逮建獄訟不佳謳歌寧歸河之馬圖之寶天無乘龍之錫伏願陛下  
遺舜禹之心俾臣守巢由之節則道曜日月澤浸飛泳

齊武帝

齊書曰武帝諱績字宣遠在位十一年議梁沈約齊武帝謚議曰臣聞  
天德平分而四時之名或異聖功一揆而皇王之稱不同蓋跡因隨事名  
由義立堯臣禹佐成率茲典伏惟盡寂窮微含神獨照德茂始蒙之主道  
居初耜之君含精靈於五緯駕貞明於三象初九勿用英氣交雲負揭日  
月仰揚霄漢龍安鳳采煥若麗天登庸在試盛績雲舉雖屈景潢汗降情  
尺木而拯世濟民浚發懷抱昔成湯百家仁被比屋文王十里化先寡妻  
前聖後賢重規杳矩震雄圖於九江播靈威於夏汭旌布未塵鯢鯢自殞  
弗勞羗燹之長無待六事之人義等伐謀功高善陣建有國之符成定鼎  
之業會朝清明事資於牧野受命作周非止於西伯視瞻寢門孝德光備  
守器宗祧元良載遠嗣大寶以君百辟敷景化以致隆平守在四夷威行  
海內固圉寂寞禮讓交興八柄馭下九官咸事臨朝凝默尊嚴若神風行  
日烜無思不暢至仁與造化爭流靈威與雷霆齊軌上貫蒼昊下洞深泉




春無凄風夏無苦雨時若罔愆多稔如積三革不累五刃不砥庠塾大啟  
儒雅雲集訓閱得宜蒐狩有序丹微青丘之野跂踵反舌之民浮深駕阻  
迴首革面比夷畏力獻琛內欸不藉終軍之使無假絕漠之威嘉祥霧合  
秘瑞泉涌史不輟文簡無虛日方當垂七曜之旗駕八龍之乘望禮中嶽  
肆觀羣后造化不仁穆卜飭應纂切遺弓衣回過密晦朔不居殯宮將啓  
勤茲大名宜盡徽極

齊明帝

齊書曰明帝諱鸞字景柶在位五年  
袁策 梁沈約齊明帝哀策文曰龍  
箴既徹備物已陳殯宮無夜夕煠終辰號環輟輟攀標應路容衛弗改軒  
檻如故望東川而不追仰昊天而自訴列聖同軌謚法樹聲爰詔掌牘式  
播遺英其辭曰五曜在天逆作民主赫矣帝高蒸哉嗣武多難固業隱憂  
啓聖時惟我皇功符受命爰始濡足坐運機深鵬逝風舉龍動雲陰之郢  
南沂即豫西臨體茲大德懷此小心賓于四門四門穆穆約于百揆百揆  
言前德浸莫茶仁被比屋何遠何適無思不服嗣君喪道不式典謨神器

業業事等瞻烏民懷與主后來其蘇皇天眷命授以籙圖臨朝疑昧昧已  
不顯斟酌前王擇其令典不言斯應不行斯踐路臺靡管離官弗宴春言  
膠塾弘啓上庠軌儀四代祖述三王德禪內動英華外揚禮行罇俎義及  
幽荒仰庶天德降年永久北極齊光南山獻壽滄溟奄蜺嵩岱皆朽殄非  
昊穹惟余之咎攀龍詎幾大隊玄玄猷世崇陞即宮下泉殯階已遽素慕  
高塞端闡洞啓唇緋徐前背朱闕以南轉乘翠龍而東度經原野之荒涼  
屬西成之云暮伐金鼓以清道揚悲笳而啓路極厚地而不追終蒼天而  
永慕蒼梧晦遠眷微不泯紀事寂寞龜書可循哲王違世克播遺塵倚歎  
萬古暉光日新  
齊謝朓明皇帝謚策文曰仰惟早棄萬邦聖列方  
遠式遵帝世俾望鴻猷咸以爲無名以化則言擊莫宣其道有來斯應則  
影響庶圖其功所以永言配命寄心宗極光昭令德允樹風聲伏惟合信  
四時齊光日月創保大於登庸通機神於受命因時以揚藉九萬而輕舉  
天保既定運四海而高臨及開物成務重維國紐風行草偃化往如神左  
賢右戚內樂外禮輯五材以教民申三驅而在宥用能盛德殷薦美善斯



畢皇矣之業既孚蒸哉之道試備景化方遠猷世在天龜筮告期遠日無  
改仰則前王俯詢百辟累德彌睿允極鴻名梁沈約齊明帝謚議曰  
臣聞君德靡二辟王之名不一聖功無爽堯禹之稱或殊兼以拯世寧亂  
致平未必同道崇壇增桃嘉號不可相襲伏惟自天誕眷英聖在躬皇矣  
之符夙著萊哉之誣早集賓門納揆天平地成自南自北無思不遵在屬  
負圖導揚未命值嗣主狂凶人倫道盡宗社隳危瞻烏靡託國難立長亂  
極治刑四海樂推三靈以眷東向而讓天下功高代入流涕而膺寶位如  
就重負日吳劬勞躬親庶事撫享納隍之念義同於罪已振民厚下之情  
無廢於終食聰明神武迅聽通聞萬目備張絃綱廓瀛御轡不迷寧藉聽  
於曩野大川可濟不待備於舟楫崢嶸之下澤靡不懷寥廓之上明無不  
燭包以宇宙潤以風雨霜露所交人跡所至百姓仰之而不知其始萬物  
用之而罔識其終上庠廢業忽焉已久三載弗爲淪施將及臨朝引領思  
隆雅訓貴遜胥萃俊造成羣方將駭世及本既仁且壽告成東嶽高宴汾  
陽造化不仁猷世云及放勳之慕不追負鄒之思空遠頌官將撤輶軫難

留英聲茂實於是乎在 梁任昉齊明帝謚議曰以爲窮神之跡無繼  
成名教思所宗言歸於有稱是以則天爲大義盡於翼善武功受命理貫  
於斯文伏惟功高五讓道冠三極愛敬始於揚名孝饗終乎嚴配寥廓大  
度誕君人之符闡庭小節應軌物之訓歷試允諧納揆時序貽厥之寄義  
均負圖揆棟惟新壓焉將及於是承制宣德定策公卿登嗣后於西鍾及  
獨夫於侯服旣而主幼時艱仍離屯蹇應當璧之祥注息肩之願立德以  
長紹開中興擬度天行取則乾健日昃罷朝幽枉必達官曹寂寞園行空  
虛虎門肆義大足協律巖廊有縉紳之談鄉塾無橫議之士旣富而教弘  
此孝治遂使家無蕩子野有樞敵寘天下於掌握覽八荒於戶牖寵微金  
穴之家恩絕椒風之館天應民和祥符摠暨故能上變雲物下漏深泉若  
乃青丘丹陵之國黃銀紫玉之瑞幽符遠萃詢德報功方將馳道日觀清  
宮鳴澤爲而不恃高揖成功百川所以朝宗參辰於焉取正豈所謂中衢  
均奠懸衡共軌者歟齊謝朓爲百官勸進齊明帝表曰臣聞時乘在  
御必待先天之業神化爲皇乃叶應期之運况復湯孫有緒纂堯惟德舊






邦竹新復禹歸社大齊之權與寶曆孕育前古昭假四海克酬三靈而嗣  
命疾威蕃鄙叛換委裘御寓彝鼎如忽陛下文思體道御齊作聖剪應龍  
於冀州戮長蛇於沮水榮光之瑞昭迥近喜之寶潤色天賡爰發人謀咸  
贊伏願陛下仰蒼靈祇弘宣景命誕受多方奄宅萬國啓梁沈約賀齊  
明帝登祚啓曰竊惟皇源浚遠帝寶連暉基深慶厚道貫萬葉而鬱林凶  
德早樹行悖人經遜聽之所末書宗廟之殆如綴百雷聳動九服迴違結  
后来之望思庇民之主日月以異遐邇翹心狀惟陛下大聖在躬君德夙  
表龍章日綵煥若麗天納麓寶門道風遐被春化神行無思不洽獄訟允  
歸天人戴仰屈飛龍之恥轡紆汾陽之遠情運堯心以臨億兆敷舜烈以  
膺寶命雖中宗之興殷道宣后之隆漢德異世同符千載一揆刑措之業  
方遠隆平之基在焉幸土含欣懷生戴賴況臣早蒙覆潤夙荷恩靈踴躍  
外畿心不勝慶謹縉民和式流聖澤金歌里林戴懷鳧藻

梁武帝

梁書曰武帝諱衍字叔達蘭陵人受禪于齊在位四十九年


梁元帝

高祖武皇帝謚議曰臣聞聖善傳聖曰堯仁聖感明曰舜多神成功曰禹  
除虐去殘曰湯謚者行之跡號者功之表雖賤不誅貴卑不誅尊而彰乎  
名者威德之嘉號也被於物者治定之實錄也斯所以聲明煥乎鍾石昭  
晰備於絃管者焉伏惟天縱欽明惟養作聖功超三五聲論七十仰之彌  
高就之彌遠載潛載躍乃武乃文先是木運告終琴后改屬乾維罔搆地  
紐如崩桃祀帖危公卿肝食九牧有淪胥之悲八表興橫流之歎乃凝威  
黑水表瑞丹陵雲合景從表重稟福受終文祖允恭克讓知黔首不可以  
無歸養生不可以無主降汾陽之遠志不得已而臨之於是類帝種宗革  
命劍制禘郊式展啟薦斯絜臨茲大寶化與和氣俱宣扇此王風政與秋  
霜並肅言懸日月功格區宇不以紫宸爲貴不以黃屋爲尊政謚刑措民  
殷國阜虹旌式卷堡燧載清胥象相因環栝無曠天衢亭秦王道升平南  
海候風東溟奉鬻膏露凝枝慶雲觸石山開蒼壁地出玄珪驃騎把鉞別  
休屠歛塞大尉抗旌則名王變角聲教所漸浹靈蛇之都威令所行通燭  
龍之外開庠建序布濩於成均正俗移風氛氳於司樂虛納十亂引諒直




之規廣闢四門弘招賢之德青衿知擊壤之性黃髮恣鼓腹之歡加以鐵  
味微言研精至道文終所物之典史倚所讀之書無輟萬機日且千遍馳  
郁郁之聲表乾乾之德允所謂皇哉君哉日用而不知者矣方且告成岱  
嶽鏤升中之王簡昭事梁甫秘禮首之金繩而文王明夷事伴往冊黃帝  
橋山痛深前典萬有淪傷三辰掩曜人祗軼慕山海含悲慟切陟方哀深  
過密煩冤荼毒貫切心髓風樹不靜陟帖何期思所以欽若九功仰稽七  
德勅梁沈約武帝踐祚後與諸州郡勅曰欽惟遂古爰及近代雖禪代  
異時而成功一揆豈惟靜民寧亂實由符運摠集故能啓業垂統光宅區  
夏齊氏邁茲昏詖斯亡奄及民命蠢蠢倒懸非喻朕大懼四海舟覆二象  
雲傾億兆與岷峒並燦播紳與纒崇共日永言悽悼發憤經營推鋒投袂  
電擊風掃藉上天之靈因熊羆之用德未半古功伴前烈齊民既欽若虞  
夏高揖萬邦兼以冥符先著樂推攸在幽顯宅心辭不獲命假以虛奠君  
臨萬國川壑之懷寤寐盈慮方欲昧旦丕顯日昊忘勞思與賢能康濟世  
道御旌旄萬里共治是寄當求民瘼留念獄市威斷以御強惜仁惠以

貧孤使遠近幽深咸得其所方虛位欽能懸爵俸効勿令漢代雷書獨行  
於自古晉世班條靡用於茲日想加克勉副其側席梁任昉齊宣德  
皇后臨朝答梁王令曰承固茲謙揖禾膺大典敬復雅旨良有憮然夫至  
寂難原言象所絕教思有律感通斯在所以異人者神明同人者用舍王  
誣茲上春對越天行德冠二儀化周羣動生民以來一人而已但達節弘  
道每濡跡於中庸神照惟幾不抑心於鑽仰范宣既讓其下取則况聖圖  
睿範歌思是歸廉約雖弘慶賞遂替誠賢者悅義長難進之風不肖者矜  
功沮竭力之効勸沮之間所差已遠王何得不暫紆雅尚亢答天人使朕  
夜艾以安早朝有預令遣率茲百辟申薦誠欵萬致一塗煩言可略又  
敦勸梁王令曰夫功在不賞故庸勲之典蓋關施伴造物則謝德之塗已  
冥要不得不強爲之名使銓宰有寄王實天生德齊聖廣淵重構參辰而  
九星仰止不易日月而二儀貞觀在昔晦明隱鱗鼓翼博通羣籍而讓齒  
乎一卷之師劍氣凌雲而屈跡於萬夫之下辯折天口而似不能言文擅  
彫龍而成輒削薰爰在弱冠首膺弓旌客遊梁朝聲華藉甚隆昌季年勤



王始著建武惟新締構斯在功隆賞薄嘉庸莫疇一馬之田介山之志愈  
厲六百之祿大樹之號斯存及擁旄司部代馬不敢南牧推轂樊鄧胡塵  
罕嘗夕起惟彼狡童窮凶極虐衣冠泯絕禮樂崩喪既而鞠旅誓衆言謀  
王室白羽一麾黃馬底定甲旣躡下車亦瓦裂致天之屆拱揖羣后豐功  
厚利無得而稱是以祥光摠至休氣四塞五老遊河飛星入昴元功茂勳  
若斯之盛而地狹乎四履勢卑乎九伯帝有惡焉輜軒萃止今遺率茲百  
辟人致其誠庶匪席之旨不遠而復重敦勸梁王今日朕聞疋夫好仁  
義在磨踵君子行道達斯兼濟未有盡器窮神蘊微章乎天植高奧中樽  
觀傾壘而弗極惟王德冠往初功無與二四時等契兩曜齊明擬度天行  
取則乾健而運距艱季道極百一援義而起一戎大定羅山草闕不率  
從用使商庭產菴周闕樹梓傾宮旣散鹿臺靡著盛德大業巍巍若此日  
者事岐之號爰發帝言殊物備禮率由寡昧雖復雲罕載路清蹕啓行昭  
德報功未臻其極而高揖天休遠存克讓俾予未亡與慙日吳今遺率茲  
百辟人致誠請庶有感眷心霽然降志梁任昉爲百辟勸進梁王歲

曰伏承嘉命佇策明公遠巡感禮斯實謙尊之旨未窮遠天之致何者  
君棄常自絕宗社國命民生剪爲仇讐折棟崩椽糜焉自及卿士懷輔斯  
之痛黔首懼比屋之誅明公亮格天之功杯水火之切再踵日月重綴參  
辰反龜玉於塗泥濟斯民於坑岸使夫疋婦童兒羞言伊呂鄉校里塾耻  
談五霸位卑乎阿衡地狹於曲阜明公宜祇奉天人允膺大禮無使後予  
之歌同彼胥怨兼濟之仁繼爲獨善又牋曰近以朝命蘊崇冒奏丹誠  
奉披還令未蒙虛受措紳顛顛深所未達蓋聞受金於府通人之弘致高  
蹈海隅疋夫之小節是以履乘石而周公不以爲疑增玉璜而太公不以  
爲讓況世折繼軌先德在民經綸草昧嘆深微管加以未方之役荆河是  
依班師振旅大造三室雖復累跡救宋重砥存楚居今觀古曾何足云而  
惑甚盜鍾功疑不賞皇天后土不勝其酷是以玉馬駁奔表微子之去金  
版出地告龍逢之怨明公據鞍輒哭厲三軍之志獨居滄涕激義士之心  
故能使海若登祗磬圖効社山戎孤竹東馬景從伐罪弔民匡時靖亂匪  
叨天功實勤濡足且明公本自諸生取樂名教道風素論坐鎮雅俗不習



孫吳構茲神武舉盡誅之氓濟必封之俗龜玉不毀誰之功歟獨為君子  
 將使伊周何地某等不達通變實有愚誠不任恠款棘心重謁伏願特膺  
 典策式副民望

**序** 梁沈約武帝集序曰文思安安欽明所以光宅日月  
 光華南風所以興詠日角之主出自諸生銳頂之君少明古學漢高宋武  
 雖闕章句歌大風以還沛好清談於暮年夫成天地之大功膺樂推之寶  
 運未或不文武兼資能事斯畢者也我皇誕縱自天生知在御清明內發  
 䟽通外典爰始貴遊篤志經術究淹中之雅旨盡曲臺之奧義莫不因流  
 極源披條振藻若前疑往滯舊學罕通而超然直詣妙技終古善發談端  
 精於持論置壘難踰推鋒莫擬有同成誦無假含毫興絕節於高唱振清  
 辭於蘭畹至於春風秋月送別筵歸皇王高宴心期促賞莫不超挺睿興  
 濤發神采及登庸歷試辭翰繁蔚成記風動表議雲飛彫以小藝無累大  
 道懷君人之大德有事君之小心為下奉上刑於辭旨雖密奏忠規遺榮  
 必削而國謨藩政存者猶多逮乎俯應歸運仰修乾錄載筆握簡各有司  
 存如輪之旨時或染翰暨於該處靈囿惟樂在鑄鹿鳴四牡皇華棠棣之

代木采薇出車杜之謙皆評志摘藻廣命羣臣上與日月爭光下與  
 鍾石比韻事同觀海義等窺天觀之而不測遊之而不知者矣竊唯左史  
 記言右史記事君舉必書無論大小沈乎感而後思思而後積積而後滿  
 滿而後言若斯而已哉謹因事立名隨源編次

梁元帝

梁書曰元帝諱繹字世誠武帝第七子也嗣位三年表陳沈炯為羣臣  
 勸進梁元帝初表曰蠢爾羯胡遂憑天邑間闔受白登之辱免魏致堯城  
 之疑臣聞憂君有君春秋之茂典以德以長先王之通訓少康則收衆撫  
 職祀夏所以配天平王則居正東遷宗周所以卜世漢光以能補不道故  
 景歷重昌中宗以不違羣議故江東可立天其祚梁必將有主軒轅得姓  
 存者二人高祖五王代實居長功高九有道濟生民非奉聖明誰嗣下武  
 日月貞明太陽不可以闕照天地貞觀乾道不可以久惕寶器在手至重  
 介石慎於易差黔首豈可以少選無君宗祐豈可以一日無主

又


第二表曰紫宸曠位亦縣無主百靈奮動萬國廻違雖醒醉相扶同歸景




毫或謳且誦趨赴唐郊陛下沈首謗然讓德不嗣臣聞星迴日薄擊雷鞭  
電者之謂天岳立川流吐霧蒸雲者之謂地包天地之混成洞陰陽之不  
測而以財成萬物者其在聖人乎故云天地之大德曰生聖人之大寶曰  
位貴屋廟堂之下大非獲已所安明鏡四衢之鑄蓋由應物取訓陛下稽  
古文思英雄特達比以周旦則文王之子方之放勛則帝摯之季十年旦  
暮可不在斯庭闈湮亡鍾鼎淪覆嗣膺景業非陛下而誰豈可使赤眉更  
立盆子隗囂託置高廟陛下方復從容高讓用執謙尊展其懿行僞書証  
罔正朔見機而作斷可識矣不疑何上無待著龜日者公卿失馭禍纏膏  
極種羯憑凌奸臣互起師戎伐穎無處不然勸乎誅晉側足皆爾宗社不  
墜繫在聖明今也何時而申帝啓之避凶危若此方陳太伯之辭國有具  
臣誰敢奉詔 又第三表曰王者百司岳牧仰祈宸鑒以錫珪之功既歸  
有道當辟王之禮凡屬聖明而優詔謙冲宥然疑說詭歌載馳是用翹首  
楚人固執燠丹穴以求君周民樂歸越岐山而事主漢王不即位無以貴  
功臣光武止蕭王豈謂紹宗廟陛下英威茂略雄圖武義指擒則丹浦不  
戰顧助則阪泉自蕩地維絕而重絢天柱傾而更植縱陛下拂衣而遊廣  
成登倉山而去東土羣臣安得仰訴萬物何所歸仁况郊祀配天壘籥禮  
瞻齋宮清廟匏竹不陳豈可久稽衆議有曠彝典 陳徐陵勸進梁元帝  
表曰臣聞封唐有聖還承帝譽之家居代維賢終纂高皇之祚至如金行  
重作源出東莞炎運猶昌枝分南頓莫不因時多難俱繼神宗者也陛下  
握符執鉞將在御天玉勝珠衡先章元后神祇所命非惟太室之祥圖書  
斯歸何止堯門之瑞星躔東井時破嶺潼雷震南陽初平華邑宗王啓霸  
非勞武德之侯清蹕無虞何事長安之邸正應楊龍旆以饗帝御鳳袞以  
承天歷數在躬疇與爲讓豈可逡巡固讓方求石戶之農高謝君臨徒引  
箕山之客未知上德之不德唯見聖人之不仁

比齊文宣帝

比齊書文宣帝曰諱洋字子進受禪于後魏在位五年 **哀策** 比齊邢子  
才文宣帝哀策文曰臯路啓扉輻輳敢弛殞八校案部六卿且引攀屨輅而  
雨泣仰穹蒼而撫心悲風發而地駭愁雲興而景沈哲王垂範有訓有則





式奉話言光敷令德其辭曰四象更運九天伐名通三以王得一為貞是

應玄德實啓蒼精風后之陣師尚之兵三奇六合七變五成授柯推轂稟律襲行野無完陳邑少堅城經營四海劬勞百姓芝蓋夕臨羽旄晨映地不掩瑞天無愛寶既丹其雀又朱其草莫黑已素莫亦自皓百獸斯蹈五靈載擾甘露瀼瀼香龍矯矯武功已暢文教未窮方偃烽候銷戟藏弓齊光日月比祚華嵩而氛稜日下星闇虛中奄指朝市長棄華戎道宣末命義闡餘風六緯已散九旗方卷見容衛之虛歸知平生之日遠同乘雲而永逝異騎龍之更反清箴奏兮野風急金鼓震兮日光晚千官悲而雨注萬國哀而露泣萬事同盡百慮俱收衲烏水去衣冠自遊音儀已謝神教空留知英聲與至德當無絕兮千秋讀北齊邢子才文宣帝諡議曰伏惟聖德光遠神猷弘大初自登庸民譽所集把尺持刀成務斯在百揆載清四門唯穆及天眷既屬人謀所歸鳥獸遷情士女革面敬順天人拱揖羣后處無上之尊居域中之大禮威樂修時和歲稔海內有截天下泰然讀舊勞德兆經營四國同虞舜之巡省若軒轅之歷寧感武紛靈神功暢怨西以百化南自北臨瀚海以浴兵登天山而繼馬左紫石堞東歌成章方朝百神於太華受萬國於崑崙升中增封高拱垂衣而天喪穆庶奄捐四海考妣之慕實被舍生稱天作諫抑唯恒數故以名追實盡物未臻其美屈道從制一日可以成名

陳武帝

宋板缺半字

陳書曰武帝諱霸先字興國吳興長城人受禪於梁在位三年宋沈炯武帝策策文曰望三靈而標目躋九地而崩心哭仍凡之將愾勵祖宋宅之虛斟黃屋稜而白日掩紫極溼而浮雲陰其辭曰悠悠婦木鬱鬱姚墟惟帝之系在唐作虞正御之後握此靈符離雲布族祥星結樞負茲天鏡未捨遺珠爰初發跡斬蛇鞠泆大定番禺載戡海渚承襲而運席卷中流王室如燬乃合諸侯負鐵誓衆釋位同謀俱登涿鹿實斷蚩尤道濟一匡功歸四履爰惣百官訓于天子儻來有運事非獲已翠龜詔字赤雀銜書謳歌適夏禮樂遷虞負屨辰正位升壇受圖二儀協序五緯同符門歌麟趾室詠騶虞奉常定日太卜蠲時升中備物方告雍熙天甘玉露地秀金

皇天卷四


堂

芝休禎未荅靈貺徒欺吏求穆卜詔絕良醫義醒失御天街橛蹕夏采升  
學宮車晏出洞閨移凶充庭罷吉閉宵宵之窮燈去昭昭之遊日歸大暮  
之不陽降幽宮而長畢巫咸筮吉容成戒期文衛如在葆鐸相悲去畢陌  
而東顧望橋山而路遲臣攀帶而尚在竟過沛而何之侍低昂之靈靈奉  
寂寂之空帷銅爵沒於修松平陵厚於深栢節叢鼓之哀音燎燿火於通  
夕薤露落而暮日寒玄霜凝而龍草自銘功德於旌常被徽音於鍾石廻天  
儀於清廟祔祖考而來格播茂實與美聲鬱氛氲於宗祐陳沈炯爲  
百官勸進陳武帝表曰臣聞春榮秋落四時所以迭代金行水流五德所  
以互序昔陶唐告終有虞氏作漢魏禪讓晉宋以之登庸天有非常之功  
有非常之賞能利天下者受天下之利陛下造化之功日用之德養當去  
之物誰仰前項五星夜聚八風通吹豐露呈甘卿雲舒族白狼遠至素雉  
朝飛天意顯然靈貺可觀

陳文帝

陳書曰文帝諱肅字子華嗣位七年夏東陳徐陵文帝哀策文曰恭奉

曉駕帷晨張旌帷具列綽翩成行辭唇輅於丹陛攀龍帷於紫庭趨過  
於屏闈拜慟感於明靈東京飛其瑞露北陸實其祥星乃詔雲臺之史稽  
採咸池之曲叶大雅於鳴金同藏書於羣玉其辭曰若水傳帝薰風御民  
重光所集世載于陳赫矣高祖悠哉上旻蟬聯寶甕暉煥郊禋我皇誕聖  
膺此家慶道主衢罇神凝懸鏡洛書天表河紀靈命約揆馳芳賓門流詠  
稽陰克伐震野勤王臺道增構幽風會昌言瞻少昊實杖高陽駕彼軫轡  
棹園恭儉章陵謙約大寶崇名無聞改作纂武升歷遺愛寔繁三湘九派  
彌氣雲昏力折天柱才傾地門甘泉夜照細柳朝屯谷魅山鬼橫流塞源  
赫赫英暮赴赴雄斷逼行天討無遺神鬱掃江淮長驅巴漢九夷百越  
雷隨風渙比侔昆耶西戡伊軒荷負皇極劬勞庶幾勤民聽政靈食宵衣  
服貴綈阜風移閭闔唐山罷奏濮水韜徽訪採狂狷搜駁及微世感中孚  
民維大畜外戶無閉高垣奚築降情儒雅凝懷庠塾御萬爲歡臨雍彌講  
禮兼三代樂備九成天資武德地照文明墨履斯在矇中自清連珠合璧



曜爽流精獸舞時豫禽歌頌平帝載維遠王靈維大侯雨占風荒中海外  
操彼鞮譯咸承冠帶是曰君臨斯爲交泰白環已賁玄珪克禎東河佇揖  
比狄思征鉞斧將戒玃珩未鳴星淫去楚日沴悲荆兆何興亨曼遽傾  
大禹胼胝重華膳腊仰惟勞務同斯違懌發夢無徵照祈奚益聽茂陵之  
鍾鼓抱喬陽之劍局詎髮髯於宸儀終纏綿於號擗三占以吉四海同奔  
列昭天宇崩跡帝閣千門啓於閭闔萬乘驚於靈輶槐風悲於輦道松雨  
思於郊原靈齋動而虛蹕宿衛靜而空尊畢陌平夷流山蟠固紀無遷市  
唐有通樹經白社之修塗迴青門之廣路思沛邑以東臨懷周京以西顧  
機神不測性道難稱充窮靡寄瑞慕奚 惟封云之與禪肅玉牒之與金  
繩場英聲而永久共日月而俱升

陳宣帝

陳書曰宣帝諱瑒字紹世在位十四年

哀策

隨江惔陳宣帝哀策文曰

望蜃綽而攀標拜龍鼓而慟絕變五統而淒涼迴三辰而慘切感川岳而  
地維傾斷穹蒼而天柱折千秋茂德萬世鴻名爰訂聖禮式序英聲其辭

曰媽水祀宿姚墟大虹謳歌承曆揖讓受終重規帝緒踵武王風名山紀  
迹清廟傳功我后丕承思弘祖業莅政恭已臨朝凝默煥爛九功歲蕤  
德憲章昭著威靈允塞喜友茲發迹天步艱難連華衛比譽應韓羽儀威  
右軒冕朝端祈膺富壁繇顯大橫延喜授玉告善飛旌神器有奉性道無  
名詩頌唐年樂舞姬日仁聲汪濊武義洋溢理訟總街凝情衢室巡望如  
禮幽祗咸秩疆垂板撥闢微虔劉治兵丹浦獲醜青丘屠釣且拔管庫方  
搜如龍駕鼓獻雉焚表天必呈祥地寧愛寶神禽奇獸嘉穀靈草屈軼抽  
階飛黃伏皂緡雲舒慶珠星照老唐敷丘素弘啓膠庠書林吐馥文囿含  
鏘南洽侯衛比暢遐荒散羅自解周圍無傷金英掩色王床弗豫天駟摧  
鑣王良交御鑄鼎奚益綴衣何處漫漫幽夜冥冥上仙長違拜日天意祈  
年寧神卜兆晏駕迴天銅麟感泣銀海埋田出德陽之廣殿動繁笳之哀  
轉渡洛水之浮橋望偃師之近縣背紫陌而未遠隱黃山而不見鐸啓挽  
而依依馬嘶風而戀戀平原欲晦落照將垂鳳蓋飄而水暗鸞蹕聳而山  
危曳蛇旗之舒卷間翠野之參差鳥哀哀而鶯曙松瑟瑟而吟枝異故鄉





之然竹非舊宅之墳荒掃秋葉而無盡薦春櫻而願知北邙已謝西陵何有遠宿蒼梧便垂仁壽聲合韶濩道宣戶牖共瀟海而恒流並嵩華而莫朽

藝文類聚卷第十四

藝文類聚卷第十五

后妃部 后妃

后妃

白虎通曰天子之配謂之后后者何也明海內之小君也 禮記曰古者

天子立后六宮三夫人九嬪二十七世婦八十一御妻以聽天下之內治

以明童婦道故天下內和而家理婦順不修陰事不得譎見於天月為之

食月食則后素服而修六宮之職蕩天下之陰事 又曰舜葬蒼梧蓋三

妃未之從也 舜納三妃生九子娥皇無子史英生商均益比生二女宵明燭光舜不告而娶不立正妃故維納三妃焉 周官曰

仲春詔后師內外命婦始蠶于北郊以為祭服上春詔王后帥六宮之人


生種而獻之於王 毛詩曰關雎后妃之德也風之始也所以風天下而

正夫婦也 又曰葛覃后妃之本也后妃在父母家則志在於女功之事

躬儉節用服澣濯之衣尊敬師傅則可以歸安父母化天下以婦道也

又曰卷耳后妃之志也又當輔佐君子求賢審官知臣下之勤勞內有進

賢之志而無險詖私謁之心朝夕思念至於憂勤者也 又曰樛木后妃



NATIONAL CENTRAL LIBRARY, TAIWAN, R.O.C.

之然竹非舊宅之墳荒掃秋葉而無盡薦春櫻而願知北邙已謝西陵何有遠宿蒼梧便垂仁壽聲合韶濩道宣戶牖共瀟海而恒流並嵩華而莫朽

藝文類聚卷第十四

藝文類聚卷第十五

后妃部 后妃

后妃

白虎通曰天子之配謂之后后者何也明海內之小君也禮記曰古者

天子立后六宮三夫人九嬪二十七世婦八十一御妻以聽天下之內治

以明童婦道故天下內和而家理婦順不修陰事不得譎見於天月為之

食月食則后素服而修六宮之職蕩天下之陰事又曰舜葬蒼梧蓋三

妃末之從也舜納三妃生九子娥皇無子史英生商均益比生二女宵明燭光舜不告而娶不立正妃故維納三妃焉周官曰

仲春詔后師內外命婦始蠶于北郊以為祭服上春詔王后帥六宮之人

生種而獻之於王毛詩曰關雎后妃之德也風之始也所以風天下而


正夫婦也又曰葛覃后妃之本也后妃在父母家則志在於女功之事

躬儉節用服澣濯之衣尊敬師傅則可以歸安父母化天下以婦道也

又曰卷耳后妃之志也又當輔佐君子求賢審官知臣下之勤勞內有進

賢之志而無險詖私謁之心朝夕思念至於憂勤者也又曰樛木后妃

NATIONAL CENTRAL LIBRARY, TAIWAN, R.O.C.




遺下也言能逮下而無疾妬之心焉木下曲曰樛木枝下垂故葛藟得而蔓之上附又曰冬歸斯后妃子孫衆多也言姁斯不妬忌則子孫衆多也物有陰陽欲者無不妬忌唯姁斯不妬各得天氣而生子又曰兕置后妃之化也關雎之化行則莫不好德賢人衆多也又曰朱苜后妃之美也天下和平則婦人樂有子矣尚書曰釐降二女于媯汭嬪于虞嬪嫁尚書大傳曰古者后夫人將侍君前息燭至于房中釋朝服龍燕服然後入御于君雞鳴太師奏雞鳴于陛夫人鳴佩于房中告去也然後應門擊柝告闕也史記曰自古受命帝王及繼體守文之君非獨內德茂也蓋亦有外戚助焉故易基乾坤詩首闕雎書叙釐降春秋譏不親迎夫妻之際人道之大倫也漢書曰漢興因秦之稱號帝母皇太后祖母稱太皇太后正適稱皇后妾稱夫人又有美人良人八子七子之號至武帝制婕妤嬪娥容華充容各有爵位而元帝加昭儀之號九十四等又曰黃帝妃方雷氏生女騶為青陽妃累祖生昌意妃彤魚氏生夷鼓妃嫫母生蒼林應劭漢官儀曰皇后稱椒房取其實蔓延盈升以椒塗室取溫暖惡氣也猶天子朱泥殿上曰丹

堉漢舊儀曰皇尸婕妤乘輦餘皆以茵四人輿以行皇后玉璽文輿帝同皇后春桑皆衣青手採桑以繅三盆蠶示羣妃妾從春桑生而皇后親桑於苑中蠶室養蠶千箔以上君臣妾從桑還獻繭於詒又曰皇帝賜后黃金萬斤又曰皇后食三十縣曰湯沐邑五經要義曰古者后夫人生子月辰則以金環退之當御者著于左手既御著于右手左手陽也以當就男故著左手右手陰也御而復故世本曰帝譽卜其四妃之子皆有天下元妃有邵氏之女曰姜嫄生后稷次妃有娥氏之女曰簡狄生契次妃陳鄆氏慶都生帝堯次妃姬訾氏生帝摯論語武王曰予有亂臣十人孔子曰才難不其然乎有婦人焉九人而已婦人文母也列女傳曰黃帝妃嫫母於四妃之班居下貌甚醜而最賢心每自退又曰啓母塗山之女者夏禹之妃塗山女也曰女嬌禹取四日而去治水啓既生呱呱而泣禹三過其門不入子之塗山獨明教訓啓化其德卒致令名禹為天子啓嗣而立能繼禹之道又曰湯妃有莘之女也德高而名訓正後




宮嬪御有序伊尹爲之媵臣佐湯致王 又曰太姜者太王之妃有台氏之女也賢而有色生太伯仲雍季歷化導三子皆成賢德太王有事必諮謀焉詩曰爰及姜女聿來胥宇此之謂也 又曰太任者王季之妃摯任之女也端一誠莊唯德之行及其有身也目不視惡色耳不聽惡聲口不出敖言澹于豕牢而生文王文王生而明聖太任教以一而知其卒爲周宗君子謂太任爲能胎教 又曰太妣者文王之妃莘妣之女也號曰文母亦思媚太姜太任旦夕勤勞以進婦道文王治外文母治內生子太子太妣教誨十子自少及長常以正道押持之卒成武王周公之德 帝王世紀曰武王妣太公之女曰邑姜修教于內生太子誦 瓚語曰周宣王夜臥而晏起后夫人不出於房姜后既出乃脫簪珥待罪於永巷使其傅母通言於宣王曰妾之淫心見矣至使君王失禮而晏起以見君王之樂色而忘德也亂之興從婢子起敢請罪王曰寡人不德寔自生過非夫人之罪也遂復姜后而勤於政事早朝晏退卒成中興之名 續漢書曰明帝皇后馬氏伏波將軍馬援之女也后年七歲幹治家事制備衙衛出入計

校一以貫之年十三以選入太子宮接侍同列而承至尊先人後已習至誠由是見寵是時後宮未有任育者常言繼嗣當以時立薦達左右惟恐不及身衣大帛御者禿帛不緣諸王親家朝請望見后裙極麗跡以爲綺就視乃笑后曰此繒染色好故用之耳老人知者無不嘆息性不喜出入遊觀又不好音樂上時幸苑囿離宮以故希從誦易經習詩論春秋略記大義后志在克已輔上不以私家干朝庭兄爲虎黃中郎將兩弟黃門郎訖永平世不遷 晉成 車 綬詩曰天地不獨立造化由陰陽乾坤垂覆載日月維重光治國先家道立教起閨房二妃濟有虞三母隆周王塗山興大禹有莘佐成湯齊晉霸諸侯皆賴姬與姜關雎思賢妃此言安可忘 又曰殷湯令妃有莘之文仁教內修度義以處清謚後宮九嬪有序尹爲媵臣遂作元輔 又 賢明頌曰於鑠姜后光配周宣非義不動非禮不言晏起早朝永巷告愆王用勤政萬國以虔 頌 晉劉柔妻王氏姜嫄頌曰英英姜嫄寔德之純摩本靈瑞武敏是遵誕育岐嶷毗贊皇綸播殖之訓萬業攸循 又啓母塗山頌曰塗山靜居玄朗悟幾大禹至公過門



不歸明此道訓孩胤是綏仁哲以成永繫天暉 魏韋謏皇后親蠶頌曰  
千時明庶扇物烏帑昏正躬耕帝藉邁德班令嘉柔桑之肇敷思郊廟之  
至敬命皇后以親蠶俾躬桑于外考時日於巫咸認大十以獻禎御坤  
德之大輅翳翠葆以揚旌爾乃皇英麥乘奎山奉輿繆姜任於後陳載樊  
衛於貳車于乘隱其雷動萬騎祭以星敷啓前路於三官命蚩尤而清衢  
遊青虬於左角步素螭於右隅登崇壇而正位觀休氣於朝陽步雕輦而  
下降手柔條於公桑嬪妾肅以莅事職蠶植而承筐供副禕之六服昭孝  
敬於蒸嘗盛華禮於中宇神化馳於八方乃延羣妾宴賜于前降至貴以  
逮下布愷悌之渥恩禮儀備序巾車迴轅班中黃之禁財散束帛之多  
神澤霈以雨施洪惠播於無原同頌慶於生民發三靈之永歎苞繁枯於  
萬國卷福釐以言旋美休祚於德載登五世之曾玄 晉左九嬪武帝納  
皇后頌曰義我華山峻極太清巨靈導流河清是經惟瀆之神惟岳之靈  
鐘于揚族載育盛明我后穆穆應期挺生含聰體結岐嶷夙成如蘭之茂  
如玉之瑩越在幼冲休有令名飛登八極翕青紫庭起任邈如此德皇英

京室是嘉備禮致聘令月吉辰百僚奉迎登位太微明德日盛羣黎欣戴  
函夏同慶翼翼聖皇睿哲孔純愍茲狂戾闡惠播仁蠲黷滌穢與時惟新  
霈然洪赦恩詔遐震后之踐祚罔國虛陳萬國齊歡六合同欣坤神抃舞  
天人載悅興瑞降祥表精日月和氣烟燼三光朗烈既獲嘉時聿播甘露  
玄雲掩靄靈液霏霏既儲既積待陽而晞長享豐年福祿永綏贊曹植  
姜嫄簡狄贊曰譽十四妃子皆爲王帝肇早崩堯承天綱玄鳥大跡殷周  
美祥稷契既生功顯虞唐 又禹妻贊曰禹娶塗山土功是急聞啓之生  
過門不入女嬌達義明勲是執成長聖嗣天祿以襲 晉傅玄班婕妤書  
贊曰斌斌婕妤履正修文進辭同輦以禮匡君納侍顯德謙對解紛退身  
避害志邈浮雲 又明德馬皇后贊曰明德馬后執貞履素光崇六行動  
遵禮度作后母帝諮厥謀國賴內訓家憲顯祚 晉左九嬪虞舜二妃  
贊曰妙矣二妃體靈應符奉嬪于媯光有此虞沅湘示教靈德永敷 又  
周宣王姜后贊曰昭昭宣王克復前制壺臯姜后乃激乃厲執心至公以  
恢明世 又納楊后贊曰清和協極二儀降靈啓茲楊族仁哲誕生徽音



內發有馥其馨玄符表運作合聖明文定厥祥考卜惟貞良辰納幣三光  
明清元公執摯嘉禮告成卿士庶僚爛其充庭赫赫華宗弁世載榮謙光  
其尊在滿戒盈受茲介福垂祚億齡 晉庾闡二妃像贊曰二妃玄達含  
靈體妙協德坤元配虞齋耀明兩既麗重光作照有逸其微神風遐飭

**歲**

後漢皇甫規女師箴曰觀象制教肇經乾坤家有王義室有嚴君各


有定位陰陽是分昔在軒轅陶化正刑刑于壺闈以臨百官煌煌后妃玄  
統是開穆穆夫人爰採潔繁師禮莫違而神罔時怨關雎首化萬國奉流  
實有淑女允作好速唐媛典媽文武威周德音不回弘濟大繇杏爾庶妃  
鑿路斯邁戰兢兢兢厲省整帶漸進不形變起無外行難著而易喪事易  
失而難退動若順流應如發機奉上惟敬撫下唯慈怨豈在明患生不思  
後漢傳幹皇后箴曰煌煌四星著天垂曜赫赫后妃是則是效舜納二女  
對揚茂教正位于內頑囂輟恭卒亂姐已共則情悅北難亂晨殷祀用絕  
孝成寬柔縱弛紀綱王擅朝權越專椒房巨滑是綠竊弄神器故禍不出  
所憎常出所愛是以在晉明后日新其化匪唯訓外亦訓于內 晉張華

女史箴曰茫茫造化兩儀始分散氣沉形既陶既甄在帝庠羲肇經天  
爰始夫婦以及君臣家道以正而王祿有倫婦德尚柔含章貞一婉婉淑  
慎正位居室樊姬感莊不食鮮禽衛女矯桓耳忌和音志厲義高而二主  
易心玄能攀檻馮媛趨進夫豈無畏知死不恠班女有辭曰歡同輩夫豈  
無懷防微慮遠人咸知飾其容莫知飾其性性之不飾或愆禮正出其言  
善千里應之苟違斯義同衾以疑懼不可以瀆寵不可以專專實生慢愛  
極則遷致盈必損理有固然 晉裴頠女史箴曰骨不厭鮮水不厭清玉  
不厭潔蘭不厭馨爾形信直影亦不曲爾聲信清響亦不濁綠衣雖多無  
貴於色邪徑雖利無尚於直春華雖美期於秋實永璧雖澤期於見日浴  
者振衣沐者彈冠人知正服莫知行端服美動目行美動神天道祐順常  
與吉人 **漢**楊雄皇后誄曰沙麓之靈太陰之精天生聖姿豫有祥禎  
作合於漢配元生成孝順皇姑聖敬齊莊內則純備後烈不光肇初配元  
天命是將志在黎元是勞是勤寅賓出日東秩陽谷鳴鳩拂羽降桑木  
蠶于蠶館躬執筐曲帥道羣妾咸修蠶族分繭理絲女工是勅遐邇蒙祉




中外提福自京逮海靡不仰德去此昭昭就彼冥冥忽兮不見超兮西征  
既作下宮不復故庭後漢崔瑗寶貴人誅曰若夫貴人天地之所留神  
造化之所啟勳華光曜乎日月才出乎浮雲然猶退讓未嘗專寵樂慶  
雲之普覆悼時雨之不廣憂國念主不敢怠違嗚呼哀哉惟以永傷重曰  
積善之家福慶長修身以壽道之常聖人之言義不虛修身復報効莫疏  
令問不忘身猶存貴人雖沒遺德尊者金石垂後昆魏曹植卞太后  
誅曰率土噴薄三光改度陵頽谷踊五行互錯皇室蕭條羽檄四布百姓  
獻歎嬰兒號慕若喪考妣天下猶素聖者知命殉道寶名義之依在亦棄  
厥生敢揚后德表之旒旌光垂罔極以慰我情乃作誄曰我皇之生坤靈  
是輔作合于魏亦光聖武篤主帝文紹虞之緒龍飛紫宸奄有九土詳惟  
聖善岐嶷秀出德配姜嫄不忝先哲玄覽萬機兼才備藝汎納容眾含垢  
藏疾仰奉諸姑降接儕列陰處陽觀潛明內察及踐大位母養萬國溫溫  
其仁不替明德悼彼邊氓未遑冥冥恒勞庶事兢兢翼翼親桑蠶館爲天  
下式樊姬霸楚書載其庸武王有亂孔嘆其功我后齊聖克暢丹聰不出

屏闈心照萬邦年踰耳順乾乾匪陸珠玉不玩躬御綿練日昊忘饑腸樂  
勿讎去奢即儉曠世作顯慎終如始頤和履貞恭事神祇昭奉百靈跼天  
踏地祇畏神明敬微慎獨執禮幽冥處肅宗廟蠲薦三牲降福無疆祝云  
其誠亘享斯祐蒙祉自天何圖凶外不勉斯年嘗禱畫禮有篤無淫豈命  
有終神食其言遺孫在疚承諱東藩躡躑郊吟灑淚中原追號皇妣棄我  
何遷昔垂顧復今何不然空宮寥廓棟宇無烟巡省階塗髮鬢擗軒仰瞻  
帷幄俯察几筵物不毀故而不存痛莫酷斯彼蒼者天遂臻魏都遊龜  
舊邑大隧開塗靈將斯哉歎息霧興揮淚雨集徘徊輻樞魏咄弗及神光  
既幽佇立以泣晉張華章懷皇后誄曰自天陶靈必有徵祥誕在初載  
亦耀神光顯應天祿聿嬪聖享受氣自然寔聽清和內含茂質外發英華  
身履宸極敬恭惟夙窈窕淑媚柔順婉穆宣慈內政流化太微六宮變雅  
清我壺闈經綸庶屬積思萬機既臻緝熙玄澤流衍將翼我后登封降禪  
氛袂告妖沉結彌留奄忽升遐棄世高遊聖上哀懷感切悼心率土縞素  
遏密八音眇眇遊靈行焉所之容光幽邁豈有及期香奩新宮下絕三泉



苾苾陵域合體中原委葉暉章即安太清 晉左九嬪元皇后楊氏諫曰  
昔有莘適殷姜妲歸周宣德中閨徽音永流禁衛二姬臣齊翼楚馬鄧兩  
妃亦毗漢王峨峨元后光嬪晉宇伉儷聖皇比縱往古遭命不永昔陽即  
陰六宮號咷四海動心嗟余鄙妾銜恩特深追慕三良甘心自沉何用存  
思不忘德音何用紀述記辭翰林乃作諫曰惟嶽降神顯茲禎祥篤生英  
媛休有烈光和暢春日操厲秋霜率由四教容德匪荒行周六親德音顯  
揚皇英佐舜塗山翼禹明我后與世同矩云胡不造丁茲禍殃寢疾彌  
留寤寐不康祈禱無應嘗樂無良有始有終天地之經自非三宮誰能不  
零存播令德歿圖丹青溫溫元后寔宜慈焉撫育羣生惠恩滋焉懸名日  
月垂萬春焉 宋謝莊孝武帝貴妃諫曰律谷罷煊龍鄉撥曉照車云  
魏聯城辭趙皇帝痛掖殿之既闕悼水奎之已空巡步櫜而臨蕙路集重  
陽而望椒風國軫喪淑之傷家疑實妣之怨敢撰德於旂旒度圖芳於鍾  
萬其辭曰玄丘烟煴瑶臺降於高唐泄雨巫山鬱雲誕發蘭儀光啓玉度  
望月兮娥瞻星比茲敬德素里棲景震軒處麗締綸出憇蘋繁修詩貫道


稱圖昭言翼訓姚幄賫軌堯門展如之華寔邦之媛敬勤顯陽肅恭崇憲  
奉榮惟約承茲以遜逮下延和臨朝違怨祚靈集祉慶詣迎祥皇胤球式  
帝女金相鸞附齊穎接萼均芳以蕃以牧燭代暉梁視朔書氣觀臺吉稜  
璵衡藏容暈程駸枉掩采瑤光收華紫禁移氣朔兮變羅紈白霜疑兮歲  
將闌庭樹驚兮中睢響金缸駿兮玉座寒仰昊天之日莫報怨凱風之徒攀  
經建春而右轉循閭闔而徑度旌委鬱於飛飛龍逶遲於步步銷楚挽於  
槐風唱邊簫於松霧涉姑射而環迴望樂池而顧慕晨韞解風曉蓋俄今  
山庭寢白隧露抽陰重扇閑兮燈以黯中泉寂兮此夜深鎖神躬於壞末  
散靈魄於天凌 晉潘岳景獻皇后哀策文曰於穆先后儷皇協運  
世宗之胤德博化先用儉禮峻任如隆周后亦母晉終溫且惠其儀淑慎  
既慎其儀克明禮教撫翼審訓成弘操其慈有威不舒不暴乃家乃邦  
是則是効嗟余艱屯仍遭不造靡恃惟妣景命弗保心之云痛痛貫等昊  
龔龜筮之良辰啓幽房之潛塚整武駕之隆牡結龍輻之縞駟望旂常而  
崩摧披輶輶以增歛口嗚咽以失聲目橫迸以灑淚遠雨絕於宮闈長無





覲於髮髯晉張華元皇后哀策文曰天地配享化成兩儀王假有道義在侂媿姜姬佐肇二妃興媯仰觀古藉覲亦同規今胡不然景命夙虧我膺曆運臨統萬方正位于內寔在嬪嬙天作之合駿發其祥河嶽降靈啓祚華陽棄世豐衍未紱斯皇來翼家邦憲度是常緝熙陰效德聲顯揚如何不吊背世隕喪瑤齊無住長去蒸嘗迫懷永悼率土摧傷陵兆既宅將遷幽都霄陳夙駕元妃其徂宮闈過密階庭永虛設祖屬縛告駕啓途法服暈綸寄象容車金輅掩謁帷裳不舒千乘動軫六驥踟躕銘旌樹表巽柳雲敷祁祁同軌岌岌蒸徒執云不懷哀感萬夫寧神虞旃安體玄廬宋顏延之元皇后哀策文曰龍輻纏紉容翟結駉皇塗昭曠神路幽嚴皇帝親臨祖饋躬瞻宵載飾遺儀於組旒綸徂音乎珩佩悲黼髮之移御痛暈綸之重聊降鑿客位徹奠殯階乃命史臣累德述懷其辭曰倫昭儷異有摠有憑圓精初鑠方祗始疑昭哉世族祥發慶膺秘儀景胄圓光玉繩昌暉在陰采明將進率禮蹈和稱詩納順爰自待年金聲夙振亦既有行素冀增絢家服是加言觀維則俾我王風始基嬪德蕙問川流芳猷允

方江泳漢再誣南國伊昔不造鴻化中微用集寶命仰陟天機釋位公宮登曜紫闈欽若皇姑允廸前徽孝違寧親敬行宗祀進思才淑傍宗圖史降音在詠動容成紀坤則順成皇軒潤飭下節震騰上清眺側有來斯雍無思不極象物方臻視禋告診太和既融攸華委世蘭殿長陰椒塗施衛戒涼在律杪秋即穿霜夜流唱曉月升魄八神警引五輅遷跡啾噉儲嗣哀哀列辟灑零玉墀雨泗丹液撫存悼亡感今懷昔南背國門北首山園遙酸紫蓋眇泣素軒滅采清都夷禮壽原邑野淪鵠戾夏悲嘆來方可述往駕弗援齊謝朓敬皇后哀策文曰暈帝舒阜玄堂啓扉祖徽三獻庭卷六衣懷屨衛而延首想鸞輅而撫心痛椒塗之先廓哀長信之莫臨身隔兩起時無三辰旋詔左言光敷聖善其辭曰帝唐遠胄御龍遙緒在秦作劉在漢開楚肇惟淑聖克柔克令清漢表靈曾沙膺慶爰定厥祥徽音允穆光華沼沚榮曜中谷敬始絺綌教先種桂春問川流神襟蘭郁先德韜光君道方披輔佐求賢在謁無陂顧史弘式陳詩展義厚下曰仁歲往伊智十亂斯俟四教罔式思媚諸姑貽我嬪則化自公官遠被南國軒



懷光素舒佇德閔予不祐慈訓早違方年冲藐懷袖靡依家臻寶業身嗣  
昌暉壽宮寂遠清廟虛歸帝選明命民神胥悅乾景外臨陰儀內缺空悲  
故劍徒嗟金尤馮相告稜宸駕長往貽厥遠圖末命是契棟豐沛之綢繆  
背神京之弘敞陋蒼梧之不從遵鮒隅以同壤陳象設於困寢映輿鏃於  
松楸望承明而不入度清浴而南遊繼池綵於通軌接龍帷於造舟廻塘  
寂其已慕東川澹而不流藉閔宮之遠烈聞纘女之遐慶始協德於蘋馨  
終配祗而表命慕方纏於賜衣悲日隆於無鏡思寒泉之罔極託彤管於  
遺詠 梁任昉王貴嬪哀策文曰游衣戒節轎車命服永去椒華長辭嘉  
福笥緘遺組筵委塵鞠將命啓期寔惟嘉數珮空響其何節姆下當其誰  
傳殯官既毀祖饋斯撤爰命史臣宣美來襲坤載既厚內德云勛軒五有  
弘姬十斯豫誕咨邦淑選自良家爰登六列象服委蛇青絢丹纒辰衣素  
紗蕭雅婦職兪曰俞往贊景望舒方娠明兩心前軌慶軒中增朗與枯不  
愆屈醜無葵式陪璽觀有事蠶官降輿訪道基我王風宣禮撤豆緝樂房  
下 君貴能降在盈思冲仁者必齊彼倉者寧如何不淑萬化齊終薦車告

金殯窆既辨黼翼璫以陸離帷恍紛其舒卷出桂宮而北徂經未央以瀾  
轉池紳顧而徐前服馬嘶而不踐霜霏微而初被野空籠而始彫促虞泉  
於薤露撫悲翁於短簫毋以子貴義弘前哲申喪齊前以從疑革麻縹之  
輕殺達副君之天至賦白華之無缺庶清廟之微微非壽原之永馨

**諡**

宋謝莊殷貴妃諡策文曰維年月日皇帝曰咨故叔儀殷氏惟爾

合微挺懋爰光素里友琴流行實華紫掖奉軒景以柔明發迹處椒風以  
婉孌外名幽閑之範日鵲層闈繁祉之慶方隆蕃世而當春掩藻中波滅  
源朕用震悼傷于厥心松區已剪泉冥將遂宜旌德第行式衍馨芳魂而  
有靈尚茲寵渥嗚呼哀哉 **詔** 梁沈約梁武帝立內職詔曰刑于垂訓周

文所以表德靈闈失序漢氏所以喪邦並被諸方策式昭戒勸魏晉以來  
雖云簡薄而內職名號參差不同在宋太始位置繁縟遂設九品且擬外  
朝填委 **詔** 掖徵費無已自此相仍踵以成舊昭陽九華千門萬戶朕受命  
自天始基七百思所以立房自邇貽厥方來前代職品所宜因革外可詳  
議務令該允 陳徐陵陳文帝登祚尊皇太后詔曰朕以虛薄才非弘濟



竊守蕃維常懼盈滿豈圖蒼昊不吊國步艱難皇嗣元良藐在峭涓二臣奉迎川塗靡從六傳還朝淹留未日令國圖無主家業事隆上奉父母之嚴規下逼羣公之庭諍遂以庸質升纂帝基對揚大化彌增新懼今宜式遵舊則奉上皇后尊號爲皇太后御慈訓官一依前典若中流靜晏皇嗣歸來輒當解紱於箕山之陽歸老於瑯琊之國復子明辟還奉寶圖若問與夷無媿園寢

**梁江淹**爲建平皇慶王后正位章曰伏承以嘉月惠時膺耀宸正暈珩昭品綸組在飾休徧函夏譽啟靈昧伏惟岳曜靜德式懷謙順升降圖傳左右詩史夙鏡茂資早摛芳訓衍教紫庭麗軌華屋聲激綺組風偃家邦

**梁沈約**爲六宮拜章曰蓬閣非質嘉淑無筭越自幽衡登軀宸漢奉日月之華侍巾屨之末何以廁鴛鴦之感序奉屬車之清塵

**隨江惣**爲陳六宮謝章曰恭膺禮命愧集丹縷之顏拜奉曲私愁榮暈羽之色曾宮夜火伯媛匪驚楚謝奔濤貞姜何懼登期日月騰影風雲寫潤遂復位崇九御聲高六列象服增華丹旛耀采何以弭佐王風克柔陰化競儻並集追想流行之詩荷據相并遂失鳴環之節


**魏傳**撥請

立貴嬪爲皇后表曰有虞始德觀化媿洵夏后創業啓作塗山咸以淑哲垂文曲頌伏惟貴嬪誕秀令族稟真高貴應昭明之量兼聖善之行金匱未授而玉璫先顯表贊天休昭隆后祚貞俾先典告踰往訓而猶潛光未即皇統進違二儀烟煴之德退闡懸象兼曜之儀羣僚百辟所以竦佇陛下欽若天秩祗贊帝祉夙崇盛禮俾君萬國則六合承風天下幸甚

**魏陳王曹植**上下太后誄表曰大行皇太后資坤元之性體載物之仁齊美姜嫄等德任姒佐政內朝惠加四海草木荷恩含氣受潤庶鍾元吉永膺萬祚何圖一旦早棄明朝背絕臣庶悲痛靡告臣聞銘以述德誄尚及哀是以冒越諒闇之禮作誄一篇知不足讚揚明明貴以展臣慕莪之思憂荒情散不足觀采

**晉左九嬪**上元皇后誄表曰伏惟聖善宣慈仁洽六宮含弘光大德潤四海妾聞之前志早不誄尊少不誄長楊雄臣也而誄漢后班固子也而誄其父皆以述揚景行顯之竹帛豈所謂三代不同禮隨時而作者乎


後魏温子昇魏帝納皇后羣臣上禮文曰臣聞軒轅乃神西陵以之作合夏后至聖塗山於是來嬪伏惟陛下龍飛纘曆大明理



運長秋既建陰教有主景命無窮靈基長世普天之下莫不欣躍 隋江  
 惣為陳六官謝表曰鶴籥晨啓雀釵曉映恭承盛典蕭何徵章步動雲桂  
 香飄霧縠婉麗艷粉無情拂鏡愁意臨牕安聞漢木贈珠人間  
 絕世洛川拾翠仙處無雙或有風流行雨窈窕初日聲高一笑價起兩環  
 乃可桂殿迎春蘭房侍寵借班姬之扇未掩驚羞假蔡琰之文寧披棟戴  
 宋范晔皇后紀論曰周禮后正位官闈同體天王夫人坐論婦禮九  
 嬪堂教四德世婦知喪祭賓客女御序于王之燕寢順官分務各有典司  
 女史彤管記功書過居有保阿之訓動有環珮之響進賢才以輔佐君子  
 褻窈窕而不淫其色所以能宣述陰化修成內則秦并天下多自驕大官  
 備七國爵列八品漢興因循而婦制莫釐高祖帷箔不修孝文任席無辨  
 而選納尚簡飾玩少華自武元之後世增淫費至乃掖庭三千增級十四  
 及光武中興斷彫為朴六宮稱號唯后貴人貴人金印紫綬又置美人宮  
 人采女三等明帝事遵先旨官教頗修登建嬪后必先令德內無出闈之  
 言權無私潤之授可謂矯其弊矣孝章以下漸用色授恩隆好合遂忘炎

熹自古雖主幼時艱王家多嬰委成冢宰未有專任婦人斷割重器唯秦  
 芊太后始攝政事故權侯權重於昭王家富於嬴國漢仍其謬知思莫改  
 東京皇統屢絕權歸女主外立者四帝臨朝者六后莫不定策帷帟委事  
 父兄貪孩童以久其政抑明賢以專其威任重道愆利深禍速身犯霧縠  
 於雲臺之上家嬰纆綬於囹圄之下墜滅連踵傾輻繼路而赴蹈不息焦  
 爛為期終乃陵夷大運淪凶神寶詩書所嘆略同一揆 梁江淹宋  
 建平丁建太妃周氏行狀曰竊聞侯服之譽非黃冠所敷玉食之門寧早  
 衣所还諒畏衷虛美於君后被空名於鼎貴然昔有漢臣誅行賈史書德  
 者亦云實而已焉太妃誕異離之正和函雲露之中氣凝采髮歲貴章并  
 年若乃彤管女圖之學纂組綺縞之工升降虔謙之儀柔靜嘉順之節莫  
 不中道若性不嚴而成故譽滿惟闈聲播軒殿

聘儷俱平聲



藝文類聚卷第十六

儲官部 儲官 太子妃 附 公主

儲官

周易曰黃離元吉象曰明兩作離大人以繼明照于四方 尚書曰惟四月太子發上祭于畢下至於盟津之上乃告司馬司徒司空 又曰太子發升于舟中流白魚入于舟王跪取出俟以燎羣公咸曰休哉 尚書大傳曰天子太子年十八日孟侯孟侯者於四方諸侯來朝迎於郊者問其所不知也 尚書洪範五行傳曰心之大星天皇也其前星太子也後星庶子也 禮記曰王太子王子羣后之太子卿大夫元士之適子凡入學以齒 又曰文王之爲世子朝於王季日三雞初鳴而未服至於寢門外問內豎之御者曰今日安否何如內豎曰安文王乃喜及日中又至亦如之及暮又至亦如之其有不安則內豎以告文王文王色憂行不能正履王季復膳然後亦復初食上必在視寒煖之節 又曰國君世子生告于君按以太宰宰掌具 又曰行一物而三善皆得者唯世子而已其齒於

如鷓家藏



藝文類聚卷第十六

儲官部 儲官 太子妃 附 公主

儲官

周易曰黃離元吉象曰明兩作離大人以繼明照于四方 尚書曰惟四月太子發上祭于畢下至於盟津之上乃告司馬司徒司空 又曰太子發升于舟中流白魚入于舟王跪取出俟以燎羣公咸曰休哉 尚書大傳曰天子太子年十八日孟侯孟侯者於四方諸侯來朝迎於郊者問其所不知也 尚書洪範五行傳曰心之大星天皇也其前星太子也後星庶子也 禮記曰王太子王子羣后之太子卿大夫元士之適子凡入學以齒 又曰文王之爲世子朝於王季日三雞初鳴而未服至於寢門外問內豎之御者曰今日安否何如內豎曰安文王乃喜及日中又至亦如之及暮又至亦如之其有不安則內豎以告文王文王色憂行不能正履王季復膳然後亦復初食上必在視寒煖之節 又曰國君世子生告于君按以太宰宰掌具 又曰行一物而三善皆得者唯世子而已其齒於

如鷓家藏



學之謂其一知父子之禮其二知君臣之義其三知長幼之節故學之父子焉君臣焉長幼焉一人元良萬國以貞世子之謂也 左傳曰九月丁卯子同生以太子之禮舉之接以太牢士負之士妻食之公與文姜宗婦命之 白虎通曰天子之太子諸侯之世子皆就於外者尊師重先王之道也故曲禮曰禮聞來學不聞往教也 賈誼書曰文王使太公望傅太子發嗜鮑魚公不與曰鮑魚不登俎豈有非禮而可養太子哉 春秋外傳曰靈王二十二年殺洛龍鬪將毀王宮王欲變之太子晉諫曰晉聞古之長民者不隳山不崇數不防川不竭澤靈王不從 又曰師曠見太子晉曰吾聞太子之語高於太山願聞一言太子曰吾聞太師之來喜而又懼汝知人年長短吉凶也師曠曰君色赤君聲清火色不壽太子曰然却後三年吾上賓于帝汝慎無言殃將及汝太子時年十五後三年而卒 史記曰厲王出奔流太子靜匿召公之家國人聞乃置之召公以其子以代太子太子得脫召周公周二相行政號曰共和十四年厲王死太子靜長於召公家二相乃共立之是為宣王也 又曰上欲廢太子立趙王如


意大臣諫爭未得堅決張良為書計曰願上不能致者南山四人今能無愛金玉使太子卑辭厚禮迎此四人則一助也於是四人至侍太子入燕年皆八十餘眉鬢皓白衣冠甚偉上怪問之四人各以名對帝大驚曰吾求公數歲常避逃我今何從吾兒遊四人去上目送之指示戚夫人曰彼四人輔之羽翼已成難可動矣 漢書曰孝景王皇后武帝母也內太子宮太子幸愛之生三女一男男方在身時王夫人夢自入其懷以告太子曰此貴徵也未生而文帝崩景帝即位王夫人生男是為武帝 又曰孝元皇帝宣帝太子也母曰許皇后宣帝微時生民間年二歲宣帝即位八歲立為太子壯大柔仁好儒 又曰孝成皇帝元帝太子母曰 皇后元帝在太子宮生甲觀畫堂為世嫡皇孫宣帝愛之字曰太孫常置左右年三歲而宣帝崩元帝即位帝為太子壯好經書寬博謹慎初居桂宮上嘗急召太子出龍樓門不敢絕馳道西至直城門得絕乃度還入作室門上遲之問其故以狀對上大悅乃著令太子得絕馳道 東觀漢記曰建武時天下墾田不實詔下州郡檢其事帝見陳留墾上有書曰潁川弘農可



問河南南陽不可問帝詰吏由趣吏不服抵言於長安街得之帝怒時明  
帝年十二在幄後曰吏受郡勅當欲以墾田相方耳帝曰即如此河南南  
陽不可問對曰河南帝城多近臣南陽帝鄉多近親田宅論制不可爲准  
帝令詰問乃首服如顯宗言 魏略曰太祖不時立太子太子自疑是時  
高元呂者善相人乃呼問之對曰其貴不可言因問壽幾何元呂曰其壽  
至四十當有小苦過是無憂後無幾而立爲太子 魏志曰明帝文帝太  
子生而愛之常令在左右數歲而有歧嶷之姿武帝異之曰我基於爾三  
世矣每朝讌會同與近臣並列帷幄好學多識特留意法理 吳志曰孫  
登權長子也立爲太子選置師傅詮簡秀士以爲賓友諸葛恪爲左輔張  
休爲右弼顧譚爲輔正陳表爲翼正爲四友於東宮號爲多士登鎮武昌  
或時獵當由徑道常避遠良田不踐苗稼至所憩止又擇空閑之地不欲  
煩民 王隱晉書曰初武帝未爲世子文帝問裴秀人有相否秀曰中撫  
軍立髮至地手過于膝人望旣成天表如此非人臣之相 又曰愍懷太  
子名適少聰惠帝愛之六七歲時帝夜望火太子牽上衣裾使入閣中上

問其故太子對曰暮夜倉卒宜備非常不當親近火光令人照見 世

曰晉明帝數歲在元帝處坐時有人從長安來帝謂曰爾言長安遠日遠  
明帝曰只聞人從長安來不聞從日邊來日固宜遠帝大嗟賞明日羣僚  
並集帝更問乃荅云日近帝失色乃謂曰何以昨語異荅曰出門見日不  
見長安衆莫不嗟嘆 梁劉孝威重光詩曰重光儲后宣制義也赫赫  
重光明明二聖帝作儲述禮和樂正中衢置樽高堂懸鏡其酌不窮其明  
逾盛德音孔昭民胥攸詠明明二聖赫赫重光風神灑落容止汪洋瞻彼  
談扇載抑載揚何斯天辯如珪如璋顏閔函席游夏升堂以卿以士惟公  
惟王思媚儲后顧哉樂康芄芣黍苗陰雨膏之說說纓冕儲王道之道之  
以禮齊之以仁理則探聖言則窮神訓于四國覃于萬民 又奉和簡文  
帝太子詩曰太子天下本元良萬國貞周朝推上嗣漢世慙重明前星涵  
瑞采沚雷揚遠聲三善傳樂正百行紀司成九流逼已辯七經咸所精博  
聞強子政高才凌長卿禮尊逾屈已德盛益卑情仙氣貯鍾相儒道推桓  
榮延賢博望苑視膳長安城園綺隨金輅浮立侍玉笙智囊前發笏端士






後垂纓九仙良所重國海更東傾班輸同舉乘甲觀齊蓬嬴賦魏下蘭  
賡述太子賦曰超古人之遐迹崇先聖之弘基號八素之秘奧遵二儀於  
大猷正往昔之常弊定當世之舊儀稟休和之上性應五百之運期著典  
憲之高論作敘權之麗詩越文章之常檢揚不學之妙辭蹈布衣之所難  
聞善道而廣之道無深而不測術無細而不敷論古賢以歎息觀懿德以  
歡娛歷精思於訓籍忽日移而忘劬雖明略而無上猶博納以自扶賓故  
老以勸俗諷六經以崇儒嘉通人之達節笑俗士之守林匿天威之嚴厲  
揚愷悌之和舒惟九百之詠德感恩惠之有餘信清風之休著非臣下之  
敢虛乃作頌曰明明太子既敷且聰博聞強記聖思無雙倚之左右如虎  
如龍八俊在側旁無諛凶富不忘施尊而益恭研精書籍留思異同建計  
立議廓然發蒙天下延頸歌頌德音聞之於古見之於今深不可測高不  
可尋創法萬載乘此休風箴晉溫嶠侍臣箴曰勿謂其微覆篋成高勿  
謂其細巨由纖毫故曰善不積不足以成名語言如絲而萬里來字無以  
盈而利在永貞是以太子之在東宮均士抗禮以卑駁情入學齋書

稱先生不以賢自臧不以貴爲榮思有虞之恭恭尊周文之翼翼晨昏靡  
違夙興晏息師傅是瞻正人在側屏彼佞諛納此亮直故傳敬德義臣思  
盡忠或稽古訓導惟道之不融或造膝詭辭懼咎之蘊崇惴惴兢兢思二  
雅之遺風鑒乎九三天祿永終近臣司規敢告常從周王褒皇太子箴  
曰臣聞教化爰始詠歌不足致俗既移風雅斯變伏惟皇明御宇功均造  
物政文爲質斷雕成素皇太子于雷居震明兩作離春夏于戈秋冬羽籥  
叔譽慙五稱之對師曠降四馬之恩竊以太史官箴虞書所誠永樹芳烈  
丞相所以垂文深親安危太傅以之陳訓敢自斯義獻箴云爾天生蒸民  
司牧斯樹咸熙庶績式昭王度惠民垂統元良繼體麗止離暉惟機天啓  
令問令望聞詩聞禮從曰撫軍守曰監國秋坊通夢春宮養德相榮獻書  
荀攸觀則元子爲士齒卿命秩朝服寢門迴車作室正陽君位喬枝父道  
臣子所崇忠孝爲寶勿謂居尊禍福無門勿謂親賢王道無偏無爲慮始  
無爲事先損之又損而全之亦全無往不復無平不陂美疹甘言鮮不爲  
累則哲惟難知人未易居室爲善分陰無棄亾保其存危安其位神聽不




感天嫉斯忌文昌着於前星昴由於守器庶僚司箴敢告閤寺 隋戴  
逵皇太子箴曰無謂父子無間江充掘蠱無謂兄弟無携傷僂起舞  
晉陸機愍懷太子誄曰明明皇子戍命既駭保乂皇家載生來胤茂德克  
廣仁姿朗雋當克無疆尤紹有晉如何不弔暴離谷艱曾是蓬敷匪降自  
天肇傾運祚遂喪華年嗚呼哀哉沉雲既祛日月增暉靈寵可昭冤魂難  
追舊物東反靈樞西歸傷我惠后寂焉翳滅銜哀駭奔凶服就列追慕  
塵輿言斷絕敢誄遺風庶存芳烈其辭曰魏魏皇基亦莽紫微有命既集  
天祿永綏篤生太子纂德承茂平紹大烈時惟洪胄奇穎發翹清藻在秀  
誕自幼蒙逮事武皇展矣太子播此瓊芳允矣聖祖無言不滅婉孌乘輿  
名裕德昌龍集庚戌日月改度赫赫明明我皇登祚厥登伊何皇統是荷  
華綬重采翠蓋垂葩鸞旗阿那玉衡吐和聿來在宮體亮而誠肅雍皇極  
思媚紫庭亦既涉學遵師感道何年之妙而察之早謹言必復垂義則考  
侏天有命太子膺之惟皇有慶太子承之當究遐年登茲胡耇緝熙有晉  
克構帝宇如何晨北穢我朝聽仰索皇家惟塵明聖惴惴太子終溫且敬

銜辭即罪掩淚祗命顯加放流潛肆鳩毒痛矣太子乃離斯酷謂天蓋高  
訢哀靡告鞠躬引分顧景摧刺嗚呼哀哉凡民之喪有戚有姻太子之歿  
傷無貺親踣躅嚴嚴宮絕命禁闈幽極偏寄孤魂曷歸嗚呼太子生究歿悲  
足夫有怨尚或殞霜矧乃太子萬邦攸望普天扼腕率土懷傷精感六沴  
咎徵紫房爰茲元輔啓我令圖王赫斯怒天誅靡道撥槍叱掃元凶服辜  
仁詔引咎哀策東徂光復寵祚建親孤於時暉服祭焉畢陳庭旅舊物  
堂有故臣執去太子不見其人嗚呼哀哉既濟洛川靈旆左廻三軍悽裂  
都邑如隤慨矣寤嘆念我愍懷 **哀策** 齊王融皇太子哀策文曰繡幕啓  
塗銅池從殯葺鐸既行攸綍且引皇帝痛染感之闕奉哀七轡之有二閭  
含嗟乎崇正顧掩歛於承光式瞻元良永懷人寶仰茲史策載餘風道其  
辭曰居辰北極在日重離誕惟妙善克自生知資神爲契合聖如規地維  
缺月紀塞期哀纏晦朔燧改歲時檀粥不溢薑桂無滋俛終心禮昌我  
帝基思皇下武纘戎上德將叶人神永貽家國用稽詞典實弘儲則庸器  
改物徽號崇名往辭綠蓋來馭未纓旂旗齋旒驚靈聲明守器宣華訪安




水福上漏駢軒初晨戒服慶色伊滿當儀載肅至誠莫感退福空辭氣程  
月志棧動年司素妓犯列青雲夫滋中秘軫夢當戶陳詩楚葉毀方秦豎  
反轍高議虛演奇文徒說遠實上靈長遠昭世痛結宸慈哀震華棣嗚呼  
哀哉軒帷高寂庭帳深陰鶴闈晝掩晝燈夜沉仍襲未改容饌如臨暖微  
儀而可慕標嗣子之純心嗚呼哀哉事并告期麻衣請日辯域展圖揚龜  
獻吉文物充階具僚在位揆段挽之哀凌視風烟之騷瑟嗚呼哀哉飾塵  
輅而南指轉旌羽而北徂車結軫於雕轂馬緩節於金蘇寄靈心於萬象  
增鸞鸞於國都嗚呼哀哉光徒靡而欲沉山荒涼而遂晚城闕絕而何期  
平原忽而超遠情有聲而弗追顧如疑於將夕嗚呼哀哉 梁王筠昭明  
太子哀策文曰屢輅載我龍駢步羽翾前駘雲旗北徂皇帝哀繼明之  
寢曜痛嗣德之徂芳御武張而悽慟臨甲觀而增傷式稽令典載揚鴻烈  
詔撰德於旌旒求傳徵於舞綴其辭曰式載明兩實惟少陽儀天比峻儼  
景騰光睿哲膺期旦暮斯在識洞機深星包瀛海立德不器至功弗宰寬  
綽居心溫恭成性修德孝友率由嚴敬咸有禮德惠和齊聖括囊沈略也

與書文備該細素輝庇江山脈充精信誓區分瞻河明  
物告徵稜冷寒象星靈恒曜山頽朽壤威儀上質德實長往具僚無  
丞安仰嗚呼哀哉直夏司開麥秋紀節容衛徒警華華絕書恍空張  
筵罷設虛饋饌饌祇燈爨爨嗚呼哀哉節展請日筮合龜貞貞挺風落玄  
宮獻成武枝齊列文物增明昔遊漳水宿從無聲今歸郊郭徒御相驚嗚  
呼哀哉背絳闕以遠徂輔青門而徐轉顧馳道而詎前望國都而不感凌  
修坂之威夷邇平原之悠緬蹕蹕足以酸嘶挽悽銷而流沓嗚呼哀哉  
哀音於蕭蕭變愁容於天日維夏木之森陰反寒林之蕭瑟旣將及而復  
疑如有求而遂失謂天地其無心遽未潛於容膺嗚呼哀哉 梁武帝  
立皇太子詔曰非至公無以王天下非博愛無以臨四海所以堯禪舜讓  
惟德是與文王舍伯邑考而立武王格于上下光被四表今岱宗牢落天  
步艱難淳風猶鬱黎民未乂自非克明克哲允文允武皇能尙神器之重  
副龍圖之尊晉安王綱德行內敏威惠外宣羣后歸美率土宅心可立綱  
爲皇太子庶百年勝殘方流餘慶畢世後仁永固洪業 梁沈約立太子




詔曰朕屬當期運條迹前王思所以長世流祚垂之萬葉百登咸以元良之寄有國莫先自昔哲后降及近代莫不立儲樹賴守器承祧乃芻挹群議遠推七百建茲蒙稚仰副宗祚承華肇開崇基克永無疆之慶非獨在余思霑渥澤被之遐邇可賜天下爲父後者爵一級王侯以下量錫幣帛後魏溫子昇魏莊帝生皇太子叔詔曰有國三善事屬元良本枝百世義鍾繼體朕應天纂命握圖受籙景祚唯新十年以永今日吉辰皇子誕育彩雲映日神光照殿方開博望軒起龍樓遠近同歡人神共悅便可大赦天下勅魏文帝答下蘭教曰賦者言事類之所附也頌者美盛德之形容故作者不虛其辭受者必當其實蘭此豈吾實哉昔吾丘壽王一陳寶鼎何武等徒以歌頌猶受金帛之賜蘭事雖不諒義足嘉也今賜牛一頭吳張儼請立太子師傳表曰昔賈誼爲漢文帝陳周成王爲太子以周公爲傅召公爲太保呂望爲太師又立三少皆上大夫使與太子居處左右前後皆正人也明禮義以導育之故能光熙文武興隆周室伏惟陛下命世應期順乾作土皇太子以天然之姿爲國上嗣朝廷以四海未

國家多事師傅之官闕而未備臣愚以爲高祖初基天下造劍引張良以孫通出爲師保入與朝政宜博采周漢休舊儀用特相名官輔弼太子於是以屈釐洪業增暉日月實爲光大也魏下蘭贊述太子表曰伏惟太子研精典籍留思篇章覽照幽微才不世出稟聰敏之絕性體明達之殊風慈孝發於自然仁慈洽於無外是以武夫懷以文士歸德竊見所作典論及諸賦頌逸句爛然沈思泉涌華藻雲浮聽之忘味正使聖人復存猶稱善不暇所不能問也昔舜以蒸蒸蒸其德周且不驕成其名豈因南面之尊以發假舞鼎足之感以取譽哉夫至尊至貴能令人畏不能令人譽故桀不能憂龍逢之心紂不能易三仁之意懷近服遠非德無施今太子博納多容海濔岳峙學無常師唯德所在思無所思唯德所親觀士察人臯毛無失望色則知其情覽始則達其終退僞辯於未言絕讒巧於未形其所以包羅殊類鑑觀成敗德生於此明出自然太子所行晏然休著皆羣下所常終咏日不復須臣贊揚懿矣褒稱盛行然後今夜光之璧顯於金匱隨侯之珠彰於韞櫝者也今相尋尋大理王朗海內英儒國家柱臣




博物多識通洽君子年者德茂所更夕矣若游海者難與論前世者不可為言然咸歸太子魏巍之美敘述清風言之有承聽者欣欣忘日之夕流景耀於無窮布芳陰於四遠譬若麒麟發足羣獸退蹤鸞鳳舉翼衆鳥隨風小臣區區嘉樂無已竊怡綿綿神之屬忘愚顛之言謹臆冒上賦一篇以摠狂狷之思 宋謝莊慶皇太子元服上至尊表曰伏惟皇太子殿下明兩承乾元良作貳抗法迂身英華自遠樂以修中禮以治外三善克懋德成教尊今日昭辰顯加元服對靈祇之望倚上庠之歡率天整世莫不載躍 又皇太子元服上皇太后表曰離景承宸樞光陪毓毓問東華飛英上序樂正歌風司成頌德清明神鏡温文在躬練日簡辰顯荷元服懋三王之教燭少陽之重 梁簡文帝謝為皇太子表曰伏見詔書以臣為皇太子有命自天實驚物聽鴻名盛典爰萃庸薄勢舉千鈞方茲未重高搏九萬比此非遙臣木凡庸實無取特以毓慶雲霄憑暉曙極鳴玉內侍指麾外蕃循懼不任尚疑廢職况復監撫守從道著前經恭敬温文義彰音記震維禮絕離景事尊無德凡宮替業東序觀平非說漢禮歷

臣牧拙樊漢始獲言歸遂以下才屬當上嗣事異定陶之舉有類膠東之冊將何以著三善之德延四皓之遊屈叔舉之辭 下蘭之頌 又拜皇太子臨軒竟謝表曰臣聞團暉麗天海雷居震必資今德是建賢明臣本空薄器業無取已慙好儒之志且乏豐下之姿叨逢慈獎事出希世方將固安寢門視膳天憚察陳奏之 示嚴警之 書出龍樓而祇召息車馳道符鑿輿而巡幸說經孔庭足踐闡闔風雲之 勢斯近飛陵倒景神仙之舉超然何以允副元良和茲守器逢師曠之褒值史丹之述 又上昭明太子集別傳等表曰若夫正少陽之位王承祧之則口實為美唯稱啓訓自茲厥後罕或聞焉昭明太子稟仁聖之姿縱生知之量孝敬兼極温恭在躬明月西流幼有文章之敏羽蓋東序長備元良之德非假二疎寧勞四皓虎賁忍其經學智囊歟其調護豈止博望延賓壽春能賦問疑璽據書戒憑陵而已哉玉折何追星殞靡續地尊彌嗣外陽之術無徵位比周儲緱山之駕不及臣以不肖妄作明離出入銅龍瞻仰故實思所以榆揚盛軌宣記德音謹撰昭明太子別傳文集請備之延閣藏諸廣內未彰茂實



式表洪徽 梁任昉為皇太子求一日一入朝表曰臣聞內豎告安姬昌  
 怡色鳴雞戒旦周發冠履或以涼燠之候晨昏異宜膳羞之和鼎餼殊節  
 一辰三朝稱情猶簡終日奉顏在理斯愜且長壽之對撫循無已馳道未  
 窮顧慊不輟豈直下動天至固亦上結慈哀自頌牛句乃朝遂為通制事  
 踰信次義爭晨省一日萬機不敢三塵御省每旦改宿特乞一至寢門  
 梁沈約為皇太子謝初表曰臣實蒙雅溫文以闕不閑三善之訓未習四  
 學之議唯問安內豎因心自發而視膳寢門未任再至乃降皇慈鳳膺感  
 典二體宸極守器宗祧顧循幼志如臨水杼 梁蕭子範求撰昭明太子  
 集表曰臣聞姬旦云亾播禮樂於百代宣尼既歿傳雅頌於千祀夏啓之  
 風載傳樂野周晉之迹止在洛濱入侍四公西京見美長壽一察東漢流  
 名魏擊之悟篋衣車關戰國孫登之愛田苗義屬偏霸各稱小善靡擅雕  
 蟲子相雖詩賦可嘉矩軌頭闕貽譏良史取謂前載循而為論發與允歸  
 自少陽潛位震方滅采神儀長往銅龍毀構音頽緬邈舟壑遷移若乃綠  
 情體物繁絃縵錦縱橫艷思籠蓋蘇林積陳累素盈車滿笈金石有銷斯

文方遠既異陳王之躬撰又非當陽之自集 臣蟬翼輕身未從塵露而班  
 輸嚴駕永輟駢駮戀主懷茲伏深涕慕胃乞 銓次遺藻勒成卷軸 梁陸  
 倕為豫章王慶太子出宮表曰臣聞周固本 板寔睿明兩漢啓磐石必係  
 元良所以闡弘祚鼎光崇守器伏惟皇太子 道契生知照均天縱不藉審  
 諭之功無待溫文之輔而冬書秋記夙表虛 資春誦夏絃幼彰神度雖復  
 直門守令長壽察微魏贊多容漢稱寬博不 足以連輝茂則疋景令圖甲  
 觀惟新桂宮告始朱班徙次翠蓋移陰華喬 式瞻入祗蹈舞 周王褒為  
 百僚請立皇太子表曰臣聞游雷居震春方 應守器之禮明兩作離少陽  
 纂重暉之業是以三善昭德載祀之祚克隆 一人元良貞國之基永固至  
 於軒轅得姓高陽才子上嗣竹賢前星虛位 魯國公臣齊親居元子屬當  
 儲貳具僚仰則列侍式瞻臣等參議請立為 皇太子事監臨撫教資審諭  
 問安寢門視膳天幄 周吏信慶傳位於皇 太子表曰昔者降居若水登  
 庸有優劣之殊來朝櫟陽繼體有君臣之 異不得與夫天之兩日一日之  
 再中並曜聯輝重引之雙照同年而語矣欲 令百工相和先聞揖讓之風



天下無爲早識吾君之子皇帝貌然姑射正當乘雲馭龍問道崆峒崑崙復先秋木落

太子妃

漢書曰漢景薄皇后孝文薄太后家女也景帝爲太子時太后爲太子取以爲妃 又曰武帝陳皇后長公主嫖女也 初武帝得立爲太子公主有力焉故欲以女納太子 又曰武成許皇后 平恩侯嘉女也 元帝選配太子上令中常侍黃門親近者侍送還白帝稱太子欣悅 元帝喜謂左右曰酌酒賀我左右皆稱萬歲 漢武故事曰初武帝爲太子時長公主欲以女配帝時帝尚小長公主指女問帝曰得阿嬌好不帝曰若得阿嬌以金屋貯之主大喜乃以配帝是曰陳皇后阿嬌后字也 王隱晉書曰武帝欲爲太子取妃久而不決上欲娶衛瓘女揚后欲娶賈充女上曰衛公女有五可賈公女有五不可衛家種賢而多子端正而長白賈家種妬而少子醜而短黑楊后旣納寶物固欲娶賈氏因乃納之 又曰愍懷太子妃王衍女也 劉暉等入洛盡將諸后妃去妃獨反刀向賊曰我司徒公女也

太子妃死則已終不爲賦婦賦善之 晉孝武起居注曰上臨軒設懸

不樂遣兼司空謝琰納太子妃王氏賜文武布綰百官詣上東門上禮

甲辰儀曰皇太子妃公主夫人逢持節使者高車使者住車相揖 東宮

舊事曰皇太子妃給織成袞帶白玉佩四望車羽葆前後部鼓吹各一部

又曰太子納妃有七綵杯文綺被長命杯文綺袴 哀窳 宋謝莊皇太子

妃哀策文曰楹疑桂酒庭肅龍輻風吹國路雲起郊門皇帝傷總綬之掩

綵掉副禕之滅華行光旣晏長河又斜顧而言曰璇璣有毀郁烈無漣翦

素裁簡授之史臣其辭曰霍岫虧天瀟流疑漢梓發桐珪慶昭金筭毓景

帝出飛芳賦閑秘儀施谷升音集灌月豎幾望姊袂維良釋幃春宮承節


少陽五葉衍藻四訓抽光葳蕤蕙振婉嬈瓊相清徽就遠浸冷方搏臨華

罷翠當擘收蘭復殿生響長麻結筵節移虛饋氣變容衣中庭草夢階上

螢飛傷筵里第痛溢朝闈霜侵燭味風密帷凄驚葭夕轉龍駝夜嘶筵旣

訣兮莫旣撤背青闕兮去神闈旌掩鬱而還泛蓋逶遲而顧低素紉歛維

華駟解馭山燧恒陰松阿不曙離天渾兮就銷沉委白日兮即冥暮菊有



秀兮衡有芬德方遠兮聲彌樹 齊王儉皇太子妃哀策文曰肇惟初識  
芳猷夙就翩翻禮園徘徊樂園規秋齊明方春等茂伊宋之季天衢存阻  
咨我儲貳締縉江許衛女事齊樊姬贊楚美著嬪祠徽音踵武數盈則反  
否極斯昌聶膺靈命經緯三光往儀衡館來式椒堂訓組咸事象服有章  
入演仰則六幽望景悠悠草昧如何不永方中委曜先秋落穎世有遺塵  
庭無餘影嗚呼哀哉遵三兆之嘉日追九筮之靈期澄金波而映鑿旒  
飛廉而拂瓊輜楊清笳於漢表動嘶挽於雲基

公主

公羊傳曰天子嫁女于諸侯必使諸侯同姓者主之 史記曰李斯長男  
由爲三川守諸男皆尚秦公主女悉嫁諸公子由告歸咸陽斯置酒于家  
百官長皆前爲壽門庭車騎以千數 漢書曰周勃下廷尉吏侵辱之勃  
以千金與獄吏迺書牘脅示之曰以公主爲證公主孝文女也勃子勝尚  
之故獄吏教引爲證 又曰宣平侯振救尚惠帝姊魯元公主有女東帝  
既立呂太后欲爲重親以公主女配帝 又曰孝武衛皇后子子夫爲平

陽上謳者武帝即位數年無子過平陽王既飲謳者進帝獨說子夫帝起  
更衣子夫侍尚衣軒中得幸還坐甚忻賜平陽王金千斤子夫上車王拊  
其背曰行矣強飯勉之即貴願無相忘也 又曰烏孫以馬千疋聘漢女  
元封中遣江都王建女細君爲公主以妻焉賜乘輿服御物爲備官屬侍  
御數百人贈送其盛烏孫昆莫以爲右夫人公主至其國自治宮室歲時  
再過昆莫年老言語不通公主悲愁自爲作歌天子聞而憐之 范曄後  
漢書曰制皇女皆封縣公主儀服同列侯其尊崇者加號長公主儀服同  
蕃王諸王皆封鄉亭侯公主儀服同鄉亭侯 又曰光武娣湖陽公主新  
寡帝與共論朝臣微觀其意公主曰宋公威容德器羣臣莫及帝曰方且  
圖之後宋弘被引見帝令公主坐屏風後因謂弘曰嗔言貴易交富易妻  
人情乎弘曰臣聞貧賤之知不可忘糟糠之妻不下堂帝顧謂主曰事不  
諧矣 又曰董宣爲洛陽令湖陽公主蒼頭白日殺人因匿王家吏不能  
得及主出行而以奴驂乘宣於夏門亭候之乃駐車叩馬以刀畫地大言  
數主之失叱奴下車因格煞之主即還官訴帝帝大怒召宣欲笞宣叩





頭曰願乞一言而死帝曰欲何言宣曰陛下聖德中興而縱奴煞良民將何以治天下乎臣不須善請得自殺即以頭擊楹流血被面帝令小黃門持之使宣叩頭謝主宣不從帝強使殺之宣兩手據地終不肯俯主曰文叔爲白衣時賊亡匿死吏不敢至門今爲天子感不能行一令乎帝大笑曰天子不與白衣同 又曰竇融長子穆尚內黃公主子勳尚東海王強女比陽公主又子固亦尚世祖女沮陽公主竇氏一公兩儀三公主親戚功臣中莫與爲比 又曰館陶公主爲子求明帝不許而賜錢千萬謂羣臣曰郎官上應列宿出宰百里苟非其人則民受其殃是以難之矣 魏本傳曰何晏婦金鄉公主即晏同母嫁公主賢明謂其母沛王太妃曰晏爲惡日其將不保身母笑曰汝夜無妬晏耶俄而晏死有一男年五六歲宣王遣人錄之晏婦歲其子王官中向使者博乞所活之使者具以白宣王宣王亦聞晏婦有先見之言心常嘉之且爲沛王故特原不煞 晉中興書曰臨海公主惠帝第四女羊皇后所生初封清河公主未出適直永嘉亂曹長城民錢温温以送女女遇主甚酷主自告吳興太守周禮

以聞於是敘温及女適譙國曹統

滅榮緒晉書曰賈后二女宣華女彥

封宣華弘農郡公主女彥年八歲聰明岐疑便能書學諷誦詩論病困賈

后欲議封女以長公主彥語后曰我尚小未及成人禮不用公主及薨謚

哀獻皇女以長公主禮葬送 列仙傳曰朱仲會稽珠人也高后時獻

三寸珠魯元公主私以七白金從仲求珠仲獻珠四寸

昇常山公石碑曰啓泰微之層構闔闔之重扉據天下以爲家苞率土

而光宅然則昆山西踰爰有夜光漢水東流是生明月公主稟靈辰極資

和天地芬芳有性温潤成質自然秘遠若上元之隔絳河直置清高類姮

娥之依桂樹令淑之至比光明於宵燭幽間之盛匹穠華於桃李託體官


闈而執心搗順婉然左辟率禮如賓舉華燭以宵征動鳴佩而晨去致肅


雍於車乘成好合於琴瑟立行繫於清冰抗志高於黃鵠停輪表信闔門

示禮終能成其子姓貽厥孫謀而鍾漏相催日夜不息川有急流風無靜

樹奄辭身世從宓妃於伊洛遽捐館舍追帝子於瀟湘銘曰龍轡莫援日

車遂往奄離形神忽歸丘壤祖歌難露出奏巫山永厝中野終掩窮泉蕭





琴神道荒涼墓田松檟徒列琬琰空傳 **琴志** 宋謝莊豫章長公主墓志

銘曰稟中樞之照體星軒之華肅恭在國掖庭欽風恪勒衡館庶族仰

其德神華靈條爰自帝堯文信啓魯肇京于楚宵燭載照娥英是從婉婉

絺綌優柔肅雍衡蕙有寶金碧不居泉庭一夜里館長蕪齊王融永嘉

長公主墓志銘曰作儀阿媛取儷漢妃相金漏質穠李慙暉肅穆容靜

恭女德顧史求箴披圖問則慶善郁夷與仁冥默宵燧山明曉挽已聲松

門嚴闈泉帳寒清悠悠哉白日鬱彼佳城齊謝朓臨海公主墓志銘曰長

發有祥瑤臺乃構玄鳥歸飛北音斯奏聿來徐土禎符爰授帝體靈柯穠

華以秀飾館東魯言歸景族有教公宮無繁軍服既肅簪珥亦崇湯沐率

禮衡門降情雲屋彼月斯望在鈞維縉瞻須配景望燭齊神靈華峴岫城

采卜春慈纏雲陞悲動外烟鬱彼崇山瞻然城輦輻輳按轡龍荒徐轉  
又新安長公主墓志銘曰氛氲長發時惟睿文誕茲明淑玉振蘭分譽宣  
女師德侔高行肅穆嬪風優遊陶正撫事成箴臨圖作鏡如何冥默方春  
奕感 **魏陳王曹植平原懿公主諫曰**俯振地紀仰錯天文悲風激興

貴字亦疑誤

霜威雪分凋蘭蕙蕙長幹以泠於惟懿主瑛瑤其質協策應期含爽秀

此疑之姿寔朗寔生在十旬察人識物儀同聖表聲協音律驥眉識往俛

矐知來求頽必笑和音則孩阿保接手侍御充銜常在襁抱不停第休專

愛一官取玩聖皇何圖奄忽罹之殃魂神遷移精美翔翔號之不應聽

之莫聆帝用千嗟嗚呼失聲嗚呼哀哉憐爾早歿不逮陰光改封大郡惟  
帝舊疆建土開家邑移蕃王緄珮惟虧朱紱斯煌國號既崇哀爾孤獨配  
爾名子華宗貴族爵以列侯銀艾優渥成禮于宮靈輶文轂生雖異室歿  
同山岳爰構玄宮玉石交連朱房皓壁暝曜電鮮飾終備備法生象存長  
延繕修神閨掩扉二板並降雙魂執依人誰不歿憐爾尚微阿保激推聖  
上傷悲城闕之詩以日喻歲况我愛子神光長滅局開一闔曷其復晰  
晉潘岳南陽長公主諫曰昔唐女嬀嬀書敘釐降之美周姬道齊詩詠蕭  
雍之歌漢之新野以節義垂號千載伊晉之獻主以聰明睿智者終定謚  
茲可謂母儀純備邁蹤古烈者已惜乎不永背世湮沉爰託素旻式章徽  
音王之誕育既慕洪冒德之休明亦固天授思心婉孌淑質純茂母儀不

忒內則靡疚肇自弱并有馥其芬言歸作合于苟在貴思降處逸能  
勤上虔諸姑俯接支嬪內諧閨外和族姻終溫且惠淑慎其身積善餘  
慶啓茲名胤厲以惠肅誨以柔順主實體化不言而信二子遵式匪嚴而  
峻於穆獻后奕代熙盛重作大司黎牧火正國之仁姑家之慈母天道輔  
賢宜享遐壽如何短命曾不華首寢疾弗興繁榮摧朽嗚呼哀哉容車戒  
路祖奠在庭駢駢躊躇服馬悲鳴皇輿親臨望旗失聲列辟咸起灑淚霑  
纓嗚呼哀哉既次墓門降柩升輶靈未從風素幕生塵明燎守夜竦涕俟  
晨噉噉遺嗣莞莞孤臣號無聲音涕不輟巾 又皇女諫曰厥初在鞠玉  
簪華繁玄髮隆曜娥眉連娟清顏橫流明眸朗鮮迎時夙智望歲能言亦  
既免懷提携紫庭聰惠機警揆色應聲疊疊其進好曰之經辭合容止閑  
于幼齡荷荷春蘭柔條含芳落英彤矣從風颺颺妙弱媛窈窕窈窕淑良孰  
是人斯而離斯殃靈殯既祖次此暴廬披覽遺物徘徊舊居手澤未改領  
膩如初孤魂遐逝存止永殊嗚呼哀哉 晉左九嬪萬年公主諫曰昔滿  
衣早智周晉夙成咸以岐嶷名存典經荷敷公主在幼尅哲方德比商有

邈先烈何德之盛而年或闕何華之繁而實不結雨陵風逝形影長滅莽  
莽京室河洛所經陰精發燿降茲淑靈萬生公主誕應休禎秀生懿微日  
暉月明既踴豐姿徵音孔昭盼倩其媚婉孌其嬌寵玩軒陸如瓊如瑤雖  
則弱齒雙德兼苞五福所集聞之先民積善鍾慶祐德輔仁宜終淑美光  
暉日新云何降戾景命不振華華榮曜英蕤始芳何辜于天猥遇降霜莞  
莞稚童飄飄遐翔於戲何辜痛茲不福生而何晚歿而何速嗚呼皇靈謬  
哉司祿嗚呼哀哉日月載馳白露凝結自主薨徂奄離時節吉凶垂觀存  
亡具制料遷幽都潛神永馨嗚呼公主魂豈是綬岌岌靈輶駟駟駟駟  
僮齊唱悲音激推士女歔歔高風增哀一日不見採蕭作歌況我公主形  
滅體訛精靈遷逝幽此中阿言思言念涕淚滂沱嗚呼哀哉 宋江敷  
當尚世祖女表讓婚曰伏承詔旨當以臨海公主降嬪擢出望表恩加典  
外顧審輻蔽跪處憂邊臣寒門碎族人凡質陋閭閻有對本隔天烟年近  
將冠皆已有室荆釵布裙足得成禮自晉氏以來配尚王姬者雖累經美  
貴亟有名才至如王敦攝氣相溫敘迹王偃無仲都之質而裸雪於北階



何瑀關龍工之姿而見投於深井謝莊殆自同於滕腹殷仲幾不免於強  
鋤制甚於僕隸防閑過於婢妾行來出入人理之當當待賓客朋從之  
義而令掃轍息駕無窺門之期廢庭中席絕相對之理非惟交友離異仍  
乃兄弟疎闊姆姊爭媚相勸以急兄媼競說相語以嚴其間又有應蒼問  
訊止巫師毋乃至殘餘飲食詰辨與誰衣被故弊必責顯顯或進不獲前  
或入不聽不入則嫌於欲踈求則疑於有別意召必以三更為期遣  
必以日出為限夕不見晚魄朝不識曙星至於夜步月而弄琴書拱快而  
被卷一生之內與此乖矣又警表聞則少婢奔避福袂向席而醜老叢  
來左右整刷以疑寵見嫌者容未冠以小容致斥如臣門介代荷殊榮足  
定家警便預提拂青宮美官或出才升一切弊戚戚成思侵是以仰冒非  
宜披露丹款非唯上陳一已規全身願定乃廣申諸門受惠之初若恩詔  
難降投請不申便當刑虜翦髮校山窟海


藝文類聚卷第十六

藝文類聚卷第十七

人部一頭目耳口舌髮鬚髯膽

頭

說文曰首頭也 釋名曰頭獨也體高而獨也首始也 昔帝素問曰頭  
者精明之主也 易說卦曰乾為首 毛詩曰鬢首蛾眉 禮斗威儀曰  
君乘六而王其民銳頭君乘水而王其民大頭 春秋元命苞曰頭者神  
所居上圓象天 晏子曰湯長頭而鬢鬢 史記曰蘭相如為趙使秦持  
璧却立倚柱謂秦王曰趙王纒戒五日使臣奉璧今大王見臣禮節甚倨  
得璧傳之美人以戲弄故臣復取璧大王必欲急臣臣頭今與璧俱碎於  
柱矣 漢書曰陳遵長八尺餘長頭大鼻容貌甚偉 帝系譜曰初農牛  
首結繩而治伏羲人頭蛇身 嚴尤三將攸曰趙孝成王曰誰能當武安  
君平原君曰澠池之會臣察武安君小頭而銳瞳子白黑分明視瞻不轉  
小頭而銳斷敢行也目黑白分見事明也視瞻不轉執志強也可與持久  
難與爭鋒廉頗足以當之 東觀漢記曰彭寵與吳漢圍隗囂於西城勅



何瑀關龍工之姿而見投於深井謝莊殆自同於滕腹殷仲幾不免於強  
鋤制甚於僕隸防閑過於婢妾行來出入人理之當當待賓客朋從之  
義而令掃轍息駕無窺門之期廢庭中席絕相對之理非惟交友離異仍  
乃兄弟疎闊姆姊爭媚相勸以急兄媼競說相語以嚴其間又有應蒼問  
訊止巫師毋乃至殘餘飲食詰辨與誰衣被故弊必責顯顯或進不獲前  
或入不聽不入則嫌於欲踈求則疑於有別意召必以三更為期遣  
必以日出為限夕不見晚魄朝不識曙星至於夜步月而弄琴書拱快而  
被卷一生之內與此乖矣又警表聞則少婢奔避福袂向席而醜老叢  
來左右整刷以疑寵見嫌者容未冠以小容致斥如臣門介代荷殊榮足  
定家警便預提拂青宮美官或出才升一切弊戚戚成思侵是以仰冒非  
宜披露丹款非唯上陳一已規全身願定乃廣申諸門受惠之初若恩詔  
難降投請不申便當刑虜翦髮校山窟海


藝文類聚卷第十六

藝文類聚卷第十七

人部一頭目耳口舌髮鬚髯膽

頭

說文曰首頭也 釋名曰頭獨也體高而獨也首始也 昔帝素問曰頭  
者精明之主也 易說卦曰乾為首 毛詩曰鬢首蛾眉 禮斗威儀曰  
君乘六而王其民銳頭君乘水而王其民大頭 春秋元命苞曰頭者神  
所居上圓象天 晏子曰湯長頭而鬢鬢 史記曰蘭相如為趙使秦持  
璧却立倚柱謂秦王曰趙王纒戒五日使臣奉璧今大王見臣禮節甚倨  
得璧傳之美人以戲弄故臣復取璧大王必欲急臣臣頭今與璧俱碎於  
柱矣 漢書曰陳遵長八尺餘長頭大鼻容貌甚偉 帝系譜曰初農牛  
首結繩而治伏羲人頭蛇身 嚴尤三將攸曰趙孝成王曰誰能當武安  
君平原君曰澠池之會臣察武安君小頭而銳瞳子白黑分明視瞻不轉  
小頭而銳斷敢行也目黑白分見事明也視瞻不轉執志強也可與持久  
難與爭鋒廉頗足以當之 東觀漢記曰彭寵與吳漢圍隗囂於西城勅



彭書曰西城若下便可將兵南擊蜀虜人若不知足既乎隴重望蜀每一發兵頭鬢為白 魏志曰辰韓國兒生以石押其頭欲其扁今辰韓人皆扁頭 搜神記曰南方有落民吳時將軍朱栢一課每夜臥後頭輒飛去或從狗竇或從天窗中出以耳為翼將曉復還數數如此傍人怪之夜照視唯有身無頭其體微冷乃蒙之以被至曉頭還礙被不得安再三墮地而其體氣急疾若將死者乃去被頭復起附得安復瞑如常人 神仙傳曰曹公捕左慈數日得之便斷頭以白曹公公大喜曰果慈頭定視是一束茅爾 洞林曰郭璞為左尉周都十云君且墮馬傷頭髮後乘馬行黃昏坂下犢車觸石馬驚頭打石上流血殆死 秦記曰符堅祖洪見堅狀貌欲令頭堅腹軟字之曰堅頭 幽明錄曰河東賈弼之義熙中為瑯琊府參軍夜夢有一人面杏醜老甚多鬚大鼻矚目請之曰愛君之貌欲易頭可乎乃於夢中許易明朝起自不覺而人悉驚走藏云邠漢何處來弼取鏡自看方知怪異因還家人悉驚入山婦女走職云邠得男子弼坐自陳說後能半面笑兩足手各捉一筆俱書辭意皆美此為異也餘

並如先 晉張敏頭責子羽文曰太原溫長仁潁川荀景伯范陽張陵先上郡劉文生南陽鄒潤甫河南鄭洌余友有秦生者雖有姊夫之尊少而狎之同時昵好張荀之徒繼踵登朝而此賢身處陋巷屢沾而無善價為之慨然又惟諸賢身已既在位曾無伐木嚶鳴之聲又違王貢彈冠之義故因秦生容貌之盛為頭責之文以戲之并嘲六子頭責子羽曰吾託為子頭萬有餘日矣大塊稟我以精造我以形我為子時髮膚置鼻耳安眉鬚垂牙齒眸子摘光雙權隆起每至出入人間遨遊市里行者僻易坐者踈踈如此者故我形之足偉也子冠冕弗戴金銀弗佩旨味弗嘗食粟茹菜子遇我如讎我視子如仇居常不樂兩者俱憂何其鄙哉子欲為仁賢耶當如臯陶后稷巫咸伊陟伊尹又王家永見封殖子欲為名高耶則當如許由子臧下隨務光洗耳逃祿千載流芳子欲為遊說耶則當如陳軫蒯通陸生鄧公轉禍為福含辭從容子欲為恬淡耶則當如老聃之守一莊周之自逸廓然離俗志凌雲日子欲為隱遯耶則當如榮期之帶索漁父之儂澹棲蓬神丘垂餌巨壑今子上不希道德中不効儒墨塊然窮賤



守此愚惑察子之情觀子之志退不能為處士進無望乎三事而徒玩日勞形習為常人之所喜對曰吾以大幸為子所寄今子欲使吾為忠耶則當如子胥屈平欲使吾為信耶則當殺身而成名欲使吾為介節耶赴水火以全貞此四者子之所忌故吾不敢造意頭曰吾欲告余以養性誨余以優遊而與蟻蝨同性不聽我謀悲哉俱御人體而獨為子頭且擬人其倫論子儋偶子曾不如太原溫顛穎川荀禹范陽張華上郡劉許南陽鄒湛河南鄭詡此數子或嘗吃無官或厄陋希言語或淹伊多姿態或驍騁下邳少智諳或口如含膠節或頭如中壘杵而猶以文采可觀意思詳序攀龍附鳳並登天府豈若夫子徒令脣口腐爛手足霑濡哉居有事之世而耻為權謀譬猶鑿地抱甕難以求富嗟乎子羽何異牢檻之熊深穿之虎石間餓蟹竈中之鼠事力雖多而見功甚少宜其蹠踖煎感至老無所希也

易說卦曰離為目 山海經曰一臂國為人一目中其面而居 毛詩曰

美目盼兮 左傳曰宋華父督見孔父之妻目逆而送之 又曰睥其

離其腹事具詳 春秋孔演圖曰蒼頡四目は謂並明 又舜重瞳子是謂

重明 孫卿子曰堯舜三眸子 孝經援神契曰伏犧大目 老子曰五

色令人目盲 胡非子曰目見百步之外而不能見其背 莊子曰温伯

雪適齊舍於魯仲尼見之而不言子路問焉仲尼曰若夫人者目擊而道

存矣 又曰孔子見老聃而語仁義老聃曰夫播糠眯目則天地四方易

位矣夫仁義翻然乃憤吾心亂莫大焉 孟子曰伯夷目不視惡色 慎

子曰離朱之明察毫末於百步之外下水尺不能見淺深非目不明其勢

難覩也 尸子曰使目在足下則不可以視 楚辭曰娛光眇視目增波


又曰蛾眉曷睞目騰光 又曰帝子降兮北渚目眇眇兮愁予 又曰滿

堂兮美人忽獨與余兮目成 孫卿子曰厭目而視者視一以為兩也

韓子曰田駟欺鄒君鄒君釋殺之田駟恐兮惠子惠子見鄒君曰有人見

君則眈其一目奚如君曰我必殺之惠子曰瞽眈兩目君奚弗殺駟東欺

齊侯南欺荆王駟之於欺人瞽也君奚怨乃弗殺 淮南子曰夫目察秋



毫之末而耳不聞雷霆之音耳調玉石之聲而目不見太山之高何則小有所志而大有所忘也 孔叢子曰夫子適周見襄弘言終退襄弘語劉文公曰吾觀仲尼有聖人之表其狀河目而隆額是黃帝之形貌也 史記曰吳王賜子胥屬鏤之劍以死子胥仰天嘆曰抉吾眼着吳東門上以觀越寇之入滅吳也乃自剄 漢書曰東方朔上書臣朔目若懸珠齒如編貝 東觀漢記曰馬援眉目如畫 鄭玄別傳曰玄秀眉明目 竹林七賢論曰王戎眸子洞徹視日而眼明不虧 瀨鄉記曰老子大目 詩梁劉孝綽詠眼詩曰含嬌睜已合離怨動還開欲知密中意浮光逐笑廻 歲宋謝惠連目箴曰箴之清明雙眸善識唯道是視瞻彼正直 齊竟陵王蕭子良眼銘曰惟正是視玄黃匪惑非禮不觀儀形是則慎爾所覲無怨斯德

耳

樊氏相法曰耳門不容麥百歲 相書曰耳門小富而恹 淮南子曰禹耳三漏是謂大通興利除害決江疏河 老子曰五音令人耳聾 孟子

曰伯夷耳不聽惡聲

史記曰韓信使人言於漢王齊及魯之國不為假

王鎮之其勢不定漢王大怒張良陳平躡漢王之足附耳語曰漢方不利

寧能禁信王乎因立之 范曄後漢書曰珠崖僭耳其渠師耳垂肩三寸

列仙傳曰務光夏將人耳長七寸陽都女耳細而長衆皆言此天人也

列士傳曰燕丹使田光往侯荆軻值其醉唾其耳中軻覺曰此出口入耳

之言必大事也則往見光 蜀志曰先主長十尺五寸垂臂下膝顏自見

其耳 英雄記曰曹公擒呂布布顧劉備曰玄德卿爲上坐客我爲降虜

繩縛我急獨不可一言耶操曰縛虎不得不急曹公欲緩之備曰不可公

不見布事丁建陽董太師乎操領之布目備曰大耳兒最巨信 魏書荀


攸年七八歲父衢曾醉誤傷攸耳而攸出入遊戲常避護不欲令衢見也

衢後聞之乃驚其夙智如此 枹朴子曰老君耳長七寸 瀨鄉記曰老

子耳有三門 楚辭曰曾頰倚耳曲眉規 樊氏相法曰人耳困長寸三

分壽百二十歲一寸壽百歲如豆生即死耳門前有仙人杖四理一百歲

三理八十二理六十 賦晉祖台之荀子耳賦曰夫惡勞而希逸寔萬物






之至誠何斯耳之不辰託荀子而宅形在瘠土而長勤無須史之閑寧預  
清談而閉塞開鄙穢而聰明竭微聽於門閭採羣下之風聲錄齊竟陵  
王蕭子良耳銘曰惟耳是聽仁愛是聞詳察巧言離辯異羣無迷邪誦炫  
惑莫分

易說卦曰充爲口 禮記曰數誦無爲口容 又曰口容止 又曰負劔  
辟咎詔之則掩口而對 又曰趙文子其言呐呐然如不出諸其口 孝  
經曰口無擇言 孝經援神契曰舜大口 又曰孔子海口含海 老子  
曰五味令人口爽 莊子曰公孫龍問於魏牟曰吾聞莊子之言芒焉異  
之牟曰子獨不聞坎井之蠹謂東海之鼈曰坎井之樂亦至矣子奚不來  
入觀乎鼈左足未入而右膝已縶矣公孫龍口哇而不合舌舉而不下  
史記曰秦始皇遊於會稽渡浙江項梁與籍俱觀籍曰彼可取而代也梁  
掩其口曰無妄言誅族矣 又曰鄧公見景帝曰吳王爲反數十年矣發  
怒削地以誅錯爲名其意非在錯也且臣恐天下之士繫口不敢復言

鬼谷子曰口者機關也所以開閉情意也 又曰口可以食不可以言

說苑曰常縱有疾老子曰先生疾甚無遺教語弟子平常縱乃張其口示  
老子曰舌存乎曰存豈非以軟耶齒亡乎曰亡豈非以剛耶常縱曰天下  
事盡矣 又曰惡言不過口苛言不留耳口者關也舌者機也出言不審  
駟馬不能追也 漢書曰漢王擊魏豹問酈食其曰魏大將誰也曰栢直  
漢王曰是口尚乳臭 又曰周昌曰臣口不能言心知其不可 又曰楊  
雄口吃不能戲談 應劭漢官儀曰侍中才存年老口臭帝賜雞舌香令  
含之 杜恕體論曰束修之業其上在於不言其次莫如寡知也故諺曰  
使口如鼻至老不失 養生經曰軍營之中有甘泉甘泉營口也 養生要  
尹氏內解曰口爲華池 相書曰欲知人多口舌當視其口如鳥喙言語  
皆聚此多舌人也 相書雜要曰口大容手赤如朱丹貴且壽 賴鄉記  
曰老子方口 吳錄曰孫權方頤大口目有精光錄宋謝惠連口箴曰  
宣納之由寔伊樞機唯舌是出馳驅安追差羗千里君子慎微何用口爽  
信在甘肥誠 晉傳玄口箴曰勿謂何有積怨致咎勿曰不傳伏流成川



蟻孔潰河流穴傾山銘齊竟陵王蕭子良口銘曰惟口是真慎乎語笑  
三緘是戒事重周廟戒之戒之無貽厥誅

舌

山海經曰反舌國其人反舌 呂氏春秋曰善爲君者變夷反舌殊俗異  
習皆服德厚也 莊子曰公孫龍口吐而不合舌舉而不下 燕丹子曰  
荆軻之燕太子曰田先生今無恙乎軻曰先臨送軻之時言太子戒以國  
事耻以丈夫而不見信向軻吞舌而死矣 史記曰平原君已定從而歸  
至於趙曰毛先生以三十之舌強於百萬之師 又曰留侯曰家世相輔  
韓滅不愛萬金之資爲韓報讎強秦天下振動今以三十舌爲帝者之師  
封萬戶位列侯此布衣之極於良足矣 又曰張儀嘗從楚相飲已而楚  
相公璧門下意儀盜璧共執儀掠笞數百不服釋之其妻曰子無讀書弄  
說安得此辱乎儀張口曰視吾舌尚在否妻曰在也儀曰足矣 說苑曰  
韓平子問叔向曰剛與軟孰堅對曰臣年八十矣齒再墮而舌尚在神  
異經曰東荒山中有大石室東王公居之長一丈頭髮皓白鳥面人形而

虎尾恒與玉安投壺 漢書蒯通謂韓信曰酈生一士伏軾掉三寸

下齊七十城 英雄記曰曹操與劉備密言備泄之於袁紹紹知操有圖

巴之意操自咋其舌流血以失言戒後世 搜神記曰永嘉中有天竺胡

人能斷舌先吐舌示賓客然後刀截血流覆地乃取置器中傳示人取舌

還含有頃如故 郭子曰殷仲堪云三日不諳道德經覺舌本間強 沈

約宋書曰南郭王義宣生而舌短澁言 相書曰舌如絳赤者賢人也

相書雜要曰吐舌及鼻三公賦 梁簡文帝舌賦曰奚茲先生問於何斯

逸士曰夫三端所貴三寸著名故微言傳乎往記妙說表乎丹青魯談笑

而軍却王言詠而瑞隆陸有千金之富周爲一說之功復有搆扇之端說


訣之迹艷紫凌朱飛黃始白吾將欲廢便辟之交遠巧佞之友殄張儀之

餘穢蘇秦之後粉虞鄉之白璧碎漢王之玉斗然後浮僞可息淳風不朽

晉書張韓不用舌論曰論者以爲心氣相駢因舌而言卷舌翕氣安得

暢理余以留意於言不如留意於不言徒知無舌之通心未盡有舌之必

通心也仲尼云天何言哉四時行焉夫子之文章可得而聞也夫子之言



性與天道不可得而聞是謂至精愈不可聞樞機之發主乎榮辱禍言相尋召福甚希喪元滅族沒有餘哀三緘告慎銘在金人留侯不得已而掉三十寸亦及初服而効神仙靈龜啓兆於有識前却可通於千年鸚鵡猩猩鼓弄於籠羅財無一介之存普天地之與人物亦何屑於有言哉

髮

歸藏啓筮曰共工人面虵身朱髮左傳曰齊侯田于菅盧蒲葵見泣且請曰余之髮如此種種余奚能為種短也公曰吾告二子子尾欲復之子雅不可曰彼其髮短而心甚長其或寢處我矣子雅放盧蒲葵于北燕又曰昔有仍氏女生鬢黑鬢髮而其美光可以鑑名曰玄妻樂正后夔取之禮斗威儀曰君乘木而王爲人美髮呂氏春秋曰昔者殷早五年湯乃以身禱前髮自以爲犧用祈福於上帝韓子曰文公之時宰人上爰而髮繞之文公召宰人而謂之宰人曰臣有死罪三援礮砥刀利猶于將切肉斷而髮不絕臣之罪一也援錐貫鬢而不見髮臣之罪二也奉爨躡炭炭而盡赤紅炙熟而髮不焦臣之罪三也堂下得微有嫉臣者乎公乃召其

下而謂之果然乃誅之

又曰燕李季好遠出其妻有士季至士在內妻

患之妾曰令公子裸而解髮直出門吾屬伴不見也公子從其計疾走出

門季曰是何人也家室皆曰無有季曰吾見鬼爲之奈何婦曰取五姓之

水浴之季曰諾乃浴家語曰頰回二十髮白史記曰蘭相如持璧却

立倚柱怒髮上衝冠漢書曰蘇武留匈奴十九年始以強壯出及還鬢

髮盡白淮南萬畢術曰理髮竈前婦安夫家又曰用麻子中人桐葉

米汁煮之沐二十日髮長東觀漢記曰明德后美髮爲四起大髻但以

髮成尚有餘繞髻三匝又曰和熹皇后六歲諸兄持后髮后曰身體髮

膚受之父母不敢毀傷孝之始也奈何弄人髮乎曹瞞傳曰太祖嘗行

經麥中令士卒無敗麥犯者死騎士皆下馬持麥以相付時太祖馬騰入

麥中太祖曰制法而自犯之何以帥下然孤爲軍帥不可殺請自刑因援

劍割髮以置地王隱晉書曰陶侃爲吏鄱陽孝廉與親友過侃宿毋截

髮以供賓諸客歎曰非此母不生此子也梁何遜白髮詩曰絲白不

難染蓬生本易扶唯此星星髮獨與衆中殊晉左思白髮賦曰星星



白髮生於鬢垂雖非青蠅穢我光儀衆名觀國以此見疵將拔將鐸好爵  
是糜白髮將拔怒然自誦冥命不幸值君年暮逼迫秋霜生而皓素始覽  
明鏡惕然見惡朝生書拔何罪之故予觀橋抽一聽一睜貴其素華匪尚  
綠葉願戢子之手攝子之錯咨爾白髮觀世之途靡不追榮貴華賤枯莽  
莽閭闔藹藹紫盧弱冠來仕童髻獻謨甘羅乘軼子音剖符英英終喪高  
論雲衢拔白就黑此自在吾白髮臨欲拔瞑目號呼何我之冤何子之誤  
甘羅自以辯惠見稱不以髮黑而名者賈生自以良才見異不以烏鬢而  
後舉聞之先民國用老成二老歸周周道肅清四皓佐漢漢德光明何必  
去我然後要榮咨爾白髮事故有以爾之所言非不有理冀貴者羞今薄  
舊齒皤皤榮期皓首田里雖有毛河清難俟隨時之變見歎孔子髮乃  
辭盡誓以固窮昔臨玉顏今從飛蓬髮眉至晚尚不克終聊用擬辭比之  
國風


**晉稽含白首賦序**曰余年二十七始有白髮生於左鬢斯乃衰  
悴之標證葉捐之大漸也蒲衣以齒作爾夏后漢之賈鄴弱冠從政獨以  
垂立之年白首無聞阻志矧於燕雀忠貞抗於林路觀將衰而有川上之

感觀趣舍而泡慷慨之嘆

鬻體

論文曰鬻體項也 廣雅曰穎顛謂之鬻體 莊子曰莊子使楚見空鬻

體擊以馬捶而問曰夫子貪生失理而爲此乎將有凍餒之患而爲此乎  
語卒援鬻體枕而臥鬻體見夢曰夫死無君於上無歸於下亦無四時之  
事與天地爲春秋雖南面帝王樂不能過也 魏略曰王忠先因飢噉人  
五官將與共從駕出行過家間無何令取道邊死人鬻體擊者忠馬鞍上  
以爲戲笑 盛弘之荊州記曰長沙蒲圻縣有呂家家中有一鬻體極  
大蒙形旣長偉疑即蒙鬻體也 廣州記曰盧循襲廣州風火夜發奔免  
者數千而已循除諸燒骨數得鬻體三萬餘於江南洲上作大坑塋之今  
名共冢 南州異物志曰烏潯人鬻體破之以飲酒 續搜神記曰永嘉  
五年張榮爲高平戍邏主時遭曹疑賊寇亂人皆塢壘自保固見山中火  
起飛埃絕爛十餘丈樹顛大焱響動山谷久聞人馬鎧甲聲謂疑賊上人  
皆惶恐並嚴出將欲擊之引騎到山下無有人但見碎火來曬人袍鎧馬



毛鬣皆煥於是軍人走還明日往視山中無烟火處唯見髑髏百頭布散

在山中賦後漢張衡髑髏賦曰張平子將遊目於九野觀化於八方顧

見髑髏委於路旁平子悵然而問之子將并糧推命以天逝乎本喪此土

流遷來乎為是上知為是下愚答曰吾宋人也姓莊名周遊心方外不能

自修公子何以問之對曰我欲告之於五嶽禱之於神祇起子素骨友子

四支髑髏曰死為休息生為役勞冬之外疑何如春水之清沉我已化與

道逍遙與陰陽同其流元氣合其朴雲漢為川池星宿為珠玉雷電為鼓

扇日月為燈燭合體自然無情無欲不行而至不疾而速晉呂安髑髏

賦曰躊躇增愁言遊舊鄉惟遇髑髏在彼路傍余乃俯仰咤歎告于吳蒼

此獨何人命不永長身銷原野骨曝大荒余將殞子時服與子嚴裝殮以

棺槨遷彼幽堂於是髑髏蠢如精靈感應若在若無斐然見形温色素膚

昔以無良行違皇乾來遊此土天奪我年令我全膚消滅白骨連翩四支

摧藏於草莽孤魂悲悼乎黃泉余殫感其苦酸晒其所說念爾荼毒形神

斷絕今宅子后土以為水列相與異路於是便別魏陳王曹恒髑髏

說曰昔子遊乎陂塘之濱步乎衣穢之藪蕭條潛虛經幽踐阻顧見髑髏

塊然獨居於是伏軾而問之曰子將結纓首劔殉國君子將被堅執銳

三軍乎將嬰茲固疾命殞傾乎將壽終數極歸幽冥乎叩遺骸而歎息哀

白骨之無靈恭嚴罔之適楚儻許夢以通情於是伴若有來悅若有存影

見容隱厲響而言曰子何國之君子乎既在輿駕慙其枯朽不惜咳唾之

音慰以苦言子則辯於辭矣然未達幽冥之情識死生之說也夫死之為

言歸也歸也者歸於道也道也者身以無形為主故能與化推移陰陽不

亂更四節不能虧是故洞於纖微之感通於恍惚之庭望之不見其象聽


之不聞其聲挹之不冲滿之不盈吹之不凋嘘之不榮激之不流凝之不

停哀落亘漢與道相拘偃然長寢樂莫是踰曹子曰子將請之上帝求諸

神靈使司命輟籍友子散形於是髑髏長呻廓背曰其矣何子之難語也

昔太素氏不仁無故勞我以形苦我以生今也幸變而之死是反吾真也

何子之好勞而我之好逸子則行矣余將歸於太虛於是言卒響絕神光



翳以綠榛夫存止之異勢乃宣尼之所陳何神憑之虛對云死生之必均

膽

黃帝素問曰膽者中正之官斷決出焉

吳越春秋曰越王欲報怨懸膽

於戶出入嘗之

事具水部水篇

魏志曰樂進字文謙容貌短小以膽烈從太祖

又曰袁紹在黎陽將南度程昱守甄城太祖欲益其兵昱不肯曰袁紹擁

十萬衆見昱兵少必輕易不致若益昱兵過則不可攻之必克徒兩損其

勢願公無疑太祖從之紹聞昱兵少果不往太祖曰程昱之膽過於黃帝

吳志曰呂蒙病篤孫權問曰卿如不起誰可代者對曰朱然膽守有餘愚

以爲可任管輅別傳曰輅年十五瑯琊太守單子春雅有才度欲見輅

輅造之客百餘人有能言之士輅謂子春曰府君名士加有雄貴之資輅

既年少膽未堅剛若欲相觀懼失精神請先飲酒三斗然後而言子春大

喜酌三斗獨使飲之於是輅人人言對言皆有餘劉琨書曰膽識堅定

臨難無苟免之意世說曰姜維死時見剖膽大如斗魏嵇康明膽

論口有呂子春者精義味道研數足非以爲人有膽可無明有明便有膽

矣嵇先生以爲明膽殊用不能相生論曰天元氣陶鑠衆生豈焉賦受有

多少故才性有昏明唯至人特鍾純美兼周外內無不畢備降此已往蓋

闕如也或明於見物或勇於決斷人情貪廉各有所止譬諸草木區以別

矣兼之者博於物偏受者守其分故吾謂明膽異氣不能相生明以見事

膽以決斷專明無膽雖見不斷專膽無明則違理失機

